

時局

論民族競爭之大勢

中國之新民

本論宗旨在綜覽現今世界各國之大勢推原其政略所從出及其所以集勢於中國之由而講求吾國民應變自立之道篇中取材多本於美人靈綬氏所著「十九世紀末世界之政治」潔丁士氏所著「平民主義與帝國主義」日本浮田和民氏所著「日本帝國主義」「帝國主義之理想」等書而參以己見引伸發明之不敢掠美附識數言 著者識

天下勢力之最宏大最雄厚最劇烈者必其出於事理之不得不然者也。自中古以前。羅馬解紐以前歐洲之政治家常視其國為天下所謂世界的國家 *Worldly States* 是也。以誤用此理想故。故愛國心不盛。而真正強固之國家不能立焉。按吾中國人愛國心之弱其病源大半坐是而歐人前此亦所不能免也近四百年來。民族主義日漸發生。日漸強達。遂至磅礴鬱積。為近世史之中心點。順茲者興。逆茲者亡。所號稱英君哲相。如法王路易第十一。顯理第四。英女王意里查白。英相

格林威爾、渣沁、意相嘉富、德相俾士麥，皆乘此潮流，因勢而利導之，故能建造民族的國家，聲施爛然。苟反抗此大勢者，雖有殊才異能，卒歸敗衄。法帝拿破侖是也。拿破侖所以取敗者，由欲強合無數異種異言異教異習之民族，而成一絕大之帝國，其道與近世史之現象太相反，其不能成也固宜。

夫此民族主義，所以有大力者何也？在昔封建之世，羅馬以前歐洲之封建時代也分土分民，或同民族

而異邦，或同邦而異民族。胡漢、吳越，雜處無猜，及封建之弊，極於墜地，民求自立而先自圍，於是種族之界始生。同族則相吸，異族則相反。撥荀爲他族，所箝制壓抑者，雖粉身碎骨，以圖恢復，亦所不辭。若德意志、若意大利，皆以同民族相吸而建新邦。若匈牙利，以異民族而分離于奧大利，皆其最著者也。民族主義者，實製造近世國家之原動力也。

此主義既行，於是各民族感波，汲然務養其特性，發揮而光大之。自風俗習慣、法律文學、美術，皆自尊其本族所固有，而與他族相競爭。如羣虎互睨，莫肯相下。範圍既日推日廣，界線亦日接日近。漸有地小不足以回旋之概。夫內力既充，而不得不思伸於外。

此事、理之、必然者也。於是、由民族主義一變而為民族帝國主義。遂成十九世紀末一新之天地。

民族帝國主義有兩種。其發生皆不自今日。今則合一爐以冶之而已。甲種者優強民族自移殖於劣弱民族所居之地。終其臂而奪之。若英國是也。英人自中古以來。與羅馬帝政不相容。去而自立。實為民族國家發生之嚆矢。故其民族帝國主義亦著先鞭。得善處屬地之法。遂能控馭全球。凡日所出入處。皆見其國旗焉。乙種者優強民族能以同化力能化人使之同於我謂之同化力吞納劣弱民族。而抹煞其界限。若美國是也。美國百餘年來。

由大西洋之十三省。逐漸擴充。奄有太平洋岸全陸之地。自三百萬人增至八千萬人。固由吸集同族之效。亦未始不因買受併吞他國之屬土而同化其民之所致也。今日之美國。尚能容納德意志愛爾蘭之移民。綽有餘裕。皆其同化力強盛使然也。

近世諸儒之學說。其於孕育民族帝國主義與有力者不一家。而以瑪兒梭士 Malthus

英人生於一七六六

年卒於一八三四年

達爾文

見第一冊

二氏為最。瑪氏嘗著人口論一書。謂人類日漸繁殖。其增

加之率。常與食物之增加不能相當。食物之增加。算術級數也。即由二而四而八而十六是也人口之增

加。幾何級數也。即由二而四而十。苟無術以豫防之。則人滿之患。必不能免。而戰爭疾疫。自殺之風將日盛。此論一出。大聳動全歐之耳目。而政治家之思想幾為之一變。按瑪氏謂人口之增加。以幾何級數實屬杜撰。後儒駁正之者已不少。其所論豫防之法。亦不可行。要其立論之大體。則實為近世政策之一轉捩也。故當瑪氏以前。歐洲列國。尚以獎厲產子為急務。千七百九十六年英國著令云凡民能生多子以富國家者可有權要求政府使教育其子千八百六十六年著令云英人有兩子以上者可享免稅之特權。及於今日。則除法蘭西一國外。殆無不以人滿為憂者矣。法國人口增加最少詳見下表以此之故千八百八十五年法人著令云貧家有子七人者以公費教之養之又今年議員俾阿氏提案於議院謂民有及歲而不婚者則課以重稅。今試舉近百年來歐美各國人口增進之大概。列表如下。

一八〇〇年

一八八〇年

英	法	德	奧	意
一五、五七〇、〇〇〇 <small>人口</small>	二七、七二〇、〇〇〇	二二、三三〇、〇〇〇	二二、二三〇、〇〇〇	一三、三八〇、〇〇〇
三四、六五〇、〇〇〇 <small>人口</small>	三七、四三〇、〇〇〇	四五、二六〇、〇〇〇	三七、八三〇、〇〇〇	二八、九一〇、〇〇〇

班	一〇、四四〇、〇〇〇	一六、二九〇、〇〇〇
合計	一七二、二六〇、〇〇〇	三一二、九九〇、〇〇〇

此八十年前增進之大略也。其中速率最著者。尤以德俄美三國為甚。德國當千八百五十年。只有三千五百二十萬人。至千九百年。則有五千六百三十四萬人。俄國當千八百五十年。只有六千八百萬人。至千九百年。則有一萬二千九百萬人。美國當千八百五十年。只有五百三十萬人。至千九百年。驟增至七千六百三十五萬人。美國人口由外國移民入籍者居多以此之故。歐洲區區之地。斷不能容此孳生蕃衍之民族。使之各得其所。勢固不得不求新政策以調劑之。此事理之易見者也。於是乎殖民政略遂為維持內治之第一要著。此近世帝國主義發生之原因也。

前代學者。大率倡天賦人權之說。以為人也者。生而有平等之權利。此天之所以與我。非他人所能奪者也。及達爾文出發明物競天擇優勝劣敗之理。謂天下惟有強權。惟強者有權。更無平權權也。者。由人自求之。自得之。非天賦也。於是全球之議論為一變。利謂之強權。各務自為強者。自為優者。一人如是一國亦然。苟能自強自優。則雖翦滅劣者弱者而

不能謂爲無道何也。天演之公例則然也。我雖不翦滅之而彼劣者弱者終亦不能自存也。以故力征侵略之事前者視爲蠻暴之舉動。今則以爲文明之常規。歐美人常揚言曰。全世界三分之二爲無智無能之民族所掌握。不能發宣其天然之富力。以供全球人類之用。此方人滿爲憂。彼乃貨棄於地。故優等民族不可不以勢力壓服劣等者。取天地之利而均享之。其甚者以爲世界者優等民族世襲之產業也。優等人斥逐劣等人而奪其利。猶人之斥逐禽獸。實天演強權之最適當而無慙德者也。茲義盛行而弱肉強食之惡風變爲天經地義之公德。此近世帝國主義成立之原因也。

由此觀之。則近世列強之政策。由世界主義而變爲民族主義。由民族主義而變爲民族帝國主義。皆迫於事理之不得然。非一二人之力所能爲。亦非一二人之力所能抗者也。今請就諸國中擇其有代表帝國主義之資格者而論之。得四國焉。

其一英吉利。英國本境之人口不滿四千萬。而其謀生於海外者殆倍之。人口日日增多。而三島之面積不加廣。物產不足以給民用。故英國若一旦失其屬地。不特富源立涸而已。而國威民力皆隨而衰頹。國民之品性且將漸滅。勢必與古代之雅典羅馬。

同列于亡國之籍。故英人之帝國主義。非直爲進取計。不得不然。即爲保守計。亦不得不然也。英國今日之盛強。半由煤礦之豐富。據千八百七十一年政府所報告。謂本國之煤。尙足供三百年之用。然爾來英人用煤之率。日增月加。曾靡底止。故其勢不久必須仰給煤炭於本境以外。或者謂英煤涸竭之時。即英國衰亡之日。非過言也。况其製造之品。消售於屬地者。常視他國有加焉。彼英屬地之依賴母國。不如其母國之依賴屬地。爲尤重大也。故英人之政策。務使其母國與屬地永不相離。不惟保守其版圖而已。又使其海陸通航之路。交通利便。以是爲第一要義。以故海軍之關繫。日益重焉。海軍既重。故屯泊貯煤之灣港。亦隨之而重。英國所行於東洋及亞非利加之政略。皆以此爲根據者也。彼其保護土耳其。占據賽布拉士島。皆所以防俄國之蠶食。保地中海之航路。使英國與印度交通之鎖鑰。不至授人也。其市恩於意大利。助其獨立。用術於埃及。握其國權。亦皆爲地中海蘇彝士河之運航權也。近者與杜蘭斯哇之戰。不惜糜重帑。菅人命。擲獅子搏兔之全力。所以保好望角之權利也。彼波亞民族。日新月盛。駸駸有爲南非全境主人翁之勢。英人非挫擢之。則其在非洲之權力。將墜於地也。故英國

北自君士但丁奴不。土耳其京城南至好望角。其所行之政策。皆自保護航路而生者也。保護航路。即使母國與屬地永不相離之第一著也。

英人之所汲汲者。又不徒在海權而已。於大陸交通機關。亦絲毫不肯讓人。近以俄人西伯利亞鐵路將成。思所以抵制之。乃擬築一大鐵路。自亞歷山大利亞經波斯灣沿岸。橫貫印度。接緬甸。由瀘州出揚子江。以通上海。一以鞏勢力于印度。二以張威權於波斯灣沿岸諸國。三以通血脉于支那。而現時印度境內已成之鐵路二千餘英里。實利用之以爲此路之一部。其規模之宏遠。實有使人驚歎而不能措者。

英國工商之國也。無商利是無英國也。近年以來。德國美國之商業驟進。駸駸乎有駕英而上之勢。疇昔英人於加拿大澳洲印度埃及及其餘屬國保護國。皆專握商權。近則國民之競爭愈劇。新屬地之貿易。容易不肯爲母國之附庸。故今者英國商務。除澳洲印度外。皆日見減色。於加拿大古巴爲美國所奪。於亞爾焦利亞爲法國所奪。於南美爲德國所奪。其在澳洲能保其舊位者。不過其地之民。與母國同嗜好同習慣。故日用飲食之品物。多取給於母國云爾。然則英國今日之政策如何。英國自三十年來。產業

之發達。既臻絕頂。昔為世界工業之中心點者。今則變為世界資本之中心點焉。自美國行保護稅則。免出入口稅者謂之自由稅則。重抽入口稅者謂之保護稅則。拒英國之貨物。英人乃以資本代貨物。美國各省所有大製造大公司。英人皆投資資本而分其利。於非洲南美等處亦然。於亞洲亦然。故今日全球到處。幾無不有英人資本之安置。而其此後進取之政策。惟以擴充其工業資本兩者之勢力範圍為務。此亦不得不然之數也。因此之故。其所最切要者。在使世界各地。皆平和秩序。若夫政治樞機不完不備之地。其政府之能力薄弱。難保秩序。或官吏腐敗。苛法紛紜。則放置資本於此間。最為危險。工商之業。未由繁榮。乃不得不干預其內政。代組織一強固而有責任之政府。於是經濟上。日本人謂凡關係於財富者為經濟。之勢力範圍。遂寢變為政治上之勢力範圍。此其政略。不獨英國行之。而英國其尤著者也。

其二德意志。歐洲列國中。其最能發揮現世帝國主義之特性代表。近來世界歷史之趨向者。莫德國若也。德人行帝國主義之政策。不過近十年事耳。當俾士麥時代。德政府專以統一國民為急務。若夫勤遠略以馳域外之觀。鐵血宰相所未遑及也。彼非不熱心以獎厲殖民。但其殖民事業。不過為擴充商務起見。於政治毫無關係。及于八

百九十年以後。而德之政略一變。蓋經俾公三十年之經營。慘淡國權。既已整頓。國力既已充實。精華內積。而不得不溢於外。俾公之商業政策。既已使德國工商。雄飛於世界。而商業競爭之劇烈。其影響自及於政治。而政府不得不以權力保護之。然則由俾士麥之國民主義。以引起今皇維廉第二之帝國主義。亦事勢之不得不然者也。

德國雖稱雄於歐洲中原。然以無屬地故。其溢出之人口。皆移住於美國。旋同化於美人。德人徒失其國民。而於國力不能有絲毫之增益。今美國人口三分之一。皆吸收德意志民族者也。德之愛國者。怒焉憂之。漸知殖民政略之不可以已。前柏林大學教授脫來焦氏之政治學講義有云。『今日國際歷史。日以發達。勢將壓迫第二流以下之國家。使失其獨立。我德人徒局眼光於歐洲之天地。而未嘗放觀歐洲以外之天地。今者蕩蕩全球。幾爲英俄兩國所中分。其尙有容我德人之一席否耶。此可爲浩歎者也。』又云。『白種人必握世界之全權。無可疑也。但白種中之諸民族。果誰能捷足以得此權利乎。吾得以一言決之曰。苟無屬地於海外者。必不足以入於強國之林也。』云云。由此觀之。德民族近來之思想。可以概見矣。德人病美國之坐奪其民也。汲汲然設法

以維持僑民與母國之關係。故首注力於亞非利加及小亞細亞。而寔及于南美洲及東亞大陸。自一八九〇年。與英國定非洲界約以來。君臣上下同心戮力。以實行帝國主義。或用鐵路政略。或用殖民政略。或用商業政略。殊塗同歸。集於一鵠。僅閱十稔。而聲勢隆隆。震五洲之耳目矣。

試觀其經略小亞細亞。彼米士坡坦麻 Mesopotamia 與叙利亞 Syria 之兩地。古代文明之祖國。而今則蠻族之棄壤也。顧德人用全力以行殖民政略于此何也。此地雖不及中國之豐腴。然物產甚富。適於農工諸業。其山多礦。其位置亦便于通商。且人口寥寥。土民之壓力不强。移民於此。無被其同化之患。自水陸形勝觀之。適當亞歐非三洲交通之孔道。有山河之險。為兵畧之一要區。得之者於他日世界政略占優勝焉。德人今雖以保護殖民商業為名。一有機會。則攫而納諸懷必矣。他日亞洲大陸鐵路成。自卡羅^{埃及}京城^及經波斯印度以達北京之大道既通。則帕黎斯毡。為三洲鐵路之中心點。握商務之樞權。此德人所夢寐見之者也。此鐵路即英國所經營者見前節德皇自即位之始。即注意於小亞細亞。故務買土耳其政府之歡心。當亞米尼亞虐殺事件之起。箝束其國內輿論。毋

使傷土國之感情。當土希之戰。密援土以破希臘。皆所以爲經營安息即小亞細亞之地步而已。今者實行鐵路政略於此間。自君士但丁至波斯之巴俄打一大路。其築路權及運輸權。皆爲德意志銀行所得。以九十九年爲期。此外附近枝路之權利。亦皆歸德國焉。小亞細亞。既已爲德人囊中物矣。

更觀其經略南美。近十年間。於南美大陸之地。德國之產業及殖民。殆爲突飛之進步。雖其商務出入口之總額。尙稍遜英國。至其投資本之多。與商業發達之速。終有非他國之所能及者。即以巴西一國論之。德人所投之資本。已在三萬萬圓以上。此資本或築鐵路。或濬運河。或修橋梁。或設銀行。或興公司。運全巴西于股掌之上者。德人也。委內瑞辣之大鐵路。德人之資本也。智利之農業。德人之營產也。亞爾然丁之土地。半皆德人之所名田也。今日德人在南美之勢力。雖不過產業殖民。而其政治之勢力。必隨之而來。此吾所敢豫言也。德皇嘗揚言云。一凡德國臣民所到之地。無論何處。政府必擴張其權力以保護之。一將來南美全洲。必爲德意志帝國之運動場。無可疑也。要而論之。德人之帝國主義。由俾士麥之商業政策一轉而成。其目的在以國民主義

爲基礎。而建一工商業帝國於其上。使充盈橫溢之民力。得尾閭以蓄洩之也。故於政治之爭。可避者則勉避之。既與俄親。又與法和。復與英聯。務調和國際之關係。使得用全力以從事工商殖民之業。此德廷君相之微意也。

惟時與勢。驅列國以入于二十世紀商戰之場。而彼德國者爲英美俄列強捷足先登。頗有四面楚歌之感。故竭其全力以訓練從事商戰之兵士。及其器械。而其作戰之準備。莫急於連絡世界各地之市場。故德人向此嚆以進行。首以獎勵航業振興海軍爲務。德國之航業。二十年來。徐徐增加。至近數年間。忽有一飛沖天之勢。當一八七一年其大輪船僅有百五十艘。合八萬噸。至一九〇〇年。驟增至千三百艘。百十五萬噸。其增率之速。自美國外。未見其比也。又不惟商船之噸數增加而已。其航業政略。亦進步甚速。疇昔英人在大西洋獨占航權者。今則德國與之代興。駸駸乎有奪席之勢矣。

德國本陸軍國也。但昔者惟爭強弱於歐洲以內。故以陸軍而自雄。今則將決雌雄于歐洲以外。故以海軍爲急務。蓋德國此後之運命。非徒在俄法境土。以鎗丸馬足而決勝負者也。其必在支那之海。非洲之洋。南美之港灣。鼓輪衝風。實力乃見。故德皇以如

茶如火之熱心。思擴張海軍。雖國民初未喻旨。不肯聽從。而其大臣每因各事變以游說其民。皇復親自演說於各地。苦訴海權微弱。為德國之憾事。卒能以一八九八年之議會議決海軍案。以十萬萬圓之豫算以經營之。及此案既成。英俄亦相繼增海軍力。美國亦破西班牙而振威海上。德人復以前案為未足。乃於一九〇〇年即前更議決新案。依此案所經畫。則十四年後一九一六年除英國外。德國遂為世界第一大海軍國矣。嗚呼。德意志自建國以來。不過三十年。而其進步之速如此。觀此可以見民族主義之勢力。最強最厚。苟得其道而利導之。斯磅礴鬱積。沛然莫之能禦矣。

(未完)



時局

論民族競爭之大勢

(續第二號)

中國之新民

其三俄羅斯。俄羅斯之帝國主義。由來最久。其初起也。雖緣君主之野心。其大成也。實緣民族之暗潮。其外形雖為侵略之蠻行。其內相實由膨脹之實力。試細論之。俄國之發達。可分為三段。第一段。君士但丁奴不也。第二段。阿富汗斯坦也。第三段。支那也。俄人之欲建大帝國也。起於突厥未據君堡。即君士但丁奴不之省稱下仿此以前第十世紀時。烏拉秩米第一受洗於君堡。娶東羅馬帝之女。實為俄人與君堡交涉之始。其後為蒙古所侵害。雄圖一挫。至十五世紀後半。伊凡第三又娶羅馬帝之姪。始稱尊號曰沙皇。用東羅馬雙鷲徽章。隱然以承襲羅馬帝統自命。然彼時突厥之勢正強。君堡遂為所陷。一四五俄人志不得逞。至十六世紀。伊凡第四益鞏勢力於墨斯科。俄都號為第三羅馬。三年。遂越烏拉山。進入鮮卑。即西伯利亞實大彼得以前百年間事也。十七世紀之下半。彼得即位。銳意侵略。但其手段雖在侵略。其用志全在平和。以開化國民為最大之目的。彼不

徒變俄國之兵制。與俄國之海軍而已。以萬乘之尊。親赴荷蘭。雜伍傭作。學種種文明技術。傳之於本國。大彼得之主義方針。即俄國二百年來之主義方針也。大彼得之品性。本在半文半野之間。俄國指人格之俄國亦然。雖然。彼常以平和爲競爭之手段。以開發內國爲對外競爭之本原。其欲出君堡也。欲出極東之遼東半島也。皆繼大彼得之遺志。藉此以開化歐俄俄地之在歐洲者及鮮卑也。大彼得常言。吾之所欲者。非陸而海也。故既突進於波羅的海。復略格里迷亞。汲汲然欲出於黑海。其目的實在繁殖內地。而以君堡爲世界商務之中心點也。

抑俄國之漲進。不在工商業。而在農業。俄人土著之民也。非有地面。則不能揮其勢力。其工業近年雖大發達。出入口皆頗增加。雖然。大率益假手於外國人。而其本國所營者。至有限也。俄人雖取保護稅政策。排斥外國商品。然其國內新工業。仍不能起。惟舊式產業。愈益繁昌耳。然則俄國之帝國主義。必非如外國之欲求市場於他地也。彼雖求得市場。而亦無製造品以充物之利用之也。故俄人之經略世界。不用飛越遠擢之法。而用就近蠶食之法。無以譬之。譬諸火山。其噴口愈衝愈力。鎔石之汁。蔓延四方。而

不知所終極者。俄國之情狀也。

俄人有一種貴族。在其國中。最有勢力。所謂軍中門閥是也。彼等素懷野心。欲行侵略主義於亞細亞。其政府之政策。大率爲此輩所鞭策。而進取之方針益強。此輩大率謀略優長。手段活潑。且與國同休戚。一國之實權。皆在其手。彼其數世紀以前。蠶食中亞、細亞及土耳其也。皆非由政府之命令。不過軍人功名心盛。毅然以一身負責任。征服土民。移植俄族。先以一私人之資格。躬此大業。然後政府以政略隨其後耳。近世黑龍江畔之侵略。亦由謨拉威夫等私人之事業。以爲之前驅。然則謂俄人帝國主義。全由君主之雄心而發者。尙非能知其真相也。彼其民族膨脹之力。有非偶然者也。英人之滅印度也。

亦由一公司以私人之資格。筆路藍縷。以啓山林。百戰功成。主權斯得。然後以奉諸政府。其事與俄人在中亞細亞在黑龍江畔所行者正同。轍。但英國商國也。故商人開之。俄國軍國也。故軍人開之。其起於私人一也。其爲民族主義一也。即我中國亦固有之矣。星加坡檳榔嶼之地。皆由東嘉麻州葉姓者一族。與土蠻力戰三次。前後亘十餘年。乃開闢之者也。願彼則一私人創之。而政府爲其後援。故大業克成。而三族皆受其益。我則有私人而無政府。故葉族既闢星檳。不能自治。不得不拱手以讓諸英人。嗚呼。我民族非劣於他國。而有壓之使不得漲進者焉。此可爲浩歎也。

由此觀之。俄人之帝國主義。其主動力有二。一曰君主之雄圖。二曰民族之漲性。農業之盛。大人口之漸增。三曰軍人之野心。合此三者。並爲一途。此必非如暴風疾雨。可以崇朝而息者。

也。要而論之。則俄羅斯者。實代表斯拉夫民族之特性者也。斯拉夫爲世界各民族中。後起之秀。其前途泱泱如春潮。勃勃如坼甲。隱然有蹴踏拉丁。凌駕條頓之勢。當今勢力之最可怖者。孰有過於俄者乎。

俄人於所征服之地。其馭之最。有方厚。遇其酋長。授以官位。結其歡心。寬待其土民。多興工業。使食其利。因其性不易。其俗隨其教。不易其宜。務使之知。俄族之可親。以生其喁喁向內之心。故當其侵略之始。恒用絕大蠻力。當頭一棒。使畏俄國之威。其既得之後。則用嗅咻煦嫗。寬大羈縻。使懷俄國之德。故俄人在亞洲所得屬地。能使其土民。忽與俄同化。固由俄族本爲半歐半亞之種。與亞人易於混同。亦由其深察亞人之性質。習慣得其道。以馭之也。以視英人德人等之自尊大。自表異而屢憎於人者。其手段之強弱優劣。殆相去萬萬也。故歐人謂俄國爲殖民事業成功最多之國。非虛言也。

其四。美利堅。距今二百年前。歐人有以愛平等。愛自由。愛進步。愛活動爲目的者。相率而遷於新世界。歐人常稱西半球爲新世界其子孫日漸滋殖。日漸漲進。一戰而建獨立自治之國家者。華盛頓時代也。再戰而實行平等博愛之理想者。林肯時代也。三戰而掌握世

界平準。日本所謂經濟今擬易以此二字之大權者。麥堅尼時代也。美國之地理之人民之歷史。皆有其不得不然之結果。昔以農業國得名者。此後二十世紀中。忽變為工業國。商業國。質而言之。則美國者。實將來平準界中。獨一無二之大帝國也。

麥堅尼之帝國主義。非麥堅尼一人所能為也。美國民族之大勢。有使之不得不然者也。平準學大家波流氏曰。『美國昔以其食品苦我歐洲之農業者。今其製造品。且將以滔天洪水之勢。淹沒我歐之產業。使無餘地矣。』蓋美人商業進此之速。實為古來所未有。一八九九年與一九〇〇年比較。一年之中。其出口貨之增。實四萬萬零六百萬圓。其製鐵事業之壯大。足以寒歐工之胆。自近世托辣士托各公司聯合資本之義之制行。平準界之組織一變。世界之貨幣。盡吸集於美國。紐約芝加哥諸大市。遂為全地球金融

謂金銀行情也。日本人譯此兩字。今未有以易之。之中心點。而平準大權。竟由歐而移于美。今日對美政策。實全歐公共之最大問題也。又不惟歐洲而已。其在東方。美國之物品。亦日增月盛。入中國者。入滿洲者。入西伯利者。入日本者。其率皆驟進。如煤油烟草之在日本。開礦機器鐵路材料等之在滿洲。其尤著者也。彼其勢力之在東西兩洋者。如此。兩洋之人。驚駭之。而

妒嫉之者又如彼。然則美國人之自視果何如。昔猶未能自知其力之如此雄且鉅也。今則其國民之多數。皆以財界牛耳自任。元老院議員洛知氏嘗言。『吾美今與歐洲商戰。方始交綏。諸國出死力以敵我。吾之準備。一刻不容稍懈。非使全世界各國之民皆服從於我國財力之下。則不可止也。』云云。雖其言不無太過。然亦可以見美人之意嚮焉矣。

(未完)



時局

論民族競爭之大勢

(續第二號)

中國之新民

麥堅尼審此大勢因風潮而利導之其與西班牙戰也決非欲滅西班牙而擴美國之幅員也實欲得商業政略所不可缺之地也故其政策能得國民多數之贊成爲有識者所許可及其再舉大統領時司法院乃至下新注釋以解憲法使其得免舊論之束縛而自由無礙以實行帝國主義亦可見此主義爲全國人之公言而非一人一黨之私言矣麥堅尼之併夏威夷即檀香山日本取菲律賓人譯爲布哇所以握太平洋之主權而爲東方商力之基礎也前此美國勢力全發揮於歐洲固由其民族相切近亦由大西洋爲文明之中心點美國東部先發達職此之由今則文明之中心移於太平洋故美國之文明亦日趨於西部麥堅尼以爲亞細亞者世界第一大市場也吾美欲占一席位於此間不可不先謀根據之地其奪非島也實將以馬尼刺爲美國一支店以壓倒香港新加坡而爲泰東之主人翁也故一面併夏威夷以爲中站一面開尼卡拉運河以通兩洋之

氣。脉。一。面。獎。厲。太。平。洋。航。業。設。太。平。洋。海。電。以。通。往。來。其。政。策。皆。一。貫。其。經。略。皆。偉。大。美。國。之。前。途。誰。能。限。之。

或疑麥堅尼主義與門羅主義相反對。其實不然。門羅主義實美人帝國主義之先河也。夫門羅主義何自起乎。一千八百二十三年。美國大統領門羅宣言曰。「歐洲列國現在西半球所有之屬地。吾美不干涉之。雖然。若其地既已獨立。而為美國所認者。歐洲列國或干涉之。則是對於吾美而懷敵意者也。」云云。夫美國果有何權利而為是宣言乎。無他。美國不徒以己之獨立而自足。隱然以南北兩大陸之盟主。自任以保護他人之獨立為天職。也是實帝國主義之精神也。既欲防他國之干涉。西半球勢不得不先握大西太平洋兩洋之海權。故其縣古巴。攬菲島。實皆此主義之精神。一以貫之者也。麥堅尼最後之演說云。「吾國之生產力。其漲進實可驚。我輩不可不盡全力以求新市場。此實今日最緊切之問題也。商業之漲力。壓迫我輩。我輩非以博大之智識強毅之心力以應之。則吾國今日之勢力。將有不能維持者矣。」云云。今也。麥堅尼雖死。而帝國主義不死。屏星而立。相繼而起者。人人皆麥堅尼也。美國之前途。誰能限之。

此四國者今日世界第一等國而帝國主義之代表也。自餘諸國或則懷抱帝國主義以進取爲保守而尙未能達其目的也。或則爲他人帝國主義所侵噬而勢將不能自存也。全地球八十餘國可以此三者盡之矣。要之其君相宵旰於在朝其國民奔走於在野者安歸乎歸於競爭而已。今日之能有此等厯大帝國也前此競爭之結果也。今日之既有此等厯大帝國也又後此競爭之原因也。蓋自人羣初起以來人類別爲無量之小部落小部落相競進爲大部落大部落相競進而爲種族種族相競進而爲大種族復相競焉進而爲國家進而爲大國家復相競焉進而爲帝國進而爲大帝國。國家者 *Empire* 之義也。帝國者 *Empire* 之義也。其性質各不同。自今以往則大帝國與大帝國競爭之時代也。脫來焦氏所謂國際歷史勢將壓迫第二流以下之國家使失其獨立。

此後竟無可以容第二等國立足之餘地也。

見第二論 誠哉天地雖大而

夫競爭之劇烈而不可止既如是矣而其競爭之場果安在乎。歐羅巴者十九世紀前半期之舞臺也。若神聖同盟也。俄普奧三國若三角同盟也。法奧意三國若俄法同盟也。若拿破侖之役也。若德意志伊大利統一之役也。若塞爾維亞門的內哥獨立之役也。若普法之

役也。若波蘭問題也。若愛爾蘭問題也。若土耳其問題也。若埃及問題也。

埃及在上古時代常附屬於東

洋史之範圍其在近世時代常附屬於西洋史之範圍

凡兵家所衝突。政治家所捭闔。無一不在於歐洲。近三十年來。

則全歐均勢之局定。而紅鬚碧眼兒之野心。皆飛騰於歐洲以外之天地矣。歐洲以外地非小也。然北亞美利加。澳大利亞。兩大陸久已變為第二之歐洲。主權既定。且將競人而非可競於人矣。於是游刃餘地。僅有南亞美利加。亞非利加。亞細亞。之三土。南非洲。其位置無可以為世界競爭中心點之價值。然南美之巴西。智利。委內瑞。辣亞。毡丁。其利權固已為德人鐵血政略所鎔鑄。非洲內地。公果立國。戴白人為君王。而德英法相轆轤相馳。逐於此土者。亦既有年。比康士非德。英前相與格蘭斯頓齊名者之南非政策。且釀為英杜之爭。至今風潮未平矣。美猶如此。非猶如此。而况我亞天府之奧區者耶。亞洲競爭界之第一期。在於印度。法人在印之殖民政略。既已失敗。英人受之以雄一世。諸國嫉妒之念起焉。俄人越烏拉山。驀進於中亞細亞。隱然有拊印背而扼印吭之勢。於是波斯。阿富汗。遂為英俄競爭之燒點。英人之擴權力於中國者。其初亦不過經營印度之餘力也。鴉片戰役以前。廣東互市之事。皆東印度公司之附庸也。而法人之

初插足於安南暹羅亦不外欲與印度爭利也然而亞細亞人之主權則已去其半矣
 大勢所趨愈接愈劇及競爭之第二期而重心點專集於中國矣

俄人以堅忍沈鷲之性質佐以眼明手快之政略首看破中國之暗弱先登捷足以逞
 侵噬其圖中國也凡分兩路一曰由東北方者滿洲一帶是也二曰由西北方者自西伯
 利亞以及伊犁新疆帕米爾喀什噶爾一帶是也以言乎第一項則愛輝條約以前之事

且勿論愛輝條約乃咸豐八年黑龍江將軍奕山與俄將岳福所訂者俄人南下之勢由來已久吾別有俄羅斯侵略史言之甚詳此文專論近勢無暇詞費也當咸豐十年英法聯

軍入京之役俄使伊格那夫詭稱調停和議欺總署諸臣更訂界約以為報酬割烏蘇
 里江興凱湖白稜河瑚布圖河琿春河圖們江以東之地奄有朝鮮日本沿海數千吉
 羅米突之廣野其所得乃遠在英法二國之上於是海參崴之市場始建立焉及光緒

廿二年乘日本戰事後市還遼之恩李鴻章遂與俄使喀希尼訂秘密條約所謂中俄
 密約者是也以此條約而滿洲之實權遂全歸俄人掌握未幾引起膠州之役俄遂藉
 口以攫旅順口大連灣於懷中矣以言乎第二項則西北一帶自雍正五年以來為界

約及互市章程交涉者凡十六次恰克圖為西伯利亞往來孔道俄人設行棧於各處

卡倫壟斷其利懷柔諸酋長給以兵器彈藥設電線以通本國前年且有要索恰克圖達北京鐵路權之議矣而伊犁一帶自崇厚曾紀澤兩次交涉以來雖名為回復主權而實則俄人與彼之關係切密於中國者多多矣自滿洲鐵路條約既定以後西伯利亞鐵路線其距離縮短五百四十俄里且工事加易料費大省而彼得以來二百年間苦心焦慮欲求一無冰海港而不可得遂以巴布羅福之條約光緒廿四年安坐而得亞洲第一之旅順港自此以往而俄人盡將其東歐政略即巴幹半島與土耳其交涉者暫置腦後養精蓄銳以從事於遠東既得旅順俄人遂有為海軍國之資格于是定計自一八九三年至一八九九年七年之內備四百六十一兆零十萬羅卜俄幣名以為海軍費九六九七兩年復增加二千六百萬九八年復增加九十萬皆羅卜數駸駸乎有於陸上海上皆以東洋主人翁自居之意矣

其次為英國英國當中日戰役以後政略稍因循勢力幾墜於地及膠州起釁以後漸有一飛衝天之概計光緒二十三四年之間英人所得大利益於中國者凡七事其一與總理衙門定約揚子江地方不許讓與他國其二內地江湖河川許其通航自由其


三。緬甸鐵路延長之以達雲南大理府復由雲南經楚雄甯遠以通四川其四。開湖南爲通商口岸其五。定總稅務司赫德之位置永用英人其六。租借威海衛以抵抗旅順其七。租借九龍以擴張香港數月之間而其權力已深入鞏固而百年大計於以定矣。其前乎此者固非一朝一夕之故其後乎此者又豈得尺得寸而止耶。

此外德國則專用強暴手段如膠州之役以兩教師而索百里之地義和團之變德皇誓師謂當留百年恐怖之紀念於支那是其例也美國則專用籠絡手段如列強競占勢力範圍而美國不與聞今次賠款而美人以所應得者還諸中國是其例也若法蘭西若意大利雖其帝國主義之內力不及此諸國然以世界競爭中心點之所在亦眈眈注意焉日本者世界後起之秀而東方先進之雄也近者帝國主義之聲洋溢於國中自政府之大臣政黨之論客學校之教師報館之筆員乃至新學小生市井販賈莫不口其名而艷羨之講其法而實行之試問今日茫茫大地何處有可容日本人行其帝國主義之餘地非行之於中國而誰行之近者英日同盟之事成黃白兩種人握手以立於世界亦可謂有史以來未有之佳話也然試思此佳話之原因若何其結果若

何○豈○非○此○新○世○紀○中○民○族○競○爭○之○大○勢○全○移○於○東○方○全○移○於○東○方○之○中○國○其○潮○流○有○使○
之○不○得○不○然○者○耶○而○立○於○此○舞○臺○之○中○心○者○其○自○處○當○何○如○矣○

八

(未完)



論民族競爭之大勢

(完結)

中國之新民

今日之競爭。不在腕力。而在腦力。不在沙場。而在市場。彼列國之所以相對者。姑勿論。至其所施於中國者。則以殖民政略爲本。營以鐵路政略爲游擊隊。以傳教政略爲偵探隊。而一以工商政略爲中堅。也。列國之行殖民政略於中國也。自割香港開五口。以至膠州旅順大連威海以來。四十年間之歷史。多有能道之者。茲不具論。惟論其性質。夫殖民云者。其所殖之民。能有人而非有於人也。何謂有人。凡殖民之所。至則地。其地。人。其人。富其富。利其利。權其權。如歐美人之在中國。是也。何謂有於人。充其地之牛馬。而爲之開耕。備其人之奴隸。而爲之傭役。如中國人之在外洋。是也。嗟夫。有競爭力。與否。豈必在人數之多寡哉。試以外國人在中國者。與中國人在外國者。列爲兩表。以比較之。而觀其結果。有使人瞿然失驚者。

外國在中國商店及人數表。據千八百九十八年一月統計。香港不在內。

英 國	德 國	荷 牙	日 本	美 國	法 國	瑞 典 挪 威	西 班 牙	俄 國	合 計	商店數	人數
三、七、四	一、〇、四		四、四	三、三	二、九			一、三	五、九、五		
四、九、二、九	九、五、〇		一、一、〇、六	一、五、六、四	六、九、八	四、三、九	三、六、二	一、一、六	一、一、六、六、〇		

中國在外國人數表

未得統計報告不能確指姑就所知舉大略耳 英屬香港及俄屬東三省之地不在內

暹 羅

約八十萬人

安南

約二十萬人

南洋群島 英屬荷屬合計

約六十萬人

非立賓群島

約二十萬人

澳大利亞洲

約四萬人

日本

約七千人

英屬加拿大

約四萬人

美國

約三十餘萬人

墨西哥

約一萬人

中亞美利加 巴拿馬一帶

約一萬人

南亞美利加 秘魯智利巴西等國

約十萬人

印度

約一萬五千人

南阿非利加

約三千人

太平洋群島 檀香山及其他

約四萬人

西印度羣島 古巴夏灣拿一帶

約十五萬人

合 計

約二百五十餘萬人

試合兩表觀之。外人之來者。不及我族民二百五十分之一。不及我本國人數五萬分之一。且分爲十數國。其最多者惟英。不過數千人耳。又散處於廿餘租界之中。計每一口岸。多不逾千。少不及百。而制度釐然。隱若敵國焉。我民所至。動以億計。而不免於爲人臧獲。若是者。豈能盡歸咎於政府之無狀哉。蓋吾民族之弱點。亦有當自省焉者矣。何也。彼各國之以殖民著成績者。皆其民自以私人之資格開闢斯土。然後政府以政略從其後也。英人割香港及五口通商。仍是東印度公司爲主動力。今則民族之爭。愈接愈厲。吾國二萬里之地。開門以待他族之闖來。而環球四大洲之中。無地可容吾人之投足。吾昔游美澳時。所著汗漫錄。有一條云。

華人之旅居於他國及其屬地者。白人待之有二法。其一則聽其簇來而不之禁。但其既至也。則爲設特別不平等之法律。以苛治之。如香港、南洋群島、墨西哥、南亞美利加諸地是也。其二則於其既至也。與本地人同受治於一法律之下。權利義務皆

平等。惟限之。不使得至。既去。不使復來。如美國、加拿大、澳洲諸地是也。大抵其地白人少。未經開墾。需人爲牛馬者。則用第一法。其地白人多。開墾就緒。勞力之競爭。烈者。則用第二法。要之。中國人之不能齒於他人一也。今者 White Australia 譯言白澳洲也。巴頓

氏演說。昌言白澳洲主義。謂必使澳洲爲白人所專有之洲也。

之言又倡矣。十年以後。天地雖大。竟無黃帝子孫側身之

所。嗚呼。我國民其思之也邪。其不思也邪。

右一九〇一年一月四日。在雪梨市會聽澳洲聯邦首相巴頓氏演說。歸而記其所感。

觀於此。則殖民與非殖民之辨。可以立見。而優勝劣敗之趨勢。及中國民族之前途。從可想矣。彼歐人之殖民於我中國也。視之與其既得主權之殖民地。如印度、新加坡、香港、菲律賓等。相。等。其所以待我者。則吾所謂第一法是也。彼其利吾人之耕而彼食之也。故不必滿其地。不必俘其人。惟施以特別不平等之法律。以制其死命。斯亦足矣。夫歐人固未嘗全得中國之主權。以歸其手也。而吾謂其能施特別不平等之法律于吾民者。何也。彼不必用其權以壓我民。使低一級。而能用其權以擡彼族。使升一級。不見夫內地商賈欲得優等之權利者。則懸他國旗牌以作護符乎。不見夫內地鄉民欲得優等之權利者。則資緣入教以逞武斷乎。在外者則以下於人爲不平等。在內者則以上於我爲不平等。

等其為不平等一也。若是乎吾國之久已為印度新加坡香港菲立賓而不自知也。彼英人固以加拿大孟買孟加拉麻打拉薩錫蘭數口岸而制全印矣。中國雖大以二十餘租界可以生之死之而有餘。而況乎此後之租界不止二十餘也。此殖民政略之可畏如此其甚也。

靈綬氏曰：「近世各國所行支那政略皆鐵路政略也。」可謂至言。豈惟支那。彼近十年來各國所以伸其帝國主義於他地者安往而不用鐵路政略哉。彼小亞細亞及南美洲所以為德國人勢力範圍者以鐵路權也。波斯所以為英國人勢力範圍者以鐵路權也。暹羅所以為法國人勢力範圍者以鐵路權也。若俄日之於高麗則既爭此權矣。英人之欲圖杜蘭斯哇則先覬此權矣。然則今日之中國其割據此權之形勢何如請以表示之。

路名	地段	主權國
一 滿洲鐵路甲	接西伯利亞線 達於海參崴	俄國
二 滿洲鐵路乙	自旅順達牛莊	俄國

三榆營鐵路

自山海關達牛莊

英國

四蘆漢鐵路

自北京達漢口

比利時國
實俄

五津鎮鐵路

自天津達鎮江

英德兩國

六粵漢鐵路

自廣州達漢口

美國

七山東鐵路

自膠州達沂州

德國

八山西鐵路

自太原達柳林堡

俄國

九江南鐵路甲

自上海達吳淞

英國

十江南鐵路乙

自上海達杭州寧波

英國

十一緬甸鐵路

自緬甸達雲南復分三派一達
香港二達漢口上海三達成都

英國

十二越南鐵路

自安南一達廣西一達雲南

法國

此外與鐵路權相輔而行者。則曰開礦權。曰內河通航權。蓋自此等條約結定以後。而外國人之放下資本於中國者。殆六七百兆兩。此等鐵路。姑無論其以行兵為目的。以通商為目的。要之彼外人者。何以肯放擲爾許之母財。於此政紀紊亂伏莽叢擾之國。

而如不介意者。彼其所恃。必有在矣。其資本所在之地。即爲其政治能力所及之地。吾若拒之。彼固有辭矣。曰。吾若與通商。將以廣利益。求安寧也。若能保我利益。還我安寧。吾何爲曉曉不爾。則吾安得不爲爾代也。若是乎。鐵路政略。果爲實行帝國主義之良謨也。以故榆營鐵路。而英俄幾開兵釁。以爭之。津鎮鐵路。英德卒持均勢。以割之。彼夢者。猶曰。此等事業。利用他人資本。而無損於我主權。果爾。則人之竭死力。以互撻。而絲毫不肯相讓者。不亦大愚而可笑矣乎。此鐵路政略之可畏如此。其甚也。

近數十年來。中國士民。以仇教爲獨一無二之大義。傳教政略之奇險。夫人能言之焉。雖然。自義和團以後。此事幾成偶語。棄市之禁。莫有敢挂齒頰者矣。吾非如鄉愚一聞者之謗耶教。吾非如盈廷瞶瞶者之與傳教爲難。耶教非不可採。教士非無善人。而各國政府。利用此教。以行其帝國主義之政策。則我國民。不可不日相提撕者也。德相俾士麥。宗教思想最淺薄之人也。其在本國。剝奪教徒之特權。風行雷厲。不遺餘力。至其在中國也。乃與法人爭羅馬教護教之名義。豈所謂司馬昭之心。路人皆見者耶。果也。及其身後。而以兩教士。易膠州百里之地。山東一省之權。嗚呼。歐美政治家之抱此等。

思想懷此等術數者又豈止俾士麥一人哉。四百年來歐洲戰爭以百數而藉口於宗教者十之八九。四十年來中外交涉問題以百數而起。衅於宗教者亦十八九。試一覽地圖而比照之於歷史。凡各國新得之殖民地。其前此筆路藍縷以開闢之者。何一非自傳教之力而來。此傳教政略之可畏如此其甚也。

昔者憂國之士。以瓜分危言。棒喝國民。聞者將信而將疑焉。及經庚子之難。神京殘破。變輿播蕩。而至今猶得安然於湖山歌舞之下。不喪七望。而各國聯盟保華之議。且相應相和。彼夢夢者以爲瓜分之禍。可以卒免。吾高枕無患矣。不知有形之瓜分。或致死而致生之。而無形之瓜分。則乃生不如死。死亡不如存。正所以使我四萬萬國民。陷於九淵而莫能救也。夫今日之競爭。不在腕力而在腦力。不在沙場而在市場。夫旣言之矣。野蠻國之滅人國也。如虎皮肉筋骨吞噬無餘。人咸畏之。文明國之滅人國也。如狐狸之蠶之。吸其精血以療以死。人猶昵之。今各國之政策。皆狐行也。非虎行也。姑無論其利用政府。疆吏之權。以政府疆吏爲彼奴隸。而吾民爲其奴隸也。即不爾而握全國平準界之權。已足使我民無復遺類。何以言之。二十世紀之世界。雄於平準界者。

則。爲。強。國。奮。於。平。準。界。者。則。爲。弱。國。絕。於。平。準。界。者。則。爲。不。國。此。中。消。息。不。待。識。微。者。
 而。知。之。矣。今。試。觀。全。地。球。平。準。界。變。遷。之。大。勢。如。何。資。本。家。與。勞。力。者。之。間。劃。然。分。爲。
 兩。階。級。富。者。日。以。富。而。貧。者。日。以。貧。自。機。器。製。造。之。業。興。有。限。公。司。之。制。立。而。疇。昔。之。
 習。一。手。藝。設。一。塵。肆。得。以。致。中。人。之。產。者。殆。絕。跡。於。西。方。矣。自。托。辣。斯。特。之。風。行。
 者。各。公。司。聯。盟。以。厚。競。爭。之。力。而。小。製。造。廠。小。公。司。亦。無。以。自。立。矣。自。今。以。往。五。大。洲。物。產。
 也。前。年。英。國。之。製。鐵。業。創。行。之。而。小。製。造。廠。小。公。司。亦。無。以。自。立。矣。自。今。以。往。五。大。洲。物。產。
 人。力。之。菁。英。將。爲。最。小。數。之。大。資。本。家。所。吸。集。至。此。外。之。多。數。者。亦。非。必。迫。之。使。爲。餓。
 殍。也。要。之。苟。非。搖。尾。蒲。伏。於。大。資。本。家。之。膝。下。而。決。不。能。以。自。存。此。實。未。來。之。暗。黑。世。
 界。前。途。之。恐。怖。時。代。稍。有。識。者。所。能。見。也。夫。在。歐。美。方。盛。之。國。猶。且。以。此。問。題。日。夜。絞。
 政。治。家。學。問。家。之。腦。髓。而。未。知。所。以。救。況。中。國。之。民。不。知。自。爲。計。而。政。府。亦。莫。爲。之。計。
 者。耶。自。今。二。十。年。以。前。中。國。貧。富。之。界。懸。隔。最。不。相。遠。十。室。之。邑。輒。有。擁。中。人。產。號。稱。
 小。康。者。今。則。日。剝。月。蹙。風。景。全。非。矣。除。一。二。租。界。之。外。游。其。市。鎮。則。商。況。淒。涼。行。其。遂。
 郊。則。農。聲。顛。頓。號。寒。啼。飢。之。聲。不。絕。於。耳。鬻。身。蕩。產。之。形。不。絕。於。目。吾。氓。蚩。蚩。莫。知。其。
 所。由。然。或。曰。是。由。官。吏。之。朘。削。也。或。曰。是。由。債。款。之。漏。卮。也。斯。固。然。矣。然。豈。知。猶。其。小。

者非其大者其大者乃在全球平準界之橫風怒潮波及於我國也夫此風此潮之來今不過萌芽焉耳而吾之蒙其害者已如是自今以往何以堪之

夫吾國人今日之資本不足與歐美諸雄相頡頏也明矣然猶恃天產之富苟能利用之則一轉移間而雄弱之數變焉雖然天產之富非可恃也非有良政法以導之護之劑之而必不能食其利也故各國政治家所以講求保護政策務以全其國民固有之利益者皇皇兢兢焉使本國人比較於外國人而常得特別優等之利益此地主之權利而人民所恃以生存者也夫是以其大權常在本國人之手而競爭得有所屆中國則不然本國人非惟不能得特別優等之利益而已而與外國人相較此等利益反為外人所特有夫內河小輪船皆用外國旗號者何也揚子江一帶多用日商名義西江一帶多用英商美商等名義其實資本皆出自華商也用本國名則承辦難過關難滋事多而賠累難攤捐多而應酬難懸他國旗則百結並解也行商之多託外國名義何也有三聯票完子口半稅而雖經千百釐卡無所留難也鐵路公司官辦則一文不能集洋欸則爭趨惟恐後者何也明知其大利所在而又畏法律之不可恃不能堪官吏之魚肉附於洋人則高枕無患也自餘各事莫不皆然

似此不過其一二端而已。夫以吾民風氣之不開。平準學理之不講。雖爲政府者。日日家喻戶曉。勉其從事於各種之富國事業。猶恐其不肯擔任。或擔任而不能善其事。而況乎其繁縛之而敲削之也。即使無外界之侵入。而生齒日繁。人滿爲患。猶且非興新業。不足以和周相救。而況乎掀天揭地之風潮。承其後也。夫使吾不能自開其源。而亦無能挽而奪之者。則姑以俟諸異日。或尙有無窮之希望。在將來也。其奈得寸入尺。獲隴望蜀者。既眈眈相逼乎前。而政府之懾狐威者。今日許以寸。明日予以尺。民間之貪蠅利者。甲也。導誘隴乙也。導諸蜀如長隄。一決萬流。注入其勢。狂奔泛濫。而莫知所屆。不見夫奕者乎。要害之地。爲敵占先。數著則全盤俱負矣。今我國民。以敵人前此所下之數子。猶爲困著乎。夫既已制我之死命矣。及今知之而補救。固已大難矣。今不知而後局。更何堪問也。在本國有地主應享之權利者。猶且如是。其在外者。更何有焉。吾嘗游歷美洲澳洲日本諸地。察華商之情況。皆有一落千丈。不可收拾之概。比諸十年前。若霄壤矣。吁。嗟。吁。嗟。更後十年。又當若何。若是乎。吾中國人之真無以自存也。由今之道。無變今之政。不及一紀。而十八省千百州縣之地。勢必全爲歐美資本家之領域。則

夫此間之數萬萬人。所恃以瞻饗殮而資事畜者。惟有鬻身入筮。充某製造廠之工匠。某洋行之肩挑。某鐵路公司之驛卒。某務礦公司之礦丁。某輪船公司之水手。其最上者。則爲通事焉。爲工頭焉。爲買辦焉。至尊矣。至榮矣。蔑以加矣。此非吾過激之言也。二十世紀之人類。苟不能爲資本家。即不得不爲勞力者。蓋平準界之大勢所必然也。天串勢。至於若彼。則我民族。其無噍類矣。然而政府可以如故也。官吏可以如故也。彼所取者。實而豈惟其名。所吸者。血而豈惟其膚也。所謂無形之瓜分者。如是如是。以視有形焉者之利害輕重。何如哉。嗚呼。險哉。工商政略之可畏。如此其甚也。

二十世紀民族競爭之慘劇。千枝萬葉。千流萬湍。而悉結集於此一點。然則吾人之應之者當如何。或曰。今後之天下。既自政治界之爭。而移於平準界之爭。則我輩欲圖優勝。宜急起以競於此。嘻。此又不知本末之言也。夫平準競爭之起。由民族之膨脹也。而民族之所以能膨脹。罔不由民族主義。國家主義而來。故未有政治界不能自立之民族。而於平準界能稱雄者。不然。中國人貨殖之能力。豈嘗讓他人哉。而今顧若此。毋亦梗其中者多。所蠹而盾。其後者之無所憑也。故今日欲救中國。無他術焉。亦先建設一

民。族。主。義。之。國。家。而。已。以。地。球。上。最。大。之。民。族。而。前。建。設。適。於。天。演。之。國。家。則。天。下。第。一。帝。國。之。徽。號。誰。能。篡。之。而。特。不。知。我。民。族。有。此。能。力。焉。否。也。有。之。則。莫。強。無。之。則。竟。亡。為。強。為。亡。固。不。容。髮。而。悉。聽。我。輩。之。自。擇。噫。嗚。呼。前。不。見。古。人。後。不。見。來。者。念。天。地。之。悠。悠。獨。愴。然。而。涕。下。噫。嗚。呼。吾。又。安。知。夫。吾。涕。之。何。從。哉。

十四

初本擬著「論商戰之可畏更甚於兵戰」一篇但其要點既已著於本論故遂已之
著者附記

魯汶口口

山山

手無斧柯

奈龜山何





譯述一

最近世界大勢論

仲 遙

近年以來我國人稍知國勢危迫亟當圖救矣然「研究」一端猶不免為大多數人所蔑視前途之危險蓋莫甚焉此論特搜集東西學者最近所著彙譯而成雖曰不備然閱者苟真能精為體會則於最近世界大勢可以瞭如論學治事必較有把握

本論凡分三章第一章歐美列強國內之情勢第二章歐洲外交之情勢第三章德俄英法四國對於亞洲之政策其第一章為瑞典學者藉耶陵氏所著言較奧曠尤有永味譯者思慮所及隨下案語閱者並觀之或亦足為喚起研究心之一助

前本言報中關於政黨之文必當繼續從事今以此問題對於彼問題比較的尤為急切故中途先發表之

第一章 歐美列強國內之情勢

第一節 奧大利匈牙利

最近世界大勢論

現○今○之○列○強○中○可○以○暫○躋○於○強○國○之○林○而○他○日○不○免○有○零○落○衰○沉○之○戚○者○奧○大○利○匈○牙○利○是○也○以○地○理○上○言○之○彼○之○邦○域○適○位○於○歐○洲○之○東○方○一○若○足○為○抵○禦○各○國○之○勁○敵○而○代○歐○洲○各○國○執○衛○戍○之○勞○也○者○雖○然○就○其○實○質○觀○之○彼○實○最○缺○乏○近○世○國○家○存○立○之○根○本○的○條○件○之○國○民○的○統○一○之○國○也○換○言○之○則○彼○邦○之○國○民○實○無○自○覺○其○國○為○一○個○固○有○之○人○格○之○心○者○也○再○質○而○言○之○則○彼○邦○者○無○數○之○國○民○的○人○格○之○集○合○體○也○無○數○之○人○格○之○各○一○部○相○集○而○成○為○一○國○體○者○也○而○推○其○所○以○致○此○之○由○其○最○大○之○原○因○則○在○於○彼○之○地○理○彼○奧○大○利○匈○牙○利○之○地○理○無○自○然○之○境○界○茫○茫○國○土○多○位○於○屬○於○他○國○之○多○數○之○河○流○之○上○流○其○形○勢○之○華○離○破○碎○莫○可○究○詰○職○是○之○故○其○政○治○地○理○上○之○現○象○與○國○民○主○義○之○精○神○適○成○一○絕○對○之○反○比○例○而○以○此○反○比○例○之○故○遂○使○國○民○主○義○之○與○國○家○日○以○遠○心○力○之○作○用○相○離○而○不○能○相○融○故○欲○使○奧○大○利○匈○牙○利○國○民○相○互○間○之○精○神○日○以○接○近○此○實○事○理○上○至○難○能○之○業○也○不○特○此○也○其○助○長○禍○亂○之○端○尤○有○三○事○(一)社○會○上○之○反○目○(二)宗○教○上○之○區○別○(三)憲○法○上○之○分○離○對○立○此○三○者○其○實○質○雖○僅○屬○內○治○其○影○響○常○波○動○於○外○交○其○失○策○雖○僅○在○一○時○之○苟○安○其○危○險○且○有○礙○夫○百○年○之○大○計○今○日○者○

若驟語人以奧匈兩國將分裂而亡乎。固不免爲世所詬病。雖然使彼邦不力求融釋之道而默默自安焉。吾有以知其來日之大難也。

譯者案。稽氏策奧匈國未來之危險。而歸本於其國民缺統一。此真一針見血之言也。歷觀歷史。無古無今。無歐無亞。皆未見國民缺統一而其國能久安長治者。惟彼奧匈國。其政治上之現象。日接於吾人之耳目。尤足發深省焉。抑彼奧匈國。今固儼然立憲國也。而猶若此。其他更何論矣。

日本小野塚博士下民族二字之定義曰。「民族者。常具有人種言語歷史政法經濟思想風俗習慣等之共同基礎。而自覺爲一團體之人類社會也。」其自覺二字。至爲精絕。自覺者。在於一人。則爲箇人之真宰。在於國民。則爲共同之良知。使其民族果爲一團體乎。則此自覺心必足爲奠安其國家之基礎。使其民族果非一團體乎。則此自覺心終能爲解決其問題之種子。而以吾所見爲解決之道。則有二事。(一)融之。使合而泯其迹上也。(二)剖之。使離而副其實次也。使二者俱無所事事。則國家之前途。惟有一途。曰亡而已矣。蓋二種以上之民族。之不能並立。

譯述一

四

於一國非徒感情的問題而實利害的問題。非徒一時之問題而實萬年之問題也。嗚呼。往者不可諫。來者猶可追。吾讀奧匈國史。吾每爲之魂搖而神沮。吾其抱吾憂以終吾年歟。

第二節 意大利

較奧匈國稍進一籌而前途仍不免多悲觀者。厥爲意大利。彼非無國民的國家。彼非無自然之國境。其立國之基礎。非不穩健而鞏固。雖然。其議院政治。至有難言。其農業界之弊害。至難拔除。加以當內部之組織。未完統一之大業。未成之際。早已入強國之列。其結果也。常能使其政治不能爲健全之發達。是故意大利之國勢。以之保守。或可能以之雄飛。必不足。

譯者案。世界之所謂強國有二種。(一)其國力已充實。而自能發表其強之狀況於外。而得強名者。(二)其國力不必已充實。而以他政略上關係之故。或事勢相逼之故。不得不強飾其強之面目。以冀博強名者。其國力已充實。而得強名者。其名與其實相符。其內與其外相應。其在國內也。國民能享相當的政治之康樂。其對外

也。外交能見自由的活動之成功。其國家之前途相成相長而日進靡窮。其國力不必已充實而冀博強名者。其名與其實相戾。其內與其外相妨。其在國內也。國民常眩於一時之美觀而忽萬世之至計。其對外交容或可倖獲一二之成功。而終不免於千萬之失敗。其國家之前途相賊相掣而終無實益。

第三節 法蘭西

其次法蘭西亦誠有難言者。彼法國今固世界第三之強國也。其國境固有自然之境界者也。其人民固同人種同宗教同言語者也。其國民固饒富而非無幸福之狀態者也。雖然此皆外界之美觀而已。若夫就其內容之前途言之。則其可危者有三。一其外交政策不計國家久遠之雄圖。徒爲感情之奴隸。職此之故。不求其盟邦於自然的同盟之大陸。國之德奧而反求其競爭國之英意。(二)其中央政治純採集權之主義。(二)其國民無繁殖子孫之意志。三者之中尤以第三者爲最重。而彼法國亦受此弊爲最深。而即此一端已足弱其國而有餘。何則。法與德之復讎戰爭。法人所最不能忘者也。而法蘭西近年人口。每一月增加之數。乃僅視德意志每一日增加之數焉。其復讎之

譯述一

業。殆已全屬不可能之事。且也以人口不增之故。常能使法蘭西之殖民政策陷於無意識無效果。此其關係於一國之前途。又不俟智者而自明矣。

譯者案。欲明法蘭西人口不增之原因。英人瑪兒梭士所著人口論中之言。最足為精確之觀察。錄如左。

一、道德心及智識發達之故。例如有道之士。嘗能節制情慾。不欲早婚。又或

因移住殖民等事。往往減殺偏聚一地方之人口。

二、道德腐敗之故。例如男女之關係紊亂。正當之結婚。每見屏棄。不行於世。

此亦減殺人口增加之速度者也。歐洲各國。鮮見有能矯此弊者。

三、自然的強制。如傳染病氣候風土之變化及天變地異飢饉等是也。

四、人為的強制。

甲 如炭坑之工人及執捕鯨業與遠洋漁業者。

乙 過於勞動者。

丙 極貧苦者。

丁 不完全之育兒法。

戊 火災。

己 戰爭。

以上所舉。皆瑪氏推測世界人口所以不能以幾何級數增加之原因之言。而法蘭西亦即莫能外者也。其所舉之第二原因尤爲法蘭西國中最甚之弊。又法蘭西之人口。自普法戰爭以後。一時極形減少。今雖稍加。然其微已甚。每年間。萬人中。不過增五人而已。以此之故。千八百八十五年。法人著令云。貧家有子。七人者。以公費教之。養之。又千九百二年。議員俾阿氏提案於議院。謂民有及歲而不婚者。則當課以重稅。皆深有不得已者存也。又人口與國家發展之關係。密切無匹。日俄戰役。自戰鬪一方面觀之。日本實全勝。而終不免負失敗和約之辱者。則以屢次劇戰。常備兵中大蒙損害。兵力將有不繼之患也。此事日人親爲余道之。

第四節 德意志

惟德意志之國勢則獨不然。彼自其帝國統一以來，佇苦停辛，經營慘澹。今也其國內之實力既充，其國外之競爭方始。雄心壯圖，大有一日千里之觀。而其以地理上與達紐布流域分離之故，駸駸乎且日向北方而試其發展。北方者，實德意志建設最大之統一的國家之良地，亦即發展其驥足於海上之雄機也。又不徒德意志國民有此實力而已。其今帝威廉二世，偉力奇才，睥睨一世。一舉一動，常自表示其帝國膨脹之方針。威廉二世者，又實當代之偉人，而助長德意志日即於強者也。雖然，彼亦非全無弱點者存也。其關於內治者：(一)其國境無自然之境界，其結果也。自波蘭人問題以至其他國民不能免國民的紛爭。(二)其農業上之利益與工業上之利益，互相確執，不肯相下。(三)其憲法上之分立主義，仍維持其勢力，不無有未完其統一之實之點。(四)其政府與右黨相結而避左黨，乞後援於教皇黨，臨社會民主主義。其關於外交者：(一)德皇之世界政策，雖似鞏固，然觀世界之形勢後進，強國究未易發揮其野心。(二)對於此政策之德國內之反響，難言其有同意。(三)德意志為發展其外交政策，其已着手經營之地，如膠州、如亞那脫陵、如巴西，皆不能塞其海外移住者之慾望。其成績

不振。

譯者案。稽氏錄列德意志之弱點。其屬於內治者。以其與世界無絕大之直接關係。姑置勿論。今惟就其屬於外交者。徵之事實。參以鄙見。一詳論之。

所謂威廉二世之世界政策。即欲統合居於世界各地之日耳曼民族。共建一世界的大帝國之政策也。此政策之所由起。實淵源於日耳曼人種之繁殖力。達於極點之故。雖然。此政策究不能實現者也。今從居於世界各地之日耳曼民族之現象推晰而論定之。以下所列舉之事實。多本於日本早稻田學報中所調查。不敢掠美。注以明之。

一 居於奧大利之日耳曼民族之現象 奧大利之波希米。最初實日耳曼

民族殖民之地也。當時日耳曼民族高視濶步。常以強力凌化他民族。其中如波希米首府之巴拉克。尤爲日耳曼民族勢力之中心。其地有名之大學。至千八百八十二年時。亦純爲日耳曼的制度。雖然。時移勢變。及於今日。日耳曼民族。零替莫甚。其零替之原因。則以其地之苦遮奇人。夙爲日耳曼民族所箝制。飽嘗虐遇之苦。其後舉族同心。發揮其國民的精神。其勢力且駸駸乎凌駕日

耳曼民族。而同地之日耳曼民族。至此則反執退讓之態度。又不惟退讓而已。且日有爲其所同化之勢。苦遮奇人見有日耳曼的性質之學校。每不肯使其子弟入學。而日耳曼民族之子弟。則反入苦遮奇人的性質之學校。此現象也。波希米有然。波希米以外之地亦有然。

二 居於匈牙利之日耳曼民族之現象

奧大利關於其國民之複雜與否之問題。自其政府視之。純持放任主義。故日耳曼民族猶能存立。若夫匈牙利。則最熱心於其所謂「國民政畧」之實行者也。至近年尤甚。以是之故。以彼、遇、此、立、見、其、被、同、化、而、尤、可、怪、者。則日耳曼民族對於馬幾亞民族。全不懷敵意。且加好焉。其中如匈牙利首府布達伯士脫一地。當千二百四十一年。實全爲日耳曼民族所創設。至於今日。所謂日耳曼的都府者。不過僅存其名。其地之日耳曼民族之數。逐年以稀。據千八百八十年之調查。日耳曼民族尚居其地之人口之十分之三有餘。至千八百九十年。則僅居十分之二有餘。至千九百年。則僅居十分之一有餘。至於今日。僅存十分之一而已。其他各地。亦莫不皆

然。故匈牙利國中之日耳曼民族。不越廿稔。其必靡有孑遺。此殆可斷言者也。

三 居於瑞士之日耳曼民族之現象 瑞士國中。凡分三大民族。一意大利

民族。居國之南部。二法蘭西民族。居國之西部。其北部及東部。則皆日耳曼民族所居之地也。據千九百年之調查。瑞士國中操日耳曼語者。其數二、三一九、一〇五。操法蘭西語者。其數七三三、二二〇。操意大利語者。其數二二二、二四七。準是而觀。日耳曼民族。實占優勢。且其所居地各爲一部。日耳曼民族尤無被同化之虞。雖然。此皆具體的觀察之言耳。若夫就抽象的觀察言之。則日耳曼民族。實有日向於減少之暗潮流之勢。據千八百八十八年千九百年間之調查。法蘭西民族。其人口增十分之一有餘。意大利民族。亦增十分之四有餘。而日耳曼民族。則僅增十分之一。而一求其所以致此之由。意大利則以移住而來者多。列於問題外。姑置不論。而素以人口不增著名於世之法蘭西民族。乃亦見增加者。則全爲日耳曼人自進而與法蘭西人同化之結果也。其最可駭者。如伯倫州。尤其一例。伯倫州之居民。法蘭西民族居其中十分

之六。而此法蘭西民族。實皆日耳曼民族同化而來。純粹之法蘭西人。實無一人焉。且居於瑞士之日耳曼民族。常謳歌共和政。而厭棄帝政。王政。故瑞典國中之日耳曼民族。其必終全數同化於法蘭西民族。又可立而待耳。

四

居於俄羅斯之日耳曼民族之現象

俄羅斯國中之日耳曼民族。無由

得其確數。約言之。則居於巴魯奇者。凡三〇〇、〇〇〇人。居於波蘭者。凡五〇

〇、〇〇〇人。居於羅次者。凡一〇〇〇、〇〇〇人。居於南俄及布魯加河流

域者。凡一、〇〇〇、〇〇〇人。此種民族。自加他鄰二世以來。奠居於俄羅

斯國中人口稀少之各地。能保存其國民的特質。然最近二十五年間。則大異其趣。其民族之全部。幾無能操日耳曼語者。其純然爲日耳曼的性質之學校。不過兩校。蓋其無保存特質之能力。視波蘭人遠有慚色矣。

五

居於比荷英法及其他歐洲諸國之日耳曼民族之現象

日耳曼民族

之居於比荷兩國者。約得一五〇、〇〇〇人。居於英吉利者。約得一〇〇、

〇〇〇人。居於法蘭西者。約得一〇〇、〇〇〇人。而其於比也。荷也。英也。法也。

無一能保守其國民的特質，惟其居於盧馬尼亞、捨魯布以雅、不里格里及土耳其者，比較的猶不似居於他國者之甚爲良勝耳。

六 居於北美合衆國之日耳曼民族之現象

合衆國中日耳曼民族之數。

約計得一、〇〇〇、〇〇〇人。而其產於其本國者，不過一少部分，即其總數一一、〇〇〇、〇〇〇人中，產於本國者，不過僅其中之二、六六六、九九〇人，其餘八、五〇〇、〇〇〇人，則皆產於合衆國者也。其民族之繁殖力，信乎可驚。雖然，其能保存其本國之特質者，絕不數觀。其本國之國語，殆爲其全部人所廢棄。名義上之日耳曼學校，雖亦有所設立，然此等學校，率皆爲亞美利加所同化，以去。又加拿大之日耳曼民族人數，約計得三四〇、〇〇〇人，亦爲加拿大所同化。

七 居於南美澳洲亞洲及其他諸方面之日耳曼民族之現象

南美之烏

拉圭、阿魯善奇那、智利、玻利非亞、威能齊拉等國，亦日耳曼民族車塵馬跡所至之域也。而以巴西一國，其民族聚處者爲多。其地之日耳曼民族，尙能保存

其國民的特質，與居於盧馬尼亞等地者畧同。其在澳洲者則不然。澳洲之日耳曼民族，全數達一〇〇、〇〇〇人以上，然大率皆已喪其特質。若夫在中國及非洲南端者，尤有奇異之現象，不同化於中人，非人而同化於同居其地之英人，自餘各地莫不皆然。

以上所舉，皆日耳曼民族居於各地者之現象也。其富於繁殖力，信有可驚，而其無固定性，亦信有可駭。若是乎就自然的現象言之，則德皇此策，其殆已終屬空花之夢也。而觀於其救濟策，則又何如。

德人對於此現象之救濟策，其第一着手之地，即奧大利。以其易奏功也。初其國內設立一國粹保存協會，純以救濟此現象爲主義。其後設立於奧都維也納者，謂之維也納學校協會。此協會之宗旨，其第一端，即注重於恢復其祖國之言語。其經費每年需四〇〇、〇〇〇磅。其學校之數凡四十九校。又德都柏林之日耳曼學校協會，其會員達三三、〇〇〇人。在各國之日耳曼民族，亦協贊其業。而德國之政治家，近年以來，尤極盡瘁於所謂日耳曼民族統一主義云。

雖然其事之必無倖成殆可決言其無成之原因凡二。

一、日耳曼民族無保存其特質之意志雖救濟亦將無效也。

綜觀日耳曼

民族所以被同化之理由不出二大端。一、由於不能堪他民族之壓迫。二、由於悅共和政而厭棄帝政王政。其屬於第一端者雖曰其事緣於他界然使其民族果有強健的保存其特質之意志則波蘭雖亡民族固在於日耳曼民族乎獨何異若夫其第二端則德意志一日無共和政其民族即一日無復有爲德意志國民之希望而德意志之政體其必不能有所更易又讀者之所能知也吾聞英人之每至一地也必有其英吉利的性質之寺院其俱樂部其新聞紙其遊戲場率皆具有英人之特質法人之每至一地也亦能保存其固有之特質其人民之居於外國者雖越數世紀尙能保存其法蘭西言語由前言之此英人勢力之所以範圍大地由後言之此法蘭西人口雖不見增而猶無亡種之患也歟。

一、德意志帝國爲現今列強所疾視即經營亦必廣被破壞也。

德皇威廉

二世。今世之雄主也。雖然。惟其爲雄主也。其外交常遺失之於醜辣。而其得同情也必稀。故德意志今日之地位。又實最危險之地位也。觀於彼之演說中有言曰。「不助余者。余之敵也。余之敵。余必碎之而後已。」其睥睨一世。旁若無人之心。歷歷如繪。故德意志近年之行動。無往而不爲列強所注目。今者德皇自覺孤立。殷殷然與英人聯歡矣。夫德意志近年來之行動。對於此大問題。比較的猶其小焉者也。而猶若此。而況於此大問題耶。而況於日耳曼民族之在他國者。其現象有如上述之不可思議者存耶。

又稽氏所舉德意志外交上第二之弱點。觀最近現象。已非爾爾。故置不論。其所舉第三之弱點。亦就比較的言之而已。不然。如近者德人於吾山東之現象。寧得謂其成績不振耶。故亦置不論。

第五節 英吉利

據世界第一等強國之席。而泱泱然擁無涯之希望者。莫英國若也。以其國境言之。則獨立於海上。以其社會言之。則調和於國中。以其憲法之權衡言之。則五雀六燕。銖兩

適宜。以其國民之思想言之。則萬衆一志。擴張國權。且也。其境遇優。其經濟力強。茫茫大地。至於今日。亦幾全爲英吉利權力所能至之域矣。自今以往。行將由是而建一最大之帝國。此英人之志也。雖然。以吾觀之。過此以往。不數十年。世界之商業政策上。必有一大競爭發生焉。無他。即英國之資本與德國之學術。美國之利源。東亞之勞力之競爭之一事是也。而當此之時。吾所最以爲憂者。即爲英國。蓋英國者。實缺乏阿利士脫列斯氏所謂之自立國之資格之國也。其生活之資料之大部分。皆仰望於外國之供給者也。彼其自昔以來。爲世界之先進國。故其所獲獨優。今則各國之文化。將悉列於平等之地位。越是以還。此優勢之特權。行將消滅。無存。而所餘者。不過其國固有之自然的權利。而以此固有之自然的權利。其仍能維持其現時之位置乎。抑不能維持。其現時之位置乎。此誠不能不置於懷疑之列矣。然則奈何。曰。爲今之計。英人仍不外鞏固其內部之團結。使其全領土相合。而舉自立國之實。而張伯倫氏之關稅改革。意見實識時之言也。雖然。以英國領土分散之情。而欲舉此大業。其能成與否。吾又不能無疑。要而論之。一母國之下。而有廣大之散在海外之領土之英國式之國家。此後必

譯述一

十八

耳。日歸於衰廢。吾可決言。而英國之國家。則人爲的建設物焉耳。過渡時代之一現象焉。

譯者案。稽氏以英國生活資料之大部分仰給於他國之故。而謂其必不能長保現時之位置。此言也。在艷稱英國商業者。聞之必以爲奇。而不知實有爲而發之言也。欲明其故。當舉英國近年來農工業之狀況說明之。

其在農業上。理論上言之。覺其必爲世界各國之冠。而其實不然。其農業之機械。多屬舊式。此爲英國農業不振之原因。


其在工業上。英人之於工業。往往過信其既往之歷史。持保守之主義。且其國內之勞働者。常爲無理之要求。此爲英國工業不振之原因。

綜是二者。則英國之商業。雖操之英人。而爲商業之原料者。實屬之他國。苟率是而不振。他日苟有大競爭發生焉。英人其不立困也。蓋幾希矣。故英國近年之政策。仍不能不取自由貿易政策也。

又人謂英國殖民地。雖分立於海外。然必無亡英國之理由。誠哉。其無亡英國之

理、由、也。其、在、平、時。英、國、有、偉、大、之、海、運、力。其、在、戰、時。有、偉、大、之、海、軍、力。雖、然。殖、民、地、與、母、國、距、離、過、遠。交、通、聯、絡、上。究、嫌、不、便。即、此、一、事。英、國、之、不、及、美、國。已、不、可、以、道、里、計、矣。

(未完)



譯
述
—





譯述一

最近世界大勢論 (續第八) (十三號)

仲 遙

第一章之續

第六節 俄羅斯

俄○羅○斯○蓄○橫○飛○四○海○之○心○據○高○掌○遠○矚○之○勢○且○其○為○地○也○具○有○完○全○之○自○立○資○格○與○美○國○之○地○理○相○類○舉○世○界○一○切○之○產○物○莫○不○自○有○之○此○俄○羅○斯○地○理○上○之○雄○而○世○人○所○以○且○驚○且○羨○且○妒○者○也○而○惜○乎○其○國○之○弱○點○殆○亦○不○可○縷○計○舉○其○大○者○而○言○之○則○(一)其地雖具有完全之自立資格然純在歐亞兩大陸之背陰沉悶寂於開明發華之象蓋甚缺焉其四圍之境線亦甚不良俱是之故俄國與美國自此方面觀之遠純然立於反對之地位而俄國所以能為陸軍的強國而不能為經濟的強國實緣於此(二)俄國之土地雖極廣大然其人民不能如美國人民之有發達他國人民之能力而利用之以

興、墾、掘、之、業。(三)其國民未嘗參加於歐洲中世之變動。而不得深沐文明之澤。故俄國、民、之、文、化、程、度、較、諸、歐、洲、他、國、為、低。(四)俄國之原族與唐於俄國邊境之他種人民常相、夙、目。(五)其民間之明達志士與其政府互相衝突。靡有寧日。(六)其農民之狀況自昔以、來、困、憊、已、達、於、極、度、而、近、者、域、提、之、經、濟、政、策、不、能、救、之、且、反、病、之。

譯者案。稽氏所舉俄國之弱點之第一至第五數事。稍明俄國情實者。始皆能知其概略。姑弗深論。願吾儕所當亟為研究者。惟在其所舉第六事。是真俄國危急存、亡、之、問、題、而、彼、邦、人、所、深、自、隱、秘、者、也。今先言其農民之生活狀況。次言域提之政策。

俄國農民之數。居其國人口中之十分之八有餘。而其生活狀況。就里亞藏一地觀之。所號為最富者。每年雖一人所費。亦不過僅三十四留。次者則二十八留。其至貧者。則僅五留而已。每歲秋成未穫時。輒相率以乞食於他地。他地之人。亦恆周助之。為己他日地也。終歲不得肉食。困則以菌代肉。利其有滋養性。然至難消化。又傷身甚。其堪替縣地。有所謂饑饉麵麪者。蓋當饑饉時。農民所食之食品也。

頃經堪替大學分析此種食品內所含之質。則知其中所含之質。爲灰七分六厘。水二分四厘。灰中含有多量之克羅列托。屬礦物性。其他分子。則或爲各種穀物。或爲麥實之殼等。要之此種食品。傷身實甚。而一旦收穫不良。則數百萬人。又非仰此莫可得食。以是俄國農民之身長及其體力。逐年減縮。識者謂關係於民族墮落之問題。甚非細故。其困敝艱難之情。有如此者。

以是之故。彼邦政治家。亦未甚不注意及此。然農民所以困敝如是之原因。實在於彼政府。頻以侵畧爲事。而使農民負莫大之義務。使然不揣其本而齊其末。仍無當也。域提者。俄國人中之有政治才望者也。彼之政策。凡分兩事。(一)創國家專賣事業。(二)實行外債政策。其初着手以來。成績頗有可見。然行之既久。奏効亦難。且其流弊。反致使農民之體力。日益削弱。而彼之所以去大藏大臣之位者。亦實緣於其政策失敗之故。要之俄國之侵畧野心。一日不戢。其農民之困敝。一日不止。此盡人所同認者。而農民之困敝不止。則其所生之結果。有最大兩事。

(甲)

革命暗殺之禍。終無窮期。俄國革命暗殺之原因。雖有種種。然原因於農民之困敝者。實多。其國中之加瓦流士克黨。即專抱此目的者。

譯述

(乙)

民族墮落之象日益顯著見前不
複述

第七節 美利堅

美國之爲國也。有優點者四。弱點者三。弱點而未足爲病者三。其屬於優點者。(一)其地理超然立於歐洲之外。深備自立國之資格。(二)其國之原料及製造品皆宏富靡盡。以是、世界所以有前代未聞之經濟的侵略。推其原動力。悉在美國。(三)各國人民以豔羨美國之富力之故。自昔以來。其移殖於美國者。不可以數計。而美國社會之魄力。雄毅博大。足以舉此等新來者。悉吸納之。同化之。(四)美國在西半球中。其人民最衆。文化最優。有含蓋一切吐納萬有之氣象。他日新世界全部之支配權。必落於其手。其屬於弱點者。(一)其地理之現象。雖便於自衛。然甚不便於爲侵畧的擴張。如彼之新帝國主義。其能得志之日。必僅在歐洲未統一中國未覺醒之時期中。(二)其勞働者之勢力。日益增長。於其經濟界中生莫大之障害。(三)美人奢侈之風。達於極端。越是以還。自然的富源。將不能濟其入力的消費。其弱點而未足爲病者。(一)其國民中之一部分。如新英革蘭一帶地之人口。日漸減少。(二)其政治的腐敗之情。(三)黑奴問題。

譯者案。美利堅。真可謂今世列強中之最強者也。稽氏所列舉彼之弱點。除以稽氏之識解判別其爲未足爲病者外。以吾觀之。即稽氏所指爲彼邦之弱點。殆亦未足以言。遂足弱美國也。特吾儕所當研究者。莫要於美國之能力。究能宰制全美否之一問題。苟美國而能達此目的乎。則豈惟稽氏所指爲彼邦之弱點不足爲美憂。即美國他日之弱點。更有甚於今日者。抑又烏足爲美國病也。吾今從各種方面論其事之前途如何。

美國欲宰制全美。必不出於併吞。而必出於聯合。此有識者之公論也。是故吾儕欲判決此問題。當最注意於彼所謂之南北亞美利加聯合問題。(Pan-Americanism) 而此問題之內容。可分爲兩方面。一聯合會議之歷史。一南美北美現今之相互關係之情狀。

(一) 聯合會議之歷史

甲 第一次 第一次之會議。以波里烏亞氏之提唱。開於巴拿馬。其時美國智利巴西等國。皆無使者蒞會。故未能得圓滿之效果。而其與會者。則雖

協定一南北亞美利加諸國攻守同盟之約。然其後批准之者。惟一可倫比亞、共和國。其翌年（一八二七年）美國之代表雖復蒞會。而以南美中美諸國之代表所主張過於頑強之故。議卒不協。

乙 第二次 其後一八八三年復開第二次會議於委內瑞辣之京城。其時蒞會者。惟美洲拉丁民族諸國。別一部分。則開會議於布耶諾士葉那。議亦未得要領。

丙 第三次 一八八九至一八九〇年以美國大統領之所提唱。開第三次會議於美京華盛頓。當時之議題。有商業的聯合。仲裁裁判等問題。議皆不就。惟有當注意者。則南北亞美利加縱貫鐵道之實地測量事業。實此會議之結果。其他如貨幣調查委員會之設立。及南北亞美利加諸國。勢調查會之設立。亦由此會議議決而後行者。

丁 第四次 一九〇一至一九〇二年。開第四次會議於墨西哥。其議題之主要者。為南北亞美利加縱貫鐵道問題及強制仲裁裁判問題。仲裁裁

判問題所以成爲議題者。由於海牙平和會議時。南北亞美利加諸國中。參列之而締盟調印者。惟美國及墨西哥兩國之故。此會議後因美國懷抱欲爲強制仲裁裁判長之野心。論議紛糾。不可名狀。會議成績。遂無多。可觀。而約定越五年後再開會議。

戊 第五次 第五次會議。開於本年。今尙未得詳實之報告。惟聞美國此次所派遣之人物。盡深通拉丁民族諸國之情實之人。其野心固可窺而知之耳。

(二) 南●美●北●美●現●今●之●相●互●關●係●之●情●狀●

甲 商業上 南北美兩洲之面積及其富源。皆畧相等。惟南美洲中未開拓之地及未探見之地尙多。開發富源之業。較諸北美。實不逮遠甚。推原其故。原於拉丁民族之性質不善開拓者半。原於南美各國日從事於種族之見。朋黨之私。無暇開拓者亦半。故說者謂使南北美聯合事業成。則南美諸國之富源可以日開拓。而其平和亦可以維持。以是決聯合事業之

可期速就。雖然。徵之事實。則尙未也。蓋南美諸國與美國之商業的利害。彼此常相反。如美國取保護貿易主義。則自南美輸入之砂糖。勢即不得不課以重稅。又如南美之物產中之重要品。如礦物、食料品。（穀物、肉類、等）等。亦與美國之產品常爲劇烈之競爭。又如西印度諸島各市場中之情狀。亦足見美國與智利、亞爾然丁等國之商業的利害。全立於互相競爭之地位。其他現象。不遑枚舉。要之南美諸國之利害。以商業上之利害爲第一。而其兩者利害相反之情。則有如上所述者。


乙

政治上。就政治上觀察之。美國之野心。昭然可見矣。今無事詳語。惟舉美國自來諸抱野心者之言論。即最足相證明。一八四五年。波克加爲大總統領時。宣言曰。合併亞美利加大陸內之諸國者。合衆國之義務也。一八八一年。布靈氏主張謂合衆國當爲南北美間一帶之地峽之保護者。而美洲中拉丁民族諸國之紛亂。不可不由合衆國判決之。一八九五年。美國國務卿俄爾列氏聲言謂合衆國實爲亞美利加大陸之眞主權者。如


英國之美洲殖民地。不過一時的。而決非永久的。第四聯合會議時。合衆國代表。復公言合衆國當爲其盟主。即美國現任大統領盧斯福。當前年十二月被選續任時。其所發教書中亦有言曰。吾輩所希望者。鄰邦之秩序與繁榮也。(中略)若其有暴行蠻舉。則文明國所不能容也。即吾西大陸。亦安能逃此文明之干涉。吾美國以奉行門羅主義故。苟有危及全美之秩序者。吾將行吾之國際警察權。蓋美國之志。不啻鳴鼓以自示於天下也。

綜上所言。此問題之真相。畧具於是矣。然就其會議之歷史觀之。其事之日以進步也。如此。就其相互之關係之情狀觀之。其事之難於期成也。又如彼。然則吾儕遂無所據以決其事之前途乎。曰。有夫不見乎世界大勢日趨於統一之機乎。若美洲則亦安能外也。如是則第一步之問題。可決抑以美國之實力。其必能自達其目的。而必不許他洲之人代操其權。彰彰明甚。如是則第二步之問題。又可決此兩問題。既決而猶曰不能不能者。未之聞也。雖然。若謂今尙需時。今尙需時。則

譯述一
吾亦固無言耳



(此章已完本論未完)



時局

世界將來大勢論 (上)

中國之新民

矢野文雄者。日本之雄於文者也。丁酉戊戌間。曾任公使。駐北京。頃新著一書。題曰「世界ニ於ル日本之將來」。殺青浹旬。重版再三。其價值可想矣。今擷其要點。譯之。爲上篇。復以彼論爲前提。更述鄙見推論日俄戰役後中國所受於世界大勢之影響。與夫中國之影響於世界大勢者爲下篇。改題今名。著者識。

矢野文雄曰。『一國變遷之大勢。曲折蜿蜒。其所以養成之者。近在四五年十年。遠乃在數十年百年。及其勢已成。欲以一手一足。一朝一夕之力。抵抗之。未有能致者也。一國有然。世界中國與國之交涉。亦然。』以上據譯原著第一章

『日俄戰爭一役。使日本而終爲戰勝國。其結果必將使滿洲全境。置諸俄國勢力範圍以外。而俄國亦永不復能得不凍港於東方。吾今以此形勢爲本論假定之前提。使

此前提而謬誤也。則我全論無復銖黍之價值。苟不謬誤者。則吾將以次研究下列之各問題。

『天下本無事也。有擾之者。禍亂斯起焉。自今以往。全世界包藏禍萌之地。果安在。則當橫覽大地上。下而求索之。彼南北美洲者。卵翼於美國門羅主義之下。列強夫既默認之。即有不認者。美國之力。優足以實行其主義而有餘。若云禍萌在美洲者。無有是處。復次澳洲。英國勢力範圍。既已久定。云在彼者。無有是處。復次非洲。其中雖有多少甌脫。但優腴之域。位其南端。英既攫之。其北之摩洛哥、亞昔里、阿比西尼、法意諸國。鴻溝略定。惟其中部林莽之藪。或有一二主權未明。其細已甚。若云禍萌當在彼者。無有是處。復次小亞細亞及印度之北陲。其可以惹起紛爭者。未始絕無。但其價值。略同非洲。而謂列強將以獅子搏兔之力。賭國運以爭此雞蟲者。無有是處。』

『然則今後。豈更無他所惟在。泰東日俄戰前。遼滿尸焉。戰後則遼滿之地位。又既略定。自今以往。則滿洲以外之中國。全境實為萬國競爭之燒點。此稍明時局者。所能道。無俟余喋喋者。』

「滿洲以外之中國全境其發難最亟而最劇者果安在此又一問題也俄既失諸遼
 滿將一轉而自伊犁新疆窺關中固也雖然其地勢形便固有所限欲達其志非旦夕
 之效也英人以揚子江流域為勢力範圍固也雖然其所注在商業非必為武力的行
 動也法國於廣之西東眈眈焉固也雖然山川界之其擾亂未足以遽動全局也故自
 今以往最適於侵略中國之資格者惟德國最易生事之地惟山東以最近之事實證
 之彼德人根據膠灣以向西南汲汲扶植勢力日不暇給膠濟鐵路開通以後日接日
 厲西南數百里間無崇山廣川可以為圍彼地者實侵略中原最優之據根也譯者案
 山東為
用兵根據最宜之地。證諸秦末漢末隋末唐
 藩鎮元末諸歷史之事實。信不誣也。 豈惟德人任取一國易地處此未有不野心勃勃
 得寸思尺而不知止也以上開譯原
 著第二章

「今之論者莫不嗚嗚嗚德國唾諷而腹誹之謂其好生事而樂為戎首也雖然我輩
 固不能不為德人諒彼自挫法以來一躍而躋於一等國之列其陸軍力既舉全球無
 與比倫者其海軍力亦已匹法而亞英自餘一切進步固不一日千里其人口則五千
 八百餘萬遠非英法奧意歐俄譯者案歐俄云者歐洲內俄羅斯
 之地別於亞洲屬境而云之也之所能及也若乃還顧其地

域則何如。美則於本國有三百萬方里。俄則於本國有八百萬方里。英則於他洲有一千一百萬方里。法則於他洲有三百萬方里。惟彼德人於區區彈丸之本部以外。僅在非洲一隅得八十萬方里。而天候地味不適。殖民蓋猶石田也。夫其民衆既位西歐。強之上而其屬地與其人口比較。乃不及十之一。今後欲發展經濟力於域外。遂不得不蟻伏人下。仰鼻息焉。是使德國國勢永無突飛之期也。彼爲自衛計。不能不出於侵略。未可以恃戾人道爲德人咎也。豈惟德人任取他國易地以處。其亦尤而效之也。以上

佛譯原著第九
第十四章

德國自處之地位。既若此。其所憑藉之地位。又若彼。其必爲我首。既無蒞著蔡矣。而中國之不能以自力遏德。又盡人所能知也。則其勢不得不訴之於列國。於彼時也。則列國中天然之二派分焉。一曰左袒德國者。即侵略派是也。二曰反抗德國者。即保全派是也。視此二派勢力之強弱。如何其所生之結果如下。

- 第一 保全派強則中國得維持今日之現狀。無待言。
- 第二 保全侵略兩派勢均相持不下。則中國猶得保持現狀。以延時日。

第三 侵略派強保全派自審其力不足以障之毋甯變其宗旨以取均勢則瓜分之實行遂不能免

此兩派者無論為公然開戰為隱然相鬪要之必為全世界上操縱離合之一大因緣至其離合之大動機若何則正本論所亟亟欲研究也以上胡譯原著第二章之下半

『德國欲逞於山東不得不求同盟第一同盟必為俄其次則法俄之必表同情無待言也法本非釋然於德者然以事勢所迫或不得不加入此同盟故今設為假定之前提曰侵略派以德國為主動俄法助之此普通言時局者所同認也保全派之主動必首英日而美國亦以屢昌言此主義其所左袒者必在英日又無待言雖然若此問題非以樽俎之所能解決而必至乞靈於干戈彼美國果能賭一戰以助英日乎此一疑問也』

『又一旦戰事破裂吾日本在東方之勢力固足以自衛若乃西歐之方面以一英而敵俄法德三強其勢固極孤為英國者果尙肯冒祖國之大險謀東方之治安乎此又一疑問也』

「若英國自審以一敵三之不利持重不敢發則日本之獨力終不能制彼二強又無待言。」

「使大勢所趨而誠如是也則兩派之爭遂罷各自充其慾望以漸勢力之平均而已。即德國發軔山東西略河南南下江淮英國保有大江南北之各省俄國濫觴新疆伊犁入關撫山陝法國有廣西之全部廣東之一部事已至此吾日本爲均勢自衛計亦不得不南取甌閩江右北保全遼於是中國之瓜分終列國之爭競戢以上兩譯原著第三章

「雖然英國於德國之舉動果能袖手乎夫謂英人不肯冒險以爭其保全主義者將以避戰事也以前所言德國之地位如飢獅然盈其欲壑談何容易且使瓜分主義實行以德人所欲之奢恐終不免與英牴觸而戰遂卒不可避此亦英人所能知也爲虺不摧爲蛇奈何故毋甯前事而遏之英之政策固應爾爾是又可懸斷者」

「於是吾輩所亟當研究者即前此第二之疑問所謂英人歐西以一敵三其安危之程度果何若也今請先語海軍俄之海軍力以今次之戰喪失泰半可屏勿論其餘者則德法之海軍也以英海軍與德法海軍相比較其力適略相均英人以獨力保

本境及其屬地尙可無虞。以云操券制勝。則猶未也。日本之海軍力壯矣。然方以全力爲東方保障。未遑他顧也。故英人而欲於全世各方面皆保其制海權。使無萬一之失。則不得不於日本以外更求一同盟國。此同盟國安求之。若意大利。若葡萄牙。近數年來。曠英殊甚。雖然。葡人加盟不足爲輕重於英也。意大利則庶幾矣。然意大利於三國同盟。即法奧意之關係。未能驟脫。今若就英其海上固可安全。若陸上與法相鬩。其未免狼顧也。故爲英之計。最適當之同盟。莫如美者。於是前此第一之疑問。亟當審焉。即美賭開戰以助英日與否之疑問

『求助者英也。而相敵者德也。於此而欲測美人之舉動。何若則當先審美人與彼兩國之感情。何若美人國於新大陸。素抱持其門羅主義。與舊陸不相聞問。立國以來。惟汲汲殖產興業。視軍備蔑如也。乃最近數年間。以擴張海軍爲獨一無二之政策。全國上下。咸孳孳焉。各國皆相視駭胎。而不知其中有一消息。爲德人抱其侵略主義。睥睨而四顧。方其未得山東也。蓋嘗以全力。凝菲律賓視之。若懷中物也。無端有美班之役。美人直以艦隊略菲島。德人愕眙。懊恨不可名狀。亦派艦若干。游弋該島附近。以示威。

此。實。美。人。九。世。不。忘。之。惡。感。情。也。以。余。所。聞。諸。當。時。外。交。社。會。之。秘。密。蓋。德。人。欲。干。涉。非。島。之。事。先。示。意。於。俄。俄。諾。之。更。叩。法。法。諾。之。最。後。以。諷。英。英。則。為。嚴。厲。正。確。之。拒。絕。謂。美。之。併。非。積。利。宜。然。也。德。人。憚。焉。其。議。乃。寤。譯者案。此一段必密。未之前聞。矢野氏嘗時方居外交時會之要津。所言必當不謬。當。是。時。也。美。國。海。軍。力。遠。在。德。國。下。勝。負。之。數。不。待。交。綏。而。決。也。若。陸。軍。則。德。之。強。素。甲。天。下。以。之。臨。美。國。之。民。兵。其。猶。以。千。鈞。弩。潰。難。也。當。是。時。也。苟。微。英。國。則。德。俄。法。將。演。第。二。次。干。涉。還。遼。之。手。段。而。美。國。將。蒙。萬。世。不。可。滌。之。恥。辱。此。消。息。一。達。新。陸。全。美。七。千。萬。人。之。腦。電。忽。被。刺。擊。乃。始。大。懾。悔。知。今。之。世。界。苟。無。武。裝。國。不。可。以。一。朝。居。也。匪。直。此。也。當。時。柏。林。一。有。力。之。新。聞。無。端。而。草。一。論。說。指。斥。美。國。兵。力。之。弱。謂。德。美。若。有。戰。事。若。何。而。一。舉。殲。其。海。軍。若。何。而。以。精。練。之。陸。軍。上。陸。不。旬。月。而。降。旗。豎。矣。此。其。論。為。出。於。德。政。府。恫。喝。之。意。為。出。於。一。私。人。好。事。之。言。皆。未。可。知。而。美。人。見。之。慚。與。憤。俱。亦。有。一。有。力。之。新。聞。宣。言。曰。一。以。吾。美。之。富。力。數。年。之。後。能。養。成。倍。蓰。於。汝。之。軍。備。而。有。餘。此。言。實。不。啻。代。表。全。美。七。千。萬。人。人。心。中。之。言。也。坐。是。之。故。美。人。一。面。懷。非。常。之。怨。毒。於。德。一。面。銘。無。量。之。感。激。於。英。蓋。美。人。自。獨。立。以。來。其。視。舊。母。國。素。有。芥。蒂。焉。近

數年來其愛情乃驟加無量。職此之由，彼其與兩國之感情，既若是矣。而保全中國者，又美國所常揚言不離口也。其泰東商業之前途，又泱泱如新生之潮也。於此而有一國焉，反其主義而障其前途，而此國又其所蓄怨積怒，思欲一雪者也。而此國所敵之國，又其所感激涕零而思欲一報者也。則其奮然執戈以前，驅亦常情也。以此論之，則英日兩國苟至不得已之時，以武力行其所主張，而英人以孤立故，在歐西陷於險焉，而乞助於其同種同文之美國，殆必有不忍旁觀者。以上論譯原著第四章

英美所長者，海軍也。而所短者，陸軍也。英國一旦與他國開戰，則蘇彝士河以東，若阿富汗，若印度，若海峽殖民地。即新加坡等處處須設防，不得不求他國焉，以補其乏。今次

戰役以後，我日本陸軍之價值，舉世所同認也。疇昔日英同盟之約，其範圍僅限於極東。自今以往，英國而欲謀全局之救安，或更求擴張此同盟範圍，延及亞細亞全境，此亦意中事也。果爾，則我日本能應之否乎？此又一疑問也。英俄一旦相聞，苟英國以守圉不周之故，致俄人得伸其翼於阿富汗及印度北境，隨意南下，則英國勢力生一大挫，而我國緣此同盟所得之利益，亦減殺其半。故英國而誠欲擴張此同盟範圍也，吾

日本爲友誼計。固不忍拒絕。即爲自衛計。亦不得不力任其難。於此而第二第三之疑問起焉。即我日本之力。究能否任此。而於我日本將來。果有何利益也。以吾度之。我日本今後之國力。咄嗟之間。輸運二十萬。乃至三十萬。陸軍於印度阿富汗一帶。尙屬非難。而我既以此市恩於英。則英國亦必於亞細亞全境。承認我日本勢力範圍之擴張焉。以爲報。夫我日本固非好爲野心侵略。然爲均勢起見。多占一分地位。多獲一分安全。是亦安得已也。故此同盟擴張之議。不久將見諸實行。吾敢言之。以上並譯原著第六章之上半

「如是保全派之三國。與侵略派之三國。角立對峙。其時之中國。必加盟於英日美。而不加盟於俄法德。殆又無可疑者。中國兵力微弱。誠不足爲英日美之輕重。雖然。其地正爲競爭之客體。苟英日美得其同盟於其內地及其沿岸。得以自由使用。則利便正復不少。以日本之陸軍。加以以英國之海軍。復加以以美國之海軍。復加以以中國地利之形。便則保全派在亞洲之勢力。似又非侵略派之所能敵。」

「亞洲之勝利。保全派尸之。全世界制海權之勝利。亦保全派尸之。此吾輩所略能自信者。惟英美本國。以陸軍之稍有弱點。其果足以捍俄法德之侵入而立於不敗之地。」

乎是蓋難言。雖然制海權既在保全派之手。苟戰局相持稍久。則彼侵略派之三國。其丁商業。遂將蒙不可復之損害。此又不可不察也。於彼時也。俄法德觀英美日之不易。倘肯賭開戰。以主張其侵略主義否乎。是又一大疑問也。

「要之德之必侵略其國。勢使然。欲止不得止者也。德人成騎虎之勢。俄法應不坐視。英日之必防遏德國。亦國勢使然。欲止不得止者也。英日成騎虎之勢。美國應不坐視。此兩造者。其操縱離合之勢。自今已成。而後此將日益著。其究極果肯賭勝。負於戰爭。與否不可知。戰爭將破裂之一刹那頃。兩造果肯各在其成。見相讓以冀無事。與否不可知其退讓。屬於何派。不可知。要之其角立之大勢。則洞若觀火也。於斯時也。俄法德苟自審不易得志於東方。因不爲已甚焉。姑稍戢以待將來。則中國亦得維持現狀。以延時日。而世界亦賴以小康。」以上備譯原

「由前之說。第三章以上之說則保全派之勢力劣於侵略派也。由後之說。第五六章以上之說則保全侵略兩派勢力相均也。於此而欲保全派之勢力必優於侵略派。則其間有一國焉。舉足左右便分輕重。則法蘭西是也。欲決法國將來之行動。何如必當先審法國與英美日俄。

德本來之關係何如。英美者。世界中最重人權尊自由之國也。日本亦後進而駸駸追蹤者也。若乃俄德則未足以語於此。俄以專制惡魔聞。勿論矣。即德之視英美猶瞠乎後也。若是乎。此兩派之爭。實不啻自由國與專制國之爭也。原著附言云。以德與俄相提並論。指為專制國。似未免酷評。雖然。德之人權進步。實際不及美。我輩不得不為德人道憾耳。英而法國者。則自百年以來。夙以傳播自由主義自認。為其國民之天職者也。以情理論之。彼法國者。本宜昵英美而疎德俄。徒以見挫於德。以來以國勢之阡危。外交之魔障。敲之使不得不與主義冰炭之俄國相提携。譯者案。自德與後。法人屢欲與英結同盟。皆為俾士麥陰謀所敗。其結俄實不得已也。蓋亦法人之遺憾也。自今以往。法國果猶始終昵俄。而不惜與英日美為難與否。是又一大疑問也。以上備譯原著第六章之下半

一俄法德連盟之動機。起於乙未年脅日還遼之役。論者懲前毖後。謂昔既爾爾。今後其亦爾爾也。雖然。今之事勢。固有以異於昔所云者。昔之日。本其軍備之盛。遠不逮今。且連戰之餘。不免疲敝。而外之復無一與國以爲之援。故三國之干涉。當其未干涉之始。既逆知日本之無能抗。而以空言可以收成功也。法之所以肯參其間者。一也。又還遼之議。倡之者俄人。俄法之與國也。進焉則深量日本之實力。既無盤錯之憂。退焉重

以俄國之感情樂市不費之惠法之所以肯參其間者二也若今日之形勢則與此異其主動者德國德固法之國仇也若其公表同盟之俄則不過立於從屬之地位者也其感情之關係既若此而他之一方面則受英日美非常之反抗相持之極遂將不免於血戰其所對待者又非十年前區區之日本比也於此之時而謂法國猶必悍然棄彼而就此吾蓋難言之

「更還觀英法之交近年以來日益密邇兩主相朝禮文逾渥兩國代議士交聘之際彼此歡迎燕暱動天下耳目焉論者謂英法數百年來積不相能乃其最近之親好則曠古未嘗見也更論法美美之自立也受法人之賜獨多百年以來新舊大陸之兩共和國互表敬愛之情非一日也其於英美之私交既若是矣而英美所抱持之自由主義又法國所常以負荷自誇耀者也今一旦乃徇仇讐之主動而蔑夙懽舍博愛之美名而爲戎首法之果出於此與否吾甚疑之

「審如是也則當德國所倡之政策而既得俄國之同意也則俄將必密勿示意於法爲法人者殆必以前途之牽動重大戒懼之不可以怠爲俄忠告焉俄而復諫也則法

國將以同盟之逼迫犧牲一切以自投於戰亂之盤渦乎抑將藉口於俄之復諫遂與彼絕乎全局之安危皆繫於是

「法而誠告絕於俄勢固不得中立必將折而黨於英日美於斯時也則在歐洲方面以俄德敵英法遂成南歐北歐之競爭以地勢論之意大利不得不與法相結法意陸軍足以當北方之敵而英之海軍更羽翼之則三國之地位如磐石安矣奧之去就不可知其趨於英法意之一面又意中事也事勢若果至此則以德俄之力遂不足以敵五六強國俄人或遂餒焉不願復爲德當前敵區區一德竟陷於孤立之地位而不自戡如是則侵略主義乃一敗塗地而天下得以無事」以上據譯原著第七章

矢野原著凡二十二章右所譯者全論最一貫之點且最重要之點也此外其第十六章復申言德國之侵略不患無辭略謂「頻年以來美國屢牒告各國宣示保全中國之主義最近又以日俄戰後共保中國領土爲言列國皆畫諾焉即德人亦無異議雖然紙上條約之空文不足恃也彼德人者若更有如前此以戕二教士掠膠州之舉動彼德國自以特別之資格向中國爲相當之要求中國諾之非第三國所能容喙也一

波○平○一○波○起○要○求○無○已○許○諾○無○已○又○非○第○三○國○所○能○容○喙○也○且○外○交○上○之○手○段○往○往○去○其○名○而○取○其○實○彼○德○人○之○所○以○取○中○國○者○將○悉○出○此○焉○名○義○上○毫○不○悖○公○約○而○冥○冥○中○全○制○其○死○命○幾○經○歲○月○列○國○習○而○安○焉○熟○視○無○睹○夫○乃○並○其○名○而○攘○之○也○」其第十七章略言「若中國瓜分之禍終不得免則將來釀紛爭者實惟四川俄之勢力在關中勢必欲取蜀以自廣法得滇粵蜀亦其唇際歛張物也而英奠基於大江巴蜀實其發源地由藏入贛亦有建瓴之勢故雖公認以均勢行瓜分政策而勢之不能均者此地其禍萌也」其第十九章復申言俄法同盟之將有變兆謂「俄法今日之政體立於正反對之地位太不能相容今春以來以俄國君民交闕之故法議會中前有政府豫算委員長報告之批評後有社會黨首領攻擊之提議其人皆朝野之有力者所言殆足以代表全法之輿論也譯者案。委員會長焦比福氏。在議會報告書。公然嘲罵俄皇。謂以海牙和平和當更與虐殺政府同盟。文長不具引。而巴黎人民示威於俄使公債交涉。屢躓於成言。譯者案。其詳參見本報前數號批評門之紀俄事者。

法人厭俄之機既大動矣。苟自今以往能得他友國焉。可以捍城德意志使我仇不我能。即則法人之棄俄如敝屣有斷然矣云云。」本章皆以證前此第七章法俄離合之

說可謂特識。章末復以「俄人專制萬難持久。或將同化於英美法日。而大勢亦因以一變。」此其大概也。其第七章之末言「英國之主義固與美日同。但其皇室之血緣則與俄法之親密遠過於美日。」譯者案。德皇為英皇之甥。俄皇幼年為英皇之被保護人。故英皇一身最適於為此四國調人云云。此本論之附庸。可勿多述。其第九章則略言「大勢之所趨。略既如是。如第七章以前所言。即譯出之文也。雖然。苟有一二非常之人物出焉。時或能振時勢之機關而一轉之。其結果有不可以常軌論者。如拿破侖。士麥加富爾之時代是也。今日最適於此資格者。則德皇其人也。」其第十五章略言「英日之於中國。猶有餘望。中國者。實天然適於與英日聯盟之地位者也。以彼不自振故。同盟之約。僅限於二國。二國之遺憾也。其最末之第二十二章。題曰「清廷之三憂」。三憂者。一權臣篡奪。二人民暴動。謂此兩者為向來中國歷史上通患。至本朝則加以種族惡感。而三焉。以此之故。朝廷猜忌心終不可免。而開心見誠之改革。遂無其期。而人民復有一缺點焉。曰視習俗重於視國家。保俗先於保國。故望其人民以自力建設新政府。蓋亦甚難云云。」

以上擷譯矢野氏新著綱要之大略也。更不避駢枝。再舉其關目。

(一) 德國之侵略中國情勢使然其侵略之進行甚易而又不患無辭
 (二) 英日不利於德國之有此舉動必思防遏之

(三) 德國爲侵略之主動俄法計當助之英日爲保全之主動美國計當助之

(四) 德國之主義占優勢則中國瓜分英日之主義占優勢則中國保全


(五) 德俄法與英日美相持則勢力略均美若不肯賭戰以助英日則侵略派遂占優勢法若不肯賭戰以助德俄則保全派遂占優勢

(六) 美國以種種因緣宜若肯賭戰以助英日法國以種種因緣宜若不肯賭戰以助德俄

今請以矢野氏所論爲假定之前提更發表鄙見爲我國存亡之決論著諸下篇。



時局



六



批評一

歐洲最近政局

(摩洛哥問題)

飲 水

摩●洛●哥●會●議

歐洲久沈靜之國際政局。至今春益多事。

初法人與英班協商得摩洛哥保護權。而德人忽起撓之。於是有開列國會議之事。其末略見前號記載門

會場在西班牙屬之阿治布拉。開議期為陽歷一月十六日。會議要案略如下。

- 一、財●政●改●革●之●事●先●改●革●稅●關●革●除●官●吏●中●飽●惟●此●事●與●法●國●銀●行●有●關●涉●因●摩●借●法●債●以●稅●關●作●抵●也●故●法●銀●行●據●稅●關●徵●收●權●
- 一、設●立●中●央●銀●行●事●其●權●限●大●略●協●定●惟●摩●王●非●借●新●公●債●無●從●辦●此●

歐洲最近政局

批評一

二

一、改正出入口稅率增加輸入稅，輕減輸出稅。

一、外國人遵依馬特里舊約，照納租稅。(案)就此可見前此外國人不納稅也。

一、不許兵器入口，不論土人歐洲人，一概嚴禁。歐洲諸國亦各嚴禁私售私運。

一、界約摩與法，摩與班，皆重新畫定界約。

一、全國皆設警察，以保內外人生命財產之安全。

今所爭議不決者，警察權問題也。摩洛哥秩序久紊，其政府無自行警察權之實力，列國所公認也。故法國以保護在摩之法人為名，欲行警察權於其全國，而在此等野蠻國之警察與在文明國之警察頗異，往往須大用武力，故警察與陸軍殆有異名同實之觀。法人得此權，是仍不啻得摩洛哥保護權也。於是德人大抗之，主張以此權分委諸列國，不得以一國專焉。今為此一點，爭論甚劇，兩國破裂之機，間不容髮。

德國之動因

德國何故悍然凌壓法國，若是之甚乎？據西報所論，其動因約有數端。

其一、自德法戰後，故相俾士麥政策，常欲墜法於九淵，使不得復與列強齒。此盡人

所同知也。及今帝即位。頗變此策。思與法接近。以釋前嫌。顧法人不應之。其外部大臣。狄爾加士。反與各國結種種密約。破壞德奧意同盟。且聯英法之交。使德人陷於孤立。至是今帝始悟失計。復採俾公政略。故此事之發源。實在掃蕩狄爾加士之政策。危法國之地位也。

其二。德人當十九世紀之末。頗不以地中海問題爲意。惟利用之以爲操縱外交之一手段。故以條尼斯啗法國。欲以離法意之交。卒利用此事件及羅馬問題。使意人投入三角同盟。迨一八九六年。意與阿比斯尼構戰。英人旁觀焉。德人亦以三角同盟之範圍不及地中海。靳與援助。自是意始轉而與法親。假條尼斯問題以買其懽心。承認法國在條之主權。一八九九年。復承認法國在摩洛哥優越權。及一九〇四年。英國認之。未幾西班牙認之。於是法國在北非洲之政略得意已極。此皆狄爾加士之成功也。惟狄氏藐德國太甚。若此間事不容彼有發言權者。德人銜之亦固其所。

其三。德久思逞於法。惟俄法同盟與德奧意同盟對峙。保均勢之局。德人有所憚不敢發。及去年旅順之陷。奉天之敗。德人覩俄之疲敝。不復能爲法援也。故急起直追。欲

批評一

四

乘此一大挫法鋒是以及此

其四。德國自十年以來。注全力於東亞。思根據膠州以侵略我。而其所倚爲狼狽者。則俄也。俄既大敗。日英同盟新約成。眈眈逐逐之野心。忽生一阻力。於是其殖民政策。不得不轉其鋒於他方。失東隅而收桑榆。故一洩之於摩洛哥也。

其五。俄人敗後。俄之波蘭人。忽恢復勢力。其影響遂及於德奧之波蘭人。咸思排德。奧國內之波蘭人。主張聯合英法以抗德。而土耳其亦隨之。故德國更不可示威於一國以回復權勢。

坐此諸因。故德人冲天驚人之手段。遂非得已。

列國之態度

此次會議。前此一八八〇年馬特里會議有關係之各國。除丹麥外。皆列席焉。德法則衝突之主動力也。其餘各國態度大略如下。

一英國。法人在摩之保護權。本英國首認之。故英人苟有可以爲法援者。無不盡力。此意中事也。雖然其能否賭兵力以助法。是非所敢言。

去年十月七日法國巴黎瑪丹新聞
忽有記事一段云「法國若受德國

之攻擊則英國即行艦隊動員令占領奇羅運河以十萬陸兵戍梭黎蘇彼阿斯坦地方此英政府與法政府所訂口約也若德人欲得正式的文書則英亦所不辭云云」瑪丹者法國最有力之報也其記事言論夙爲重於世界德人見此其報館直攻擊英國不遺餘力而英報亦與之舌戰倫敦泰晤士云「瑪丹所記其爲事實與否屬於別問題雖然德國若以不法行爲攻擊法國則我英政府必能得國民的同情以拯鄰國之難無可疑也」自此兩大報館有此等論全歐震動儼然若不可終日既而英政府對於德政府聲明絕無此事人心稍安然兩國內情如何究秘莫能明也

二西班牙 近與法國甚親厚且已認法之保護權或當祖法雖然彼固夙懷野心於摩洛哥者或亦乘鷓蚌以收漁人之利也

三意大利 其地位最困難既先與法國有協約而又與德爲同盟不知何祖而可今者其外務大臣威那士達侯爲本會議長素以老練之外交家聞不識何以善其後也

四比利時 比以工商立國法人既宣言開放摩洛哥門戶則比當無間然且法素助比得種種權利於中國比人所深感也故當祖法

五美國 摩洛哥與各國通商訂約實由美國首導之故苟能於商業上實行開放門戶機會均等主義則美人當無異議至境上警察權等事非所欲過問也

六俄羅斯 俄國新聞皆言當以全力助法同盟國固應如是

七摩洛哥 摩洛哥參列使臣莫黎氏其手段亦有不可悔者彼最初不爲何等之提

批評一

六


案。惟。要。求。有。參。加。會。議。之。權。利。而。已。開。會。之。始。彼。所。宣。言。者。有。三。其。一。云。使。臣。無。承。認。列。國。所。議。改。革。案。之。權。利。有。此。權。者。惟。國。王。耳。其。二。云。若。會。議。案。不。侵。及。摩。國。領。土。主。權。者。使。臣。可。奏。報。國。王。其。三。云。列。國。中。有。一。國。獨。施。行。改。革。案。者。嚴。拒。絕。之。蓋。皆。受。德。人。之。指。喉。也。

結果及影響

此。會。議。今。方。在。紛。紜。膠。藁。中。兩。強。相。持。不。下。其。結。果。甚。難。言。要。之。法。國。數。年。來。苦。心。經。營。之。所。得。一。旦。盡。歸。泡。影。殆。非。所。甘。且。德。之。凌。侮。已。甚。法。人。讓。步。復。讓。步。終。不。得。當。其。或。出。於。一。戰。亦。意。計。中。事。惟。各。國。皆。互。有。攻。守。同。盟。之。約。牽。一。髮。而。全。身。為。動。戰。固。非。易。言。然。則。法。人。竟。以。屈。辱。終。耶。誰。能。知。之。


德。之。所。以。注。全。力。於。此。問。題。者。其。原。因。雖。有。數。端。而。最。主。要。者。則。彼。之。殖。民。政。策。不。能。逞。於。東。亞。乃。轉。而。向。於。北。非。也。若。法。人。而。以。屈。辱。終。也。則。彼。不。能。逞。於。北。非。者。或。又。將。轉。而。向。於。東。亞。則。雲。南。廣。西。間。其。多。事。矣。德。之。根。據。在。山。東。為。英。日。同。盟。力。所。束。縛。此。數。年。內。殆。無。展。驥。足。之。餘。地。法。之。根。據。在。安。南。其。進。取。也。在。腹。地。日。本。勢。力。鞭。長。莫。及。

英○國○獨○力○或○未○足○以○制○之○且○其○所○用○者○隱○謀○以○種○種○猾○詐○手○段○植○根○蒂○焉○抑○非○武○力○所○
 能○遏○也○嗚○呼○銅○山○西○崩○洛○鐘○東○應○甯○得○曰○對○岸○火○災○云○爾



歐洲最近政局

批評一



八



時局

中國興亡一問題論

觀 雲

第一章 懸論

第一節問題之緣起。二十世紀之大問題。則中國之興亡是也。方歐洲內治已定。列強務均勢以保平和。於是各移野心於局外。為飛而食肉之舉。當非洲美洲南洋各島。已經略定之餘。而尚有天氣溫和。物產豐富。土地饒沃。人民柔弱之支那一片土。遂視為鼎中之臠。俎上之肉。各思啖而食之。以饜其慾望。雖然。支那大國也。其人民雖愚而弱。然非非洲美洲南洋各島之土人比也。其一亡而不復興歟。其猶有復興之一日歟。今日尙未能斷言之。使其亡而不復興也。則一色人種統一全地球之問題將出。使其能復興也。則黃禍之說。且將再起。其結果也。如歐亞人勝負之關係。為黃白種強弱之關係。亦巨矣哉。故夫今日之以兵戰。以商戰。以工藝戰。以政治戰。以教育學術戰。以鐵路。

航路。礦山。工廠。戰以條約。租借。外交。手段。勢力。範圍。戰以殖民。主義。帝國。主義。民族。主義。戰賢君。哲相。絞腦。漿。耗心。血。懷才。抱氣。憂時。感事。之士。逞探索。恣鑽研。縱橫於文字。上下。其口。辯無他。咸欲觀此。問題之一。歸宿而已。觀察此。問題異而政策。亦異。處置此。問題變而局勢。亦變。蓋非一國之問題。而全地球。公共之問題也。雖然。以一國之問題。而使全地球之人。得干涉之。且待全地球之人。而決定之。是則一國之無自主權。而事之。至可恥者也。然益不容不研究此。問題。以一斷其前途之禍福也。

第二節 解釋問題 此問題之解釋者。果用何法乎。蓋亦不外二式而已。一就各國而解釋之。一就中國而自解釋之。就各國而解釋之者。謂天下事。智者能制。愚強者能制。弱。局勢之已成。能制其未成者。若彼印度者。土非不廣也。人非不多也。物產非不美備也。人民智識之程度。與中國亦不相上下也。然為英人管轄後。其重要之官。皆英人任之。要害之處。英人派兵鎮守之。而印度人室中。至不得掛刀。其故王雖存。歲時領英人之銀一顆糖一角。以為榮。論者謂印度而欲謀自立。恐數百年內。無是望也。此固非印度人之不求自強也。局之已成。勢之已定。愚服于智。弱服于強。而無如何也。今者中國

之海面瓜分已早定矣。因海面而務及內地各行省變換顏色之圖亦已紛傳。各國默認爲誰何之界。誰何之士。以各國政策之很毒而詐詭。各國兵力之勇敢而猛鷲。各國民族之趨勢之四隘而膨脹。各國經營之鏟髓削骨日積月累而未有已。豈容於二十世紀之時代東海之上喜馬拉亞山之北尙有一斬新之國土出現於其間。我沈沈酣睡之中國歟。不於交通之初數十年之前早知覺悟。至今者兵衄地失巨創大痛。乃翻然而欲變法欲維新已矣。晚矣。其已亡矣。無可爲矣。此就各國而解釋此問題者也。就中國而解釋之者。謂夫國之興也。人民自興之。其人民而有可興之品性也者。雖他人不得而亡之。國之亡也。人民自亡之。其人民而有可亡之質點也者。雖他人不得而興之。彼非洲美洲南洋各島之士人無論矣。即印度者。以岌岌雪山溶溶恒河而淪陷於異族人之手。亦其人民之本不足存立於交通競爭之之時代耳。不然強敵環伺適足增長吾人民之精神發達吾人民之知識震撼危疑者能力之所自出而憂患驚恐者智計之所自生也。不然不能經風雨凌霜雪之人民不有人事之撲滅亦必有天行之芟除矣。昔者當蒙古種之強。幾統一東半球而東不能滅日本西不能盡取日耳曼則

亦其人民固有異於人者在也。夫強武之國民，其不肯受統轄於異種人之下也。若曰：吾寧死吾之祖國，吾之同胞，敵人而欲割裂吾一寸奴隸我一人，吾必畢吾之生命以爭之。不然，寧血染此山河，不留一人一種，而後為敵人之所踐也。乃甘心焉。嗚呼！國人而果有此氣概，有此魄力乎？敵人雖強，豈真能以銃林炮雨盡屠戮，勦洗其人民者？是故天下無不可亡之國土，而有不可亡之人民。傳曰：梁亡乃自亡也。猶魚爛而亡，然則亡與不亡，一國人自為之事而已。此就中國以解釋此問題者也。甲也，近惟物而乙也，近惟心。甲也為客觀，而乙也為主觀。解問題者，殆不外此二式矣。而要使我國人於此有懼心焉，有恥心焉，有爭心焉，有奮心焉，此則尤為立問題者區區用意之所在也。

第三節 辨別問題 且夫亡國者亦亡其人民在此土之生息與在此土之主權而已。蓋嘗據古今歷史而為亡國者類別言之。其一則有此土之人為彼土之人所勝收其土地，欲絕其人民而殺之，辱之，捕之，虜之，遷徙之，掠奪之，使此土之上不得有此種人之蹤迹者。此亡國之一種也。其二則有此土之人為彼土之人所勝而收其土地，或不能盡收其土地，戮其人民，或不能盡戮其人民，改變其政治制度，教化風俗，或不能盡改。

變其政治制度教化風俗。此土之上。辱入彼族。而此土之人。亦仍得生長食息於其間。惟其主權則他種人操之。若歸化之土司。若藩屬。若保護國。若奉戴異種人。以爲君者。要之皆所謂奴隸者是也。此又亡國之一種也。前之亡國。若古者巴比倫之於猶太。而近者俄人之於波蘭。於滿洲。略近之後之亡國。則今之滅國新法多用之。而更加巧密焉。以我國人之智識。素未知主權之爲何物。國家之爲何義。民族競爭之結果。其影響若何其偉大。而但見河山如故。風景依然。安吾耕鑿。長吾子孫。則雖謂他人帝。謂他人皇。於我何有。而且有依附。末光甘爲傭役。倚託他人之威勢。稱頌他人之功德者。嗚呼。我神明之胄。願男爲人僕。女爲人妾。以迎新送舊。人盡可君。爲國體則二十世紀之中國。爲白種人所占領。而以我國人代其工作之事。任其勞勩之役。必且軼歐超美。出現一博碩美麗之國土於天地間。其將認新中國者。爲我中國人之新中國乎。如是則何亡國之懼之有。且夫今日之上海。之天津。固各國人操其主權。而待華人若奴隸。犬馬然。上海西人之花園。榜其門口。曰狗與華。人不准入。內蓋置華人於狗之下。而中國人。千于匍匐於其間。若視此繁華之區域。爲我中國人所自造。且若視爲中國自治之土地者。浸假而內地雜居。若租界。然是則眞亡。

人。之。國。而。七。箸。不。驚。鷄。犬。不。擾。者。矣。且。也。各。國。知。中。國。之。愛。虛。名。而。昧。實。事。或。且。仍。留。國。號。以。遂。其。保。全。體。面。之。心。而。又。必。扶。助。其。政。府。藉。政。府。以。壓。制。其。人。民。以。便。其。束。縛。宰。割。之。計。而。我。國。人。固。不。覺。也。故。不。得。不。為。吾。國。人。正。告。曰。所。謂。一。國。興。亡。云。者。興。則。一。國。之。事。一。國。之。人。自。為。之。得。操。其。主。權。與。萬。國。競。勝。負。而。足。以。自。存。亡。則。他。人。為。主。而。已。為。從。他。人。為。上。而。已。為。下。他。人。為。剛。而。已。為。柔。他。人。為。發。命。而。已。為。受。命。之。人。他。人。為。治。人。而。已。則。為。治。於。人。者。之。人。而。於。土。地。上。之。興。衰。治。亂。固。無。涉。也。且。使。一。息。奄。奄。長。此。終。古。如。今。日。者。亦。謂。之。亡。而。不。得。謂。之。不。亡。何。則。我。中。國。之。主。權。固。不。出。自。我。民。族。之。手。也。然。而。猶。曰。興。亡。云。者。興。則。未。來。將。然。而。想。像。屬。望。之。詞。亡。則。過。去。已。然。而。覈。實。定。名。之。稱。也。夫。以。已。亡。之。國。作。萬。一。或。然。之。想。而。謀。復。之。且。謀。復。之。於。白。種。人。之。手。吾。知。其。難。然。以。我。黃。帝。堯。舜。之。子。孫。謂。累。劫。不。復。永。無。立。國。之。期。此。又。腸。一。日。而。九。迴。心。百。感。其。若。痲。斷。精。衛。之。魂。枯。杜。鵑。之。血。而。此。心。未。已。者。也。

第四節 不以國粹解釋問題 凡一國之成立必有其精華焉所謂國粹是焉彼日本變法則亦有恃乎國粹矣日本之變法也始於醫彼其始之為醫者皆家有巨貲以醫

爲救人之事。而悉心研求之。與夫中國之百學不成。降而爲醫。以欺世者。其道異。是故於西法之來也。而醫先受其影響。何則。彼醫者固有學。故能吸取之。而收其用。而醫乃有進步矣。日本之自誇者。曰日本魂。日本魂者。武士道也。彼以尙武敢死。爲其國人之特性。故變法之初。用是以覆幕府。泊乎國是既定。乃移而用之於海陸軍。而兵乃有進步矣。醫與兵至今言日本變法者。必以是二者爲稱首。則皆恃乎其有國粹。以爲之因地也。雖然。事必有次第焉。有階級焉。試言之。變法之初。蓋莫不有四時期者。一曰進取。一曰掃除。一曰決擇。一曰保存。方新說之初。入也。國之人見所未見。聞所未聞。始而疑之。繼而攷求之。終而信服之。此固非見異思遷。嗜奇好辯之性。然也。蓋實見新學新法。高出乎己之舊理。而決非恃前日之知能。所可幾及。乃不惜降心相從。而發其磅礴奮取之心。夫見他人之長。而發其磅礴奮取之心者。是也。進取之時代。宜然也。當其時也。還觀夫舊俗垢穢之點。腐敗之點。隨在有。致衰弱之原。而造滅亡之因。夫人亦囿於一隅。無比較之心也。則已。比較之餘。而見夫他人如彼。吾國如此。乃不勝其羞惡之心。憎憤之念。而欲摧陷廓清。一蕩滌之。以爲快。夫知己之病。而欲摧陷廓清。以蕩滌

之者。是也。除之時代。宜然也。當是時也。又欲取新學而施之于實行矣。而甲一說焉。乙一說焉。丙丁戊又各一說焉。雲屬波委而來。吾前吾乃不得不審吾之國勢。吾之民情而定。一說以爲方針。則於彼有所取焉。於此必有所棄焉。所謂有用法國學派者。英國學派者。德國學派者。此貴乎斟酌損益。而有權衡審慎之心矣。則決擇之時代。宜然也。當是時也。新舊交孕。其舊俗之腐敝者。必不能與新文化合。不歸於天然之淘汰。必歸於人爲之淘汰。漸次漸滅。其力日微。其中質之美善者。乃磨之而愈瑩。礪之而愈堅。或且爲他種人之所無。而此種人之所有。則美國之特性物也。凡立國者。莫不恃有此特性物也。以爲基本。是所謂國粹也。於是。有倡言保存者。以言保存。誠哉其宜保存也。此保存之時代。宜然也。若夫非其時而語之。逆其序而用之。當人民汶汶。味味。吸取新文明。淺隘幼稚之時代。而先宣言曰。吾有國粹。吾有國粹。是適足與輸進文明者相衝。突增國人守舊之心。助頑固之口。實而察國民以進步也。故未敢以國粹云者。雜投之于我國人。宜尙歐化主義之時代也。

(未完)



中國興亡一問題論

(續廿六號)

觀雲

第二章 民族

第五節 民族總論

我民族之入居於中國。攷其古蹟。大抵從西北而來。先展布於黃河兩岸之地。故曰地皇興於熊耳龍門之山。而三皇五帝之所都居。亦均在黃河流域之區。故我國文化之趨勢。由西北而及東南。而我種民族之趨勢。亦先由西北而至東南。其時與我民族雜居者。爲島夷獫狁。葷粥。氐羌等。然皆居四裔。惟苗族獨據中國腹地。古史稱苗族在江淮荊州之間。又云三苗之國。左彭蠡而右洞庭。又云三苗爲九黎之後。九黎之亂。時見於黃帝少昊顓頊之時。而蚩尤爲最著。我種人古時戰爭之事。亦以黃帝征蚩尤爲稱首。蚩尤旣殺。未盡絕滅。至少昊時九黎復亂。顓頊時誅九黎。分其子孫爲三國。三苗之名始此。堯興。復誅苗民。舜時遷三苗於三危。禹攝位。三苗在洞庭

逆命。禹又誅之。而舜命禹征苗。其誓師之言。載於尚書。曰：濟濟有衆，咸聽朕命。蠢茲有苗，昏迷不恭，侮慢自賢，反道敗德。君子在野，小人在位，民棄不保。天降之咎，肆予以爾衆士，奉辭罰罪。爾尙一乃心力，其克有勳。至今讀之，猶凜凜有生氣者。至周作呂刑，亦數苗民之惡。上及九黎，而舉蚩尤爲首。蓋上古中國一大民族，以江淮流域爲根據地。而我種人，則以黃河爲根據地。時相戰伐，而卒爲我種人之所芟除者也。且夫我當日之民族，足迹之游歷者，蓋遠而文化之興起者，亦速。山海經一書，大抵爲古人游記之作。其體例，記鬼神，記道里，記動物，記植物，記卅產，記鬼神，原人時代，風俗則然。記卅產，則可補後人地誌所不及者。史又稱東至蟠木，蟠木大抵爲榑桑若木之稱。又安南人著史，泝其祖之所自出，曰神農三世孫曰帝明，帝明生帝宜，帝宜南巡至五嶺，接婺僊氏女生祿續，帝宜治北方，祿續封涇陽王，治南方，涇陽王生貉龍，貉龍娶帝宜之子帝來之女，生百男，是爲百粵之祖。據此安南人爲中國之同種古史云：南至交趾，蓋指此。而流沙崑崙，時見古書，則述原代所居，遷流所經之處也。以當日社會交通之未便，瀛車、瀛船之均未發明，而足迹所及，寔遠若此。設我祖若宗，無遠畧之志，無冒險之心，則東亞大陸時和。

物。備。山。媚。川。燼。之。一。片。佳。麗。地。必。不。爲。我。種。人。之。所。有。以。生。殖。其。子。孫。或。且。困。於。西。北。荒。瘠。之。區。不。得。展。舒。其。勢。力。發。布。其。文。明。至。今。尙。在。游。牧。之。時。代。與。中。亞。洲。之。蠻。族。等。也。且。史。稱。有。巢。以。還。燧。人。以。後。其。時。去。原。人。時。代。衣。草。木。食。殆。猶。未。遠。而。一。入。神。農。黃。帝。之。世。若。歷。律。之。發。明。醫。葯。之。發。明。稼。穡。之。發。明。陶。器。之。發。明。一。切。政。治。制。作。技。藝。教。化。咸。有。日。進。昌。明。之。勢。以。彼。舊。民。之。蠻。陋。而。與。我。新。民。族。較。其。震。驚。於。我。族。之。文。明。者。殆。與。今。日。震。驚。歐。俗。之。進。步。者。無。以。異。我。種。人。以。彼。種。之。劣。也。字。之。曰。夷。曰。蠻。曰。狄。而。加。以。羊。種。犬。種。蛇。種。之。稱。又。慮。其。腥。膻。我。土。地。也。放。而。逐。之。殺。而。戮。之。凡。我。種。人。之。偉。人。物。必。以。能。攘。戎。狄。驅。蠻。夷。爲。首。功。蓋。同。異。種。之。戰。鬪。而。民。族。主。義。之。發。生。本。於。天。性。而。出。於。自。然。蓋。自。古。代。而。已。然。矣。由。是。而。茫。茫。大。陸。其。日。月。待。我。而。光。明。其。山。川。待。我。而。秩。序。其。草。木。待。我。而。馨。香。其。鳥。獸。百。物。待。我。而。亨。毒。而。東。海。之。上。惟。我。民。族。有。耿。光。者。則。以。我。民。族。之。較。於。舊。民。族。固。我。優。而。彼。劣。我。勝。而。彼。敗。者。天。演。之。理。然。也。雖。然。我。民。族。則。亦。染。有。舊。民。族。之。毒。害。者。若。巫。頌。之。風。若。昏。虐。之。刑。

楚語九黎亂德家爲巫史民神同位又書載苗民爲劓剕

椽鯨之刑則截人耳劓截人鼻劓椽人陰割人面

皆苗民之所有以染及於我族者度亦當日婚姻之不嚴所致夫

變改習俗。莫速於婚姻之力。而優種人與劣種人結婚。往往能失優種人之性質。若昔者阿利安人種。侵入印度時。與其土人雜婚。遂失其一種進取活潑之氣象。而當其初。分爲四種姓。曰婆羅門。曰刹帝力。曰吠舍。曰戌陀。其間階級甚嚴。蓋亦慮種族之混淆。而設此防範也。當我種入居中國之始。與舊族雜居。必有與之相匹合者。若娶戎女。納狄后。猶時見於春秋之世。則古時可知矣。且夫我民族。莫盛於三代之時。至秦漢後。而次衰。自晉以還。北方人種。又混入匈奴。巴氏。羯。羌。鮮卑。東胡之種類。文明種族。日益南遷。中原文物。遠非昔比。吾痛吾之種族。當生長發達之後。忽爲北方蠻族所闖入。而近者。又有一種傑特強悍之民族。窺東南海疆。而至夫北方之蠻族。其文化實不逮我。不足懼也。測海而來之歐洲人種。較吾種之文化。有進而遂鄙我爲野蠻。爲半開。爲病夫。爲老大國。而吾人種。昔能戰勝舊民族者。今乃不能勝新入之民族。且爲新入之民族。所勝。而日有退居窮蹙之勢。且我人種之尚可圖存者。惟在今日耳。失今不圖。而待歐種勢力之既充。後雖欲圖之。而無其時。則我黃帝堯舜之子孫。有威光。有榮譽。有戰勝他人之資格者。不可不起而自勵也。蓋亦嘗游滇黔楚蜀間。而觀其山谷中一種之苗。

族乎此皆戰敗殘賸之遺種不得復見夫天日者殷鑒不遠是我種人之鑒也

第六節民族之性質 彼英人之離母國而得一新地也必先言政治而平治道路設議會立公共之法律而法人不然當其得一新地也必先務爲游觀之處是以英人之於殖民地也數年之後日益發達而法人之於殖民地也常有寥落之虞英人之於殖民地也能自立爲一國不必依賴其母國而法人之於殖民地也常以母國扶持之英人之於殖民地也不必以母國之財爲子國之用法人之於殖民地也常至耗母國之財英人之於殖民地也常能合多數之異種而管理之而法人之於殖民地也其管理之才絀焉故曰論民族者觀其離母國後能自立國與否而優劣可知彼英人者常以此自詡其民族謂能占特色於全地球者以此而英人與法人以比較而見高下者亦以此無他則其民族性質之所自爲也夫事業者性質之現象而性質者事業之本也勢力者性質之效果而性質者勢力之因也我民族而果占優等之性質乎則今全地球之勢力宜莫如我民族若東及東三省而南走安南暹羅緬甸南洋島嶼棋布星羅迤邐過東太平洋至於美洲莫不有我華人之蹤跡焉以多數管少數之例言之我民

族所至之處。其數遠過白人。挈東南洋而管領之。以與全地球之民族爭雄長。豈有能敵我者。然而今日者。白人以其少數之人。提扼綱領。而我華人。皆俯首帖耳。受羈輓於其下。而不敢爭者。論者謂我華人若散沙然。若溪邊之積石然。個人自爲個人。而無一聯貫之機括。是以全國之人。號稱四百兆。實則四百兆之個人而已。夫以有經緯有組織之團體。而至於四百兆。此今日民族至多之數也。分而爲個人。則又民族至少之數也。中國之四百兆者。散體之少數。而非合體之多數。故易與也。此言也。則稍過其實矣。夫個體與個體。而不能聯合者。禽獸是也。是以爲人之所圍轄。束縛。豢養。宰割。而莫之能逃。若我華種。族則固有父子之親。夫婦之愛。兄弟之友。朋友之交。君臣之義。以視夫衆多之個體。與個體者。其進化也。亦遠矣。然則我華人之所短者。何哉。曰。無政治之思想。而造成國家之才力。短也。家族主義的民族。非國家主義的民族。家族主義的民族。以封殖其室家。發達其子孫。爲主。而合衆之事。共同立法。共同議事。立共同一致之機關。爲共同一致之運動。而依共同之主權。造共同之幸福者。其事闕焉。互相關注。互相團結。不過同鄉同府同邑之誼。所爲之事。不過大致如會館而已。所謀之目的。大致懇

親而已扶助而已便於交好往來而已能如歐洲人種聚衆數人聚衆數十數衆數百即議共治之法律定共治之制度而成政治之機關造國家之基礎者乎無有也何則家族的民族非國家的民族故有天親之聯合無人治之聯合有倫紀之秩序無法律之秩序有家世之感情無邦國之感情而其弊也有營私心無合羣心有徇俗心無獨立心有貪鄙心無名譽心有節蓄心無慷慨心有卑下心無高尚心有異懼心無勇敢心有晏安心無攻取心有退守心無冒險心有諧臣媚子干利徼祿之心無英雄豪傑赴功建業之心是以私鬪則勇如南方一村一族之械鬥有甚劇烈者公鬪則怯私利則明公利則暗私義則報之而公義忘焉私德尙有之而公德闕焉而出洋傭作者惟思還鄉游學畢業者但營臚仕其爲異種人所管領宜也何則彼固不能自造國家而待他人之造國家而已得安居其下也家族的民族非國家的民族固如是也夫當民族潮流膨脹四隘之時彼以國家之民族來我以家族之民族往其疇勝而疇負亦可知矣嗟乎我民族非自改良其性質進家族之主義而爲國家之主義吾未見能立於民族交通競爭衝突之時代也

第七節民族之體力 智力俱全者人種之上者也有智而無力者次之有力而無智者又次之試游於途見其人也其氣象清明其軀幹偉岸其狀貌都實而胸部正脊梁直肺量寬其氣血充沛而有餘官骸四肢無不發達之部如是則必爲世界雄武之民矣反是而見其人也其氣象茶靡其軀幹尪弱其狀貌劬苦而胃部壓脊梁曲肺量窄其氣血虧損而若不足官骸四肢有不發達之部如是則必爲世界驚下之民矣以我種人與歐種較其縱量大概弱歐種人一頭有餘其橫量大概以歐洲之五人當吾種之六人而氣宇間我則垢穢彼則整潔我則委靡彼則挺直我則局縮彼則活潑我則柔脆彼則壯實且夫我種人之體力非特不及歐洲人種即印度西北邊人如今日租界所用之巡捕者其身段力量亦遠過我彼所患者身格上下之不勻稱耳非夫體力之遜人也又非特不及印度人也上海行路凡屬華人必避歐人此至辱之事也昔者吾友嘗言曰吾欲強中國吾無他求求其行路時不必避人而已嗟呼此雖區區之事然亦必先恢復國力而後能爭之豈易易耶而側聞在美洲者歐人行路反避黑人蓋黑人蠢而多力故歐人反有時而避之然則我種人之體力不在世界劣等之黑人下

耶。夫社會者以個人而成。國家者以個人而積者也。個人之體力弱，合而為國家社會。其力亦弱。此理之相因者。昔者吾讀史，稱古之防風氏者，其骨專車，而春秋時與我種戰爭者，尚有長狄之一種。又秦始皇時有翁仲者，實為安南之慈廉人，身長二丈三尺。在安南時為長官所笞，乃入秦，以身量異人。秦皇使為將，匈奴畏之。鑄銅為像，置咸陽司馬門。此雖同於大禽大獸，為歷史上人種之博物品，非可用為一般人民體格之標準。然而帝堯長，帝舜短，文王長，周公短，仲尼長，子弓短，而堯瞿舜墨，禹跳湯偏。偏半體枯伊尹銳下而豐上，湯豐下而銳上，傳說如植繇，周公如斷菑。菑死木葉公子高，微小短瘠，行不勝衣。晏嬰長不滿六尺，張良體弱多病。戰時載後車中，常如婦子女子。此古人體格之未齊也。然而不足為我種病者。以古時社會無一般之養生，無一般之體育，乃各因其賦秉之異，或精神強而體魄弱，如張良是也或勤勞民事憂傷，蕉萃天其發育體格不豐。如禹湯等是也至全社會進化而體量齊等矣。然自秦漢以後，我種人體格之高下，雖未可得載籍而稽，而大致有退無進，而一種醜態怪狀出現於後世，或近日而為古人之所無。有者其大較有三事也：一鴉片烟鬼，使我種人氣色灰敗，志氣墮喪者也；一八股先生。

使○我○種○人○躑○踖○僵○僂○俯○仰○不○揚○者○也○一○纏○足○婦○人○使○我○種○人○氣○血○天○傷○肢○體○殘○缺○以○害○
 傳○體○者○也○是○數○輩○人○者○其○為○先○天○賦○界○之○偏○歟○抑○憂○時○感○事○勞○瘁○其○心○神○而○天○闕○其○氣○
 體○歟○前○者○如○聾○跛○盲○啞○然○方○當○哀○矜○而○憐○憫○之○後○者○則○賢○人○君○子○之○所○時○有○况○當○此○震○
 恐○顛○沛○之○時○代○也○而○所○謂○鴉○片○纏○足○八○股○之○病○均○不○若○是○或○發○於○一○人○之○嗜○好○或○中○於○
 政○治○之○變○害○或○染○於○社○會○之○惡○習○其○傷○害○夫○一○身○者○不○過○廢○棄○社○會○之○個○人○不○足○惜○也○
 而○子○以○傳○子○孫○以○傳○孫○浸○假○而○閱○數○十○代○數○百○年○之○後○舉○全○國○之○人○無○一○非○病○夫○無○一○
 非○鬼○狀○而○萬○國○將○置○我○於○博○覽○會○中○以○供○其○玩○笑○今年日本開博覽會擬以中國土人陳列會場
 為在留日本學生反抗而止又學校中人類學
陳列品有鴉片烟燈烟鎗及女
 子弓鞋又弓矢等皆可恥也 是○則○亡○種○之○禍○其○將○驗○矣○且○夫○事○業○者○志○氣○為○之○志○氣○者○精○
 神○為○之○而○精○神○者○氣○體○為○之○也○人○當○偶○感○小○極○或○榮○衛○失○調○或○寒○暑○失○宜○已○覺○志○慮○之○
 不○及○運○用○而○營○業○且○因○而○阻○輟○而○况○集○合○病○夫○而○成○國○又○何○以○謀○成○立○也○耶○吾○聞○之○人○
 言○曰○東○方○之○國○好○服○長○服○以○拱○手○無○事○為○上○此○其○所○以○弱○也○夫○長○衣○拱○手○且○致○弱○國○而○
 况○事○有○百○倍○於○長○衣○拱○手○者○乎○洪○範○之○言○六○極○也○一○曰○弱○弱○有○二○義○焉○一○曰○志○氣○弱○一○
 曰○筋○力○弱○我○國○人○欲○避○弱○之○為○害○乎○則○非○以○軍○人○之○氣○魄○軍○事○之○精○神○立○國○焉○不○可○也○

(未完)

中國興亡一問題論

(續第廿七號)

觀雲

第三章 地理

第八節總論地理 人之智愚強弱有關於其狀體者國家社會進化之次第亦大受

影響於地理之間。全地球文化之發生。始於內江內海。是故有中國黃河流域之文明。有埃及尼羅河流域之文明。有印度殞伽河流域之文明。有腓尼基希臘地中海之文明。而自哥倫布得新地。蒸氣船之製發明以後。內江內海之文明。遂一躍而為外海之文明。當是時也。濱海之國人。智遠海之國人。味有海權之國。強失海權之國。窮得海上交通之利者。國富。失海上交通之利者。國貧。夫中國者。負陸面海。以茫茫大陸富源之無盡藏。而運輸東南。以收交際之利。攬東海之商權。兵權。以與各國爭衡。雖謂其地理。



有。凌。駕。萬。國。之。資。格。可。也。然。則。數。十。年。以。來。其。失。策。之。處。可。照。燭。而。數。矣。一。狃。於。用。陸。憑。弔。古。昔。英。雄。戰。爭。殺。伐。形。勢。之。地。險。要。之。所。與。夫。名。都。大。邑。人。民。之。所。輻。輳。貨。物。之。所。填。溢。皆。在。陸。而。不。能。海。而。波。濤。決。漭。島。嶼。杳。溟。之。區。以。爲。此。天。地。之。險。非。人。力。所。能。及。試。觀。歷。史。中。國。人。之。能。用。海。者。惟。春。秋。時。有。吳。伐。齊。之。舟。師。而。古。時。青。州。之。域。兼。包。遼。東。秦。漢。時。山。東。人。民。多。渡。海。徙。遼。今。時。猶。然。故。東。三。省。之。語。言。多。有。與。山。東。合。者。東。三。省。之。人。民。實。多。自。山。東。遷。移。之。一。種。也。而。唐。時。始。言。海。運。以。供。范。陽。之。軍。食。杜。子。美。詩。所。謂。雲。帆。轉。遼。海。者。指。此。又。浙。江。人。民。亦。間。有。至。日。本。者。至。唐。宋。以。後。閩。粵。人。民。漸。與。海。習。出。洋。謀。生。者。寔。多。至。今。東。南。洋。各。島。無。不。有。吾。華。人。之。蹤。迹。者。然。皆。不。能。立。國。祇。個。人。之。營。業。而。已。而。元。時。一。用。舟。師。而。敗。鄭。成。功。用。臺。灣。之。舟。師。以。襲。南。京。而。亦。敗。然。能。犯。風。濤。駛。溟。渤。欲。凌。駕。之。而。取。以。爲。用。者。止。此。而。已。自。海。疆。交。通。以。來。一。二。時。論。乃。謂。守。外。海。不。如。守。內。河。而。當。轟。轟。烈。烈。海。權。發。達。膨。脹。之。時。代。海。上。權。力。之。論。不。出。於。我。國。士。大。夫。之。口。至。今。收。海。岸。之。利。者。惟。在。交。通。之。利。便。得。輸。入。文。明。以。異。於。西。北。荒。遠。之。區。而。權。利。讓。人。無。可。挽。救。則。皆。守。數。千。年。習。慣。之。見。而。毗。於。用。陸。者。之。過。也。一。

狃於地大物博而人衆多。世之稱中國者曰地大物博而人衆也。然而亡中國者無他。亦地大物博人衆而已。試言其故。地大則朝割一區焉。夕割一域焉。而內地人民仍見。夫河山無恙。版圖依然。區區一島一嶼。曾若九牛之一毛。且本我之所荒棄者。而何損於毫末之有。有人徒見中國之民麻木於國事。若無痛癢之覺性者。然而不知他人之豎吾腦而扼吾吭者。尙在內地人民所耳目不及之處。夫常人之情。必身受其慘苦而後。知懼而後知奮。當日本變法之初。汽笛一聲。忽焉衝破國人之迷夢者。彼固島國。以兵船游弋。其間舉國震盪。以是爲動魄驚心之事宜也。若吾大陸。谿巽谷別。抱子生孫。老死不相往來之人。或生平有未見歐人之一面者。又何從而惕以瓜分之慘。奴隸之卑。而刷勵其精神也。此地大之患也。物博則休息生養於天產物之豐富場。而經濟之思想。末由發生。偶值財政困難之時。以爲若天災飢饉。然不久平復。其所轉輸。不過移此省之財。以救彼省。而取明年所有。以周今年而已。是故全國財政無可統計。實亦不必統計。以爲天下之財盡在是。其貧富不過此。贏彼絀之間。故一戰而賠款數百兆也。再戰而賠款四百兆也。并息而計之。而將及千兆也。清欸之期。而遲至四五十年也。其爲。

吾種人之患者禍烈於洪水猛獸而傷劇於快槍利砲然而國人未嘗有計全國之歲入歲出陡添此巨款國人之擔任法應若何增加稅則法應若何且籌增加者之能勝任與否擔任者之應監督財政與否而徒聽在上者之羅掘搜括取之而不知其何故用之而不知其何往蓋雖至今日之百孔千瘡而吾國人尙未以賠款者爲至大之問題而置之腦印之中驚跳于寤寐之內也此狃於人民多而物博之患也是皆大陸國之根性然也雖然吾獨以爲吾中國者負陸面海實一海國而當重海以立於海權競爭之時代者也試言之北京首都距海不過數百里津沽山海關失而北京亦危庚申庚子之役京師皆失守者其已事可見也山東以威海膠州爲屏蔽今也割棄兩處而山東陸危若置人之掌握中者至南中國以金陵最占形勢扼江海之衝而其距海也甚近若一艦一入長江之口而南中國皆危餘若浙江若福建若廣東皆以省會首都置於海上勝負之數一決之於海面而已且以我海岸守護線之長自海參威以至瓊州防之不勝防備之不勝備我防於彼而敵出此我備於此而敵出彼我鈍而彼靈我勞而彼逸我以應兵而反爲客敵以戰兵而反爲主但陷害一二處已足震動我

之。全。局。不。得。不。俯。首。喪。氣。而。請。和。矣。况。乎。水。師。不。足。戰。則。不。得。不。守。以。陸。兵。而。無。沿。海。之。鐵。路。以。輸。送。之。首。尾。之。間。殆。不。相。顧。又。何。以。守。故。曰。中。國。者。實。海。國。而。當。重。海。以。立。於。海。權。競。爭。之。時。代。者。也。且。非。當。僅。練。外。海。之。水。師。也。尤。當。置。長。江。水。師。以。與。海。軍。相。接。應。夫。自。秦。漢。以。後。我。中。國。戰。爭。之。區。域。已。移。黃。河。而。至。長。江。其。勝。也。者。無。不。据。長。江。之。形。勢。習。長。江。之。兵。而。握。長。江。之。權。力。者。也。遠。事。不。必。徵。以。近。事。言。之。彼。洪。秀。全。氏。所。以。敗。曾。國。藩。氏。之。所。以。勝。者。其。所。爭。之。要。着。亦。在。於。有。長。江。之。水。師。與。否。而。已。故。夫。居。今。日。而。爭。中。國。之。存。亡。者。內。江。外。海。互。相。聯。絡。此。天。之。予。我。中。國。以。形。勝。者。不。然。負。此。奇。特。之。地。勢。而。不。能。用。而。局。縮。於。山。谷。間。閉。關。內。鎖。自。同。於。蒙。古。回。部。西。藏。中。亞。洲。諸。國。之。所。爲。如。之。何。其。不。爲。人。之。所。亡。也。

第九節海港 甚矣中國之有土地而不能治也。香港者中國之所謂荒瘠不毛之土焉。自英人得之不數年間。鑿山平土。市廛隱賑。遠接新加坡。而近瞰廣東之門戶。爲英國航路達於中國之始點焉。豈獨香港舟山者中國以爲一外海無足重輕之島而已。自英人得之。鎮以兵力。扼揚子江之下流。而有以當東南洋之衝焉。豈獨舟山秦皇島。

論著


六

者。中國人視之一不着於地圖之島而已。而他人以爲不凍之港。有以衝威海。旅大。津沽之窺。要而扼北京之管鑰焉。豈獨秦皇島威海衛者。中國固嘗經營之。以爲軍港矣。自英人得之。與俄之旅大相對峙。而英在北方之位置固矣。豈獨威海膠州者。以山東殺兩教士。爲德國所藉口。而占領之者也。中國若以爲無甚關係也者。而德人於此築船塢。營鐵路。以一隅爲根據地。而吞噬山東齊魯之區。遂爲德人之勢力圈矣。豈獨膠州瓊州者。中國固以爲海外珠厓。可在罷棄之列。而法人既得廣州灣。從而瞰之。欲聯絡越南。以扼廣東之右方。與英人之香港九龍相犄角矣。豈獨瓊州三門灣者。又中國未嘗掛諸齒頰者焉。而意大利欲占據之。豈獨三門灣澳門者。中國以爲已割棄之地。而葡萄牙欲展拓之。豈獨澳門旅順大連灣者。以俄人之干涉。返自日本轉而贈諸俄人。俄人營之。若推窗而望東海。以爲東方之第二聖彼得堡焉。是數處者。不善用之地。老天荒盪汨於鬣濤鯨波間。貝甲之所叢集。草木之所榮落。禽獸之所內迹。不然而漁師罟客之所往來。葢竈估船之所出沒。而無關國家重要之位置。置民族占有之勢力焉。善用之。而輪舶如雲。燈火如星。衢廛如砥。百貨如山。聯袂成雲。輾輪殷雷。爲全地球之巨鎮。

而太平洋海岸之繁華區焉。且夫此數十處軍港商埠開東方一片之畫圖。他人之所謂志得意滿高掌遠蹠立石鑄像如上海立巴夏禮之銅像銘功紀念之區。皆我種人之所謂受羈被轄爲奴爲馬。慘日傷心積恥如山。沈仇若海之地。使我民族而萬劫不復。永無立國之期也。則已設也有立國之一日。而國於太平洋之上。不能不有太平洋之權力。欲有太平洋之權力。不能不有太平洋之海軍。欲有太平洋之海軍。不能不有太平洋中國岸良港之根據地。而此若干天造地設山環水匝祖宗留遺之地。若所謂香港舟山秦皇島威海衛膠澳瓊州三門灣澳門旅順大連灣諸處者。豈能返之自英自德自俄自法自意大利自葡萄牙諸國之手乎。即偶有留遺之處。可爲重立海軍之所。而廁於英於俄於法於德於美於日諸強國之間。又豈能分其勢力。不爲其所壓抑。而能自成立乎。曰。占領曰割棄曰租借曰毋讓與他國。曰勢力範圍圈。又豈有還我主人復見歸來之一日乎。嗚呼噫嘻。平日之棄一港讓一地。以爲無關大局。而烏知己并我子孫立國之根本。斷送於渾沌政府。寫條約蓋御印之一日。以數十處海港爲餓案。而中國真無回復之一日矣。當輪舶所經。瞻望雲山。又烏能不悲。從中來洒萬斛之淚。以送此殘山賸

水也。

謝著



八

(未完)



時局

中國興亡一問題論

觀雲

第三章 地理 (續廿八號)

第十節 鐵路鑛產

於人而海王有鐵路而山受治於人而山王矣。中亞洲一帶之山國他日繁盛或有如今日之海岸線諸國者其必假自鐵路之力以彼之萬軸奔馳追風逐電而道路所經山川則聽其揮斥焉。人民則受其彈壓焉。物產則由其輸送焉。塵市則歸其部居焉。其鐵路所到之處即其財權所有之處。其財權所有之處即其兵力所及之處。即其管領土地所至之處。哀哉。各國之割割我束縛我者不以後膛之槍綠氣之砲而以此雷激電轟之一大怪物也。試言之。曰東清鐵道。長春吉林間鐵道。關內外鐵道。北京張家口間鐵道。蒙古鐵道。蘆漢鐵道。正太鐵道。津保鐵道。山東鐵道。山西鐵

時局

一

道。粵漢鐵道。南京上海杭州寧波間鐵道。南京漢口間鐵道。津鎮鐵道。重慶漢口間鐵道。雲南鐵道。清緬鐵道。京江及福建鐵道。澤州間鐵道。屬福公司而英也。俄也。德也。法也。美也。日本也。比利時也。凡他日之欲為中國主人翁者。莫不閉眼光。注心力。投金錢。計工程於我大陸間。而路之未成者。豫規畫之。從而經營之。又從而要約之路之已成也者。謀展拓之。從而接連之。又從而管領之。且也。以我明燼之山川。博麗之土地。金銀之氣。溢於蒼嶽赤岬之間。煤鐵之苗。露於近郭遠郊之地。而又蘊蓄數千年。惟五帝三代時。有取其地面之浮出。及藏於地層之淺者。而取用之。而秦漢以下。升人歇絕。未聞王者謀國。有取五金以足用者。間有遺洞古窟。不為王者政令之所封禁。即為民間風水之所拘忌。此寶王之國。而其國之人。日對此金銀之樓閣。百寶之宮殿。夢夢然而不知焉。或知之。而又苦於無機器焉。無質本焉。無提煉之法焉。無運送之道焉。不然。不得見許於其官長焉。不然而又不得見請於其政府焉。不然而又不得見允於其鄉閭焉。而於是一絕大無盡藏之產業。不得不轉而贈諸外人。且夫鑛產之與鐵路。固互相表裏者也。以鐵路運鑛產。而鑛產之運輸。便以鑛產養鐵路。而鐵路之生計。盛吾行。見二

十世紀吾三幹之麓。兩戒之間。郢山絡野。接軌連軫。噴赭煙而掣流星者。各國之鐵道。焉。鎚幽鑿險。夥。顧萬指堆。鐵炭之崢嶸。而耀金寶之璀璨者。各國之鑛所焉。起而視吾。華人則爲其工。築人焉。傭役人焉。伺候人焉。嚮導人焉。運送人焉。小販賣人焉。舊產主。而分微利人焉。而各國擲揄而鄙薄之曰。此亡國之民。此賤種之產。蓋當我國人熙熙。太平沈沈。鼾睡之日。而敵已縛之。殺之。有以制吾後日之死命也。


游學譯編譯日本讀賣新聞言中國鐵路之事甚詳。有大足喚醒我國人之迷夢者。不嫌複述。附錄左方。

方今之時。立國之方針。除舉國一致。實行帝國主義。插足支那大陸。以分割一嚮之外。無何等之政策。試觀支那大陸列強之鐵道計畫。彼歐美諸國。在彼冥頑劣弱之人種之地皮上。反客爲主。爲如何之活躍。蓋歐美列強於支那大陸。所以注目於鐵道之敷設。以全力相競爭者。非僅望收鐵道上資本金所生之利益而已。其勢力權之所擴張。由此而無有止境。夫利用此無主之地。以實行其殖民政策。則不可不著手於鐵道線之延長。鐵道線之延長。即不外爲擴張勢力範圍之切實根據。一旦破東洋之平和。而挾其快鎗巨砲。以臨大陸之上。則據此而得爲極敏活之運動。固不待辨而明者也。願即平和之局。猶可以勢力相持。而暫爲保存。彼支那人。種之絕大利權。絕大實業。既全操於白人之手。則亦拱手舉亞洲大陸。而奉白人種以爲長子孫。聚國族之鄉。里。彼蚩蚩支那民族者。將淪爲餓殍。以乞食於路衢。不待百年。而靡有子遺。固可計日以俟者也。夫優勝而劣敗者。天演之公例也。吾人見列國對清經營而袖手以視之者。將尙有獨立自主之期望於支那人乎。彼民族

論著門

者。何。足。道。哉。彼。其。於。實。業。於。政。治。於。軍。事。關。係。絕。大。之。鐵。道。政。策。瞠。目。而。無。睹。者。固。有。感。情。有。楚。痛。的。下。等。動。物。之。不。若。試。列。舉。已。設。未。設。及。籌。畫。計。度。中。之。各。線。路。自。北。方。及。南。方。按。圖。而。索。之。

四



既成線
着手線
確定線
計畫線
河境
國境

一東清鐵道

今俄皇尼哥拉士之東遊也。在明治二十四年。距今十三年前。實始於海參崴。舉行西伯利亞鐵道之起工式。當是時。誰料及東清鐵道之敷設權。又委於俄國之手。舉廣大無限天產豐富之滿洲全土。而置諸彼族之勢力下耶。然而甲午一役。日清戰爭之結果。日本之外交。全被屈辱。方政府與政治家臥薪嘗胆。廻環思度之時。而有名之喀希尼條約。已締結於秘密之間。東清鐵道。遂至據此條約之結果而起工。明治三十年八月十六日。舉行盛大之起工式於波爾打夫司卡亞。雖然當時俄人之計畫。只為橫斷滿洲。謀歲港與西伯利亞幹線之聯絡而已。至其後明治三十一年五月。次之以租借旅順大連灣之事。遂得橫斷滿洲鐵道之支線。與將該線路延長至旅順大連之特權。俄國南下之雄圖。漸得達其一端。如是俄人工事益急。西自撒巴異卡爾。東自烏蘇里南。自旅順大連灣。一時并起。雖中間被拳匪之騷亂。稍稍破壞。亂定之後。日夜催促。至去年春季。今線路工事既竣。自本年一月。搭客載貨。一般運輸之事業。遂已開始。且計畫自大連至墨斯科。每禮拜中。發一回之急行列車。目下正在經營中。在十餘年前。為貫通歐亞大陸之一空想者。今也以東清鐵道與西伯利亞鐵道相聯絡。固已成爲事實。彼支那劣種者。非獨臥榻之側。任人鼾睡而已。實已被摯於雙鷺國旗之車轂間。而絡首穿鼻。牽以入厨。待命於刀砧之側矣。此鐵道南方之發起點。為旅順大連灣。北行九百二十三俄里。至哈爾濱。與橫斷滿洲之鐵道相合。東至歲港。為七百二十六俄里。西達曼濟尼利亞驛。為九百七俄里。自曼濟尼利亞驛。走三百四十俄里。而達於西伯利亞幹線。之加以達羅烏。於此處。遂與西伯利亞本線相連結。總計延長及二千七百九十六俄里。而與東清鐵道之完成。同為不可弭忘者。又有一事。即此東清鐵道公司。以旅順

論 著 門

六

爲起點而開行漁船運輸業是也。其航路之第一線爲旅順口長崎啟港之間，第二線爲上海旅順長崎釜山元山歲港之間，第三線爲旅順口達爾尼芝罘間。此外安樂縣之大東溝亦有臨時廻航之事。其後又將俄荷瓦以特茨克東塞加航路一併開始。此固愈足以知俄國以遼東爲永久之根据地而欲獨占太平洋海權之野心也。而在滿洲礦山採掘權則又以昨年十一月奉天將軍長順所締結之金鑛條約享有優許之特權而依此鐵路與海上運輸業使俄人於滿洲一帶有縱橫獨步之勢。彼如滿洲撤兵之事不過有名無實。彼安肯棄去其歷年經營之政策而戢其大鵬展翼之雄心耶。

二 長 春 吉 林 間 鐵 道

長春吉林二百華里間敷設鐵道之事曾見於吉林將軍之奏議。清國現在諮問黑龍江將軍之意見。果承諾讓與俄人與否尙爲一疑問。聞清政府之意見他日欲將此線路延長。一方至山海關一方與黑龍江之某地點相連絡。然据近日風聞之說則此鐵路之敷設權既爲俄人所攫得爲東清鐵路枝線之一。起工之事亦已決定。蓋爲近真云。

三 關 內 外 鐵 道

當義和團之亂。俄法英軍隊將關內外鐵道悉取而占領據守之。至昨年九月以數回之交涉。漸次將全線還付清國鐵道總局。此世人之所新記憶也。此線路之始設也以採掘開平岸坑目的。英人基爾克氏始自開平敷設至白塘河。至今日則自北京至天津。自天津至山海關。自山海關至錦州及營口。皆被開通敷設。爲世人

所熟知之事。然自表面觀之。此鐵路雖爲清國所有。於其實際。實歸於英人權力之下。

四北京張家口間鐵道

張家口者。爲東蒙古之要路。他日俄國敷設橫斷蒙古鐵道時。爲不可缺之要地。故俄國欲於此間得敷設鐵道之權。非一日也。吾人雖未聞此敷設權歸於俄國之手。然於將來發表事實之日。當不甚遠。無難豫決也。若果歸於俄國之手。則俄人當直使接續蒙古鐵道。俄人欲脅迫北京朝廷。無便利於此路者。何則。一朝有事之時。自聖彼得堡出一號令。則百萬之精兵。不出旬日。可自西伯利亞鐵道之伊爾古茨克分枝線。直橫斷蒙古而達於北京。其於清俄間利害之關係。頗爲重大可知也。據最近之通信云。清政府有將該線路實地踏勘之舉。或者清廷悟此路於國家之存立上有重大之關係。欲乘俄人之未及要請。而先自經營之乎。

五蒙古鐵道

此線路爲自西伯利亞之伊爾古茨克分岐。過恰克圖庫倫。而出張家口之計畫。明治三十四年四月以來。俄國政府從事於實地測量。庫倫恰克圖間九百華里。測量既畢。張家口庫倫間八百五十華里。亦豫定當至本年三月頃竣事。俄國欲在滿洲蒙古之野。擴張勢力。其如何之熱中。可想見也。

六蘆漢鐵道

此線路爲自北京蘆溝橋通湖北省漢口之大鐵道。係比利時公司之所經營。與美人經始之粵漢鐵路。兩線相輔。爲縱斷清國南北部最重要之交通機關。初盛宣懷之爲鐵路總辦也。決議借入外資。以爲敷設費。商議

論著門

八

於美國公司而不成。(光緒二十三年)其後比利時公司見機而作。商訂貸金契約。因種種交涉之結果。得經營之權利。保護之者為法比兩政府。然熟視其底蘊。則俄人之勢力依然潛伏於其背後。畢竟比利時公司者。不過俄國之傀儡而已。

其工事。北京一面。自明治二十九年始着手。漢口一面。自明治三十年後半期始着手。今日在北方。則自北京至正定府已竣成。自正定府至順德府之磁州。至此時當竣工。有在華歷一月開始運輸事棄之說。南方則自漢口至河南省之信陽州百三十二哩之間。線路敷設完竣。去年八月十五日。已開始運轉。而信陽以北迄長臺關。約五十華里。築隄工事既終。軌條敷設亦漸完成。雖至竣訖全線之工事。尚須多數之期日。而工事既畢以後。於清國內地通商若礦業以及交通上軍事上。必有甚大之變動。俄法兩國勢力益得逞於內地。為必然之勢也。

七 正太鐵道

此線路為距今五年前華俄銀行所得之敷設權。據當時華俄銀行與山西省務局之合同約款。則此鐵道開通後三十年間。在本線路左右一百華里間。不許敷設他鐵道。其敷設之計畫。自正定府附近之柳堡林。至滹水左岸平定州迤北之石炭礦。為第一區。自此處至山西省太原府為第二區。延長凡一百三十哩。費額為六百八十萬兩云。此線路為達於陝西省西安府之幹路。則在陝西有礦山採掘權之英國。其利害之相牽涉為最大。據最近之通信。則已決定自華曆二月中旬起工。他日俄國延長中央亞細亞線而通於清國。其最為主

要者。此正太鐵道也。

八津保鐵道

此線路爲自天津至保定府之鐵道計畫。其敷設權。爲英國事業公司之北京公司所獲得。尙未起工。

九山東鐵道

山東鐵道。人皆知爲德意志所經營者。以膠州之青島爲起點。而爲二線之計畫。一線自青島北而西。經濰縣昌樂縣。而達於濟南府。一線自泰山地方之南部而達於濟南府。而其北線迄濰縣既開通。自濰縣至昌樂縣之工事。近頃竣成。已開始運轉。自昌樂縣至濟南府之工事。亦大半工作完善。惟中間在溜河小舟河築橋工事。尙需時日。至本年九月。當見全線之開通。山東省內沂州新泰博山濰縣等有名之煤礦。五金礦頗多。德人將來之所經略可知也。

十山西鐵道

述山西鐵道之事。所首當記臆者。北京公司與清國政府所締結之契約也。據該契約。則北京公司第一回。以千八百九十八年五月二十一日之契約。得有山西省及陝西省之礦山採掘權。第二回。以同年六月二十一日之契約。得有河南省礦山採掘權。中日戰後。清國之讓與列強者雖多。未有如次之大割捨者。據利喜安。亨氏所調查。則右三省之炭田面積總計七萬一千方哩云。又據該公司礦山科擔任者威里唔。葉。越。塞。茲。克。略氏。及土木器械科擔任者查羅士。德。觚。姆。遜。氏。所踏查報告。則其炭量足充二千年間世界之需要額。更於

論 著 門

十

最近該公司格拿士氏所踏查報告謂「自北京公司之炭山所採掘之石炭，從鐵道而輸送於南京對岸揚子江支流之停車場，其費用僅一噸十二志（約六圓）自此處容易運載於向他口岸之汽船。炭質極爲良好。有無煙炭發煙炭之兩種，當賣出之時即以一噸二十志之相當值而賣，猶有八志（約四圓）之利潤。以予所估計若自炭山到海岸之鐵道敷設既成則每年賣出約二百五十萬噸確信爲容易之事。即石炭一噸得純利六志（約三圓）全額二百五十萬噸一年得利子七百五十萬圓極爲易。據予所確信則清國全體之地不見有如陝西及河內石炭產出量之巨大且良好者實獲得此讓與之利益者爲清國第一非常有力之人。故吾人當依熟鍊與注意與經濟以全力發達此公司之業務。則商業上之成效可刻期而待。至此鐵道敷設完全之日則尤爲英國商業工開一大市場也。」云云。

山西鐵道則以開掘此無限之炭坑爲第一之目的而敷設者也。據最近之通信則北京公司既著手於線路之實地踏查以山西省之澤州府爲起點而經河南之衛輝開封歸德等府出安徽之鳳陽府達南京對岸之浦口其計畫已定。尙當敷設太原西安間鐵道而於該鐵道中間之平陽府使聯絡澤州線云。其工程之偉大可想也。

十一 粵漢鐵道

此爲美國所有敷設權。在漢口廣東間與蘆漢鐵路相輔。爲縱斷清國南北絕大交通機關之一。雖當奉匪變亂之際妨其着手之工事。而至去年亞美利肯查以拉德卑羅布梅脫可姆巴尼愈着手於其工事。現以帝國

大學校教授廣井博士之周旋。以邦人某某等工學士十人者。從事於該工事云。據美國新聞所記。該線路起廣東沿姐林舊街道而北進。除姐林隘路。則該通路之大部分。爲可航之河水。而鐵道當通過此水徑之低地。終聯絡於蘆漢鐵道。所示沿路之重要都府。則自廣東經過韶州衡州湘潭長沙岳州武昌等處。其起工始自廣東。竣工期限。豫定爲二年。當與蘆漢鐵路共開始。縱斷南北之交通運輸云。而此華美公司。於獲得此鐵道敷設權外。更獲得湖廣間礦山採掘權。實爲宏大之利益。彼悻悻然自詡爲閉關謝客之湖南人。即今已爲亞美利加一工程師所穿鼻。礦山鐵道無一爲所自有。一二年後。過洞庭衡山間。當必另有一種伺候白人顏色之風景矣。

十二南京上海杭州甯波間鐵道

此鐵道爲英國所獲有之敷設權。駐在上海之英國總領事巴以倫布累蘭氏。曾爲此事業之代表者。盡力以謀敷設之事。南京上海。已經爲工事開始之準備。不日將興工。此線道聯絡揚子江附近繁富之都市。將來之繁榮。可計日而待。英國勢力之增加。固不待言。然英人尙抱將此線路延長沿南方海岸以達於廣東之計畫。爲現今隱密調查之證。或云。英人既放棄此計畫者。吾人所不能遽信也。而上海吳淞間鐵道。爲一千八百七十六年。英國商人所布設者。現今正爲運輸之業。至近頃則架橋於吳淞運河。越過此橋而延長線路於日本郵船會社所有地之附近。其工事亦已着手。

十三南京漢口間鐵道

時局

論著門

十二

跋。屢。長。江。上。下。游。之。英。國。獲。得。此。路。敷。設。權。雖。尚。未。起。工。然。為。將。來。英。國。最。重。要。的。線。路。之。一。蓋。在。支。那。之。外。國。貿。易。以。上。海。為。中。心。雖。輸。出。入。品。之。過。半。悉。利。用。揚。子。江。之。水。運。以。輸。送。之。然。至。南。京。漢。口。鐵。道。竣。工。後。以。是。往。復。於。長。江。沿。岸。與。水。運。相。輔。而。交。通。貿。易。益。為。便。利。此。鐵。道。他。日。當。與。津。鎮。鐵。道。〔英。德。共。同〕。連。絡。於。鎮。江。經。江。蘇。省。而。通。於。北。清。以。與。在。俄。國。勢。力。下。之。蘆。漢。鐵。路。相。對。抗。至。英。國。伸。張。勢。力。之。緬。甸。雲。南。鐵。道。延。長。於。漢。口。時。則。英。國。於。平。時。可。得。於。本。國。鐵。道。之。上。為。北。方。支。那。與。緬。甸。之。運。輸。交。通。一。旦。有。事。則。聲。勢。聯。絡。緩。急。足。以。相。應。故。此。鐵。路。之。成。與。不。成。關。係。於。英。國。殖。民。政。策。之。勝。敗。甚。重。要。可。知。也。

十四 津鎮鐵道

此鐵道為自天津沿大運河出揚子江而達鎮江之線路。其敷設權雖曾為支那人所得。而為其後援者。實為英國之資本家。然因此線路之利害。其影響所及。頗關係於德國之山東鐵道。德意志政府抗議相阻。於是企業者欲離山東省之境界。而敷設線路於西方。然因接近法比兩國所經營之蘆漢鐵道。法國公使為強硬之反對。不得起工。企業者遂有為英德共同經營之協約云。要之此鐵道次於蘆漢鐵道為縱斷清國之重要線路。固盡人所公認也。

十五 重慶漢口間鐵道

此鐵道為自漢口至四川省重慶之計畫。其敷設權雖未聞落於何人之手。然以今所揣測。殆必為英國所獲得。去年盛宣懷以此鐵道敷設之事奏請於朝。外務總辦慶親王以英政府之反對為口實。而却下之。然英國以

外。競爭者爲法俄二國。二國之資本家。現有就該線路爲種種之調查者。或云昨年盛宣懷之奏請。亦依賴法俄二國之出資者云。何則。四川省者爲富裕之地域。饒於礦物。兼產出絹蠟煙草等佳良之物品。此外產出穀物亦夥。所產之茶質雖不佳。其量頗多。棉花亦爲一良產物。近來諸工業亦頗發達。人口凡四千萬。其首府成都爲有人口近百萬之般富之都會。於政治上又占重要之地位。然則爲列強之夙所注目。而欲占有其富源之開發權者。非復一國自然不免列強之競爭。而從來於此省內得有採鑛權者。爲清法組合之福安公司云。

十六雲南鐵道（英法之角逐）

茲所稱雲南鐵道係指諸國所經營者。自法領之海防。經河內老開。而達於支那之雲南府。爲一線。自河內而通過諒山。至龍州南寧百色等之支那領地。爲一線。自廣東省之北海。至廣西省之南寧。爲一線。皆包括於其中。抑英法兩國欲將支那南部大市場之生產。掌握於本國勢域之內者。歷年角逐之活勢。宛如兩虎之爭肉。而揚子江流域爲中部支那之商業的大通路者。西江流域又爲南部支那富源之大脈管。二者殆不相上下。是以英國欲利用此流域。而將南部支那之富源。吸注於香港者。法國亦企望將西江流域置於其圈限之內。已非一日。一千八百九十八年四月。清法條約。法國所租賃之沿雷州半島東海岸的廣州灣。雖爲法人所欣慰。而此港每年之中。半見蔽於濃霧。加之有四十啓羅橫亘之砂礁。通航危險。將來爲貿易港。其不完全之點頗多。且不僅如此而已。距貿易航路懸遠。而形勢迂迴。故法國希望在西江江口得一地點之慾。甚爲熾。一時買收澳門之議。起於葡法之間。然雖有如何之貪欲。而去西江江口不遠之地。爲英人所根據之香港。又九

龍附近一帶之地。爲英國租賃之區域。盡力扶植己國之勢力。擴張己國之權利之範圍。而排除他國。故法人之侵入西江。遂不能達其目的。至不能不以保留西江上游地域爲相抵制之勢。於是法國專爲用其東京殖民地以實行自陸路侵略支那南部之計畫。遂爲此雲南鐵路之創始。夫西江者。吞吐無限之物產。天賦之形勝也。法國爲對抗英人之故。而以鐵路劃英法二國之疆域。誠出於勢之所不得已也。使法國而緩一日。則必貽百年之憂。以此可見法國之如何傾注精力於此鐵路也。

此鐵路起於東京灣之海防。至首府河內（此間九十七哩）爲第一區。自河內至老開（此間四十哩）爲第二區。自老開至雲南府（此間二百八十五哩）爲第三區。第一區第二區爲法政府之所敷設。既已竣工。列車運轉亦已開行。第三區爲私立公司之所敷設。現尙在工作中云。以上之線路爲自雲南府達海岸最近之線路。屬於法國經營南清最重要之事業。又河內諒山龍州南寧府間鐵路。爲甫伊烏里爾公司之計畫線。河內龍州間之一部已竣工。現更謀將此線路自南寧府延長至梧州府與鬱江之水運相輔以吸收西江沿岸之貨物。云。而北海南寧間線路。爲因列國鐵道事業之競爭。而歸於最後之法國者。非法國真實有敷設之意。然此線路爲河內南寧間線路之勁敵。一旦敷設權落於他人之手。取爲河內南寧線之競爭線。則法人經營南清之事業。有割奪利益過半之恐。故此線爲法國欲避此勁敵而攫取其敷設權者。此外據法政府之所豫定。則有延長此雲南線。使達於四川省之叙州成都等之計畫。然如此則侵入英國之勢力圈。必致生兩國間之葛藤。又此地方去海面頗高。不無鐵道工事不可施設之處所。故法國今尙付之暗默也。

最後則有自雲南線之老開而聯絡於雲南省之一市及思茅。導普洱茶之大市場於東京灣之計畫。聞尙未獲得其敷設權。要之法。國侵略南清之成否。在俄法之外交。上有至大之關係。俄國張勢力於北清之日。則亦法人飛躍於南清領土之時也。英人之汲汲然期不爲二國所乘也亦宜。

十七清緬鐵道

當法國經營雲南鐵道而不暇他顧。時英國之經營清緬鐵道。有足使法人吃驚者。從來清緬間陸上之交通。峯巒重疊。鐵道工事。殆爲不可措手之處。然銳意侵略冒險直進之英政府。於一八九八年二月之條約。獲得延長緬甸鐵道至雲南順寧府之特權。爾來工事著著進步。某法國人嘗有絕叫。謂英國之清緬鐵道。將法國經營南清所得之利權。全數奪去云。蓋清緬鐵道。實與不利益於法國。而獨與利益於英國者。現今雲南省。實爲英法角逐之地域。兩國間之事端。當以是益益劇激。据許多旅行家探險家之說。則雲南貴州之礦物極多。其產出之額亦爲巨大。冠於支那全國。其交爭固當日甚。可以懸揣而知之也。顧英國經營清緬鐵道之志。非以雲南爲最終點而遂滿足也。更欲延長之。使聯絡北清鐵道。而長驅以入北京。即自雲南出四川省之叙州。重慶更進至漢口。連絡南京漢口間鐵道。使與津鐵道相通。歸著於北清鐵道。而於他方更自叙州出成都西。安以握四川陝西之管鑰。如此則清英間陸上之交通。殆無遺憾。由此而行之。則英國之在支那大陸。其通商。上政治上軍事上所有之地位。非獨將法國南清經營之利權。全數奪去而已。直將支那全國生活之命源。舉而置諸其囊橐中。病夫病夫。此後豈復更有生理。吾人固不得不贊頌英人規模之宏大。而爲四萬萬人種懾。

魄。而。亡。魂。也。

清緬鐵道之現況如何。起於緬甸首府之曼達列而至潞江近傍崑崙之線路。既已竣工。自崑崙至雲南省之順寧府。爲最難之工事。雖未見十分完成。而較最初所計畫之八莫線。工事頗爲容易。其竣成亦當不遠。據最近之通信。則英國於去年十二月。既獲得延長清緬鐵道過雲南大理更經過叙州成都重慶而至湖北漢口之鐵道敷設權。果若所言。則英國之計畫線。固已如願相償也。

十八京江及福建鐵道

京江鐵道。爲自北京至江西省之九江之線路。係由美國資本家之手所定之計畫。曾於日美雜誌。傳此間之消息云。京江間鐵道設置之計畫。大有成就之望。其線路自北京經直隸省之大名府。至山東曹州。終達於九江之對岸。此鐵道之結局。挾於法比經營之蘆漢鐵道。英獨經營之津鎮鐵道之中央。將來與是等鐵道。自然生絕大之競爭。故此等四國。必將極力阻止美國線之敷設。雖然。美國有志者。已通款於宮禁之內。藉榮祿李蓮英之援助。約捐助頤和園修築費百二十萬兩。以交換該線路之敷設權云。据此段消息。可以知其大體。而此鐵路。當自九江而延長至於福州廈門等處。侵入日本之勢力圈內。爲我日本人所不可放任之事。吾人於此。不得不思及我邦所企望之福建鐵道。聞福建鐵道。在拳匪之亂前。曾經一度實地查察。又爲攫取敷設權。曾爲一度之要素。及亂後。遂置而不問。今尙寂然無所歸。宿前日西電所報。謂福建鐵道。將落於日本之手。爲內田公使所奔走營畫。此回公使歸國之事。實關係此路問題。頃內田公使。既一度還朝。而來月下旬。首途歸任。

吾人不知公使歸朝之故。果若人言。關於福建鐵道之計畫與否。然不得不希望其信然。且希望有十分滿足之結果。若一度此線路敷設權失去。則我國在清國。詎得有半哩之鐵道耶。

其他之鐵道計畫

俄國之經營正太鐵道。既如前所述。然此鐵道。非僅限於前所云線路之區畫而已。更當導之出蒙古之野。○（欲延長至陝西省西安府。然以與英國互異其利害。故避此葛藤而出塞外）○過天山北路。出庫爾濟亞至塔什干。而聯絡中央亞細亞之大鐵道。恰與英人之清緬鐵道欲聯絡北清線路者相同。為俄政府多年之所企望。○又○務○所○經○畫○云○如○此○則○俄○人○在○西○伯○利○亞○鐵○道○之○外○更○有○貫○申○歐○亞○之○一○大○線○路○其○高○掌○遠○躡○欲○將○歐○亞○擘○為○二○大○分○而○自○占○其○一○可○知○也○此○外○俄○人○西○伯○利○亞○之○計○畫○以○託○木○司○克○市○為○起○點○而○經○由○八○爾○納○仙○米○帕○拉○停○司○克○威○爾○尼○諸○市○以○達○於○塔○什○干○市○聯○絡○中○央○亞○細○亞○之○大○幹○線○俄○國○鐵○道○王○馬○門○脫○夫○氏○專○尸○其○任○又○西○伯○利○亞○鐵○道○之○本○線○當○初○所○計○畫○之○黑○龍○江○沿○岸○線○路○現○亦○必○欲○敷○設○之○已○決○定○支○出○費○用○一○千○六○百○五○十○萬○磅○云○其○志○望○之○壯○大○為○何○如○耶○

總括

以上吾人既列舉支那大陸既成未成及屬於計畫中各鐵道之大要。又將英俄二國之齟齬毒吻。在吾人所列舉以外。尚有許多之計畫。亦已呈其大畧如右。讀者試開亞細亞地圖。即見各鐵道線路印書其上。然則廣衍饒沃四百餘州之山河。自今若十年若二十年之後。自東自西自南自北。當見瀛車之縱橫馳驟。頗極頻繁。

者而最不可忘者爲直通歐亞之三大線即一爲既成之西伯利亞鐵道一爲蘆漢鐵道之分歧線自正太鐵道西走而聯絡中央亞細亞大鐵道者一爲清緬鐵道自雲南出緬甸之曼達列至蘭貢連絡於將設置之蘭貢卡爾卡此克線路而西方貫通阿富汗波斯等而達於土耳其之君士但丁者而此等三線內二線爲俄國所有其一線路屬於英國屬地之下又可以知將來列強在東亞之勢力有強弱消長互異之傾向而此四百餘州之舊主人翁者則已如行沙漠中而認荒殘之人馬骨僅留一二歷史上之痕跡供人唾罵供人嘲弄爲無獨立性無團結力無國家思想之般鑿而已嗚呼此歐亞交通上之大變化於將來世界貿易上政治上軍事上及社會百般之事物上當有如何之變遷爲今日所當切實研究之絕大問題吾人際此大變化之時機在對岸大陸無一哩半哩之鐵道尙能與歐美列強分噉此一塊肉而染指於其鼎耶吾人不決破此急裝緊縛之敝羶則所謂清韓經營者畢竟歸於空論是我日本於事實上不免放棄推亡固存之天職坐觀弱肉強食之舞臺而不能捷足以求便利也噫

譯者曰前古陸路交通時代則所重在於通衢達道中古河流內海交通時代則所守在於河流海峽近世大洋交通時代則範圍一變而海權之說起焉（海權者與領海權者異領海權者內海及大陸近傍海面國際法所公認之領有權海權者甲國大洋交通之勢力最盛爲乙國所不及則甲國往來乙國之大洋航線如經乙國默許爲甲國所獨有者然）自今以後則自大洋交通時代而入於全球大陸交通時代於是立國於陸地者全恃鐵路爲生活之命脉各國之所爭競皆在於此英人之滅杜蘭斯哇爾也以欲造縱貫


非陸之鐵路。德人之欲據南美爲殖民地也。則攬巴西之鐵路。欲據小亞細亞爲殖民地也。則攬小亞細亞之鐵路。而支那大陸以饒沃聞於全球。欲分割而盤踞之。莫如奪取其重要之鐵路。則不必顯居分割之名。而陰享分割之實。近年以來。各國勢力範圍之劃定。實藉攘奪鐵路礦產爲切實施行之證據。事實昭然。明白共曉。然而我國民腦蒂中。猶不震不動。不慙不竦。若無足措意者何也。今遍數國中之鐵路。不曰俄羅斯所經營之某線路。則曰英吉利所經營之某線路。不曰法蘭西比利時所經營之某線路。則曰德意志美利堅所經營之某線路。儼然名從主人之例。地球各國公認之本民族亦袖手旁觀。而莫之恠者。試問英吉利國中有某線路爲某別國所有者乎。問法蘭西國中有某線路爲某別國所有者乎。問俄羅斯德意志國中有某線路爲某別國所有者乎。曰某線路爲某別之所有。云者。即此線路之地域爲某國屬地之代名詞也。曰某國屬地之代名詞者。爲全國土爲無主之物也。舉支那全國爲無主之物者。即歷史上大書特書曰支那帝國滅亡之一紀念的事實也。吾民族今日決不得爲有國之民。過此以往。此支那地域決不得有一支那民族之遺種。未有國亡而種族不銷蝕者也。夫礦產鐵路。明知爲大利所在。不能以民族全力從事於此。是錮祖國之利源。以待他人之劫取也。或者樂藉他民族之資本。以圖餘利於槽檻鞭策之下。是賣祖國而自爲餓虎之俵者也。雖然。吾民族欲自發達其實業。非亟亟趨向於地方自治之規模。不可。地方自治制與實業有密接之關繫。凡一地方之實業。其合同組織之力。惟其本地方居民之所構成。而在今日。則以實業之組織。寓地方自治制之組織。即藉地方自治制之組織。以益興發實業之組織。今世歐美諸國所稱國民

論 著 明

教 育 者 尋 其 結 果 所 增 進 之 活 動 力 無 一 不 影 響 於 實 業 所 成 長 之 組 織 力 無 一 不 歸 宿 於 地 方 自 治 制 是 在 吾 民 族 之 自 爲 之 也。

二 十

(未 完)





時局

中國興亡一問題論

觀雲

第三章 地理 (續廿九號)

日本東京經濟雜誌其題有曰。於支那鐵道之競爭。與讀賣新聞所載。互有詳略。要之我國人視之。皆足寒心。膽而驚夢寐者。茲譯述之於後。

河○海○與○道○路○者○運○輸○交○通○之○要○具○也○支○那○者○僅○東○方○之○一○面○為○海○洋○不○能○供○全○國○交○通○之○用○其○河○川○皆○東○西○流○而○南○北○流○者○少○故○河○川○者○又○僅○能○供○東○西○交○通○之○需○而○不○能○為○南○北○交○通○之○用○也○至○於○道○路○則○荒○廢○已○甚○車○馬○難○通○故○欲○中○國○運○輸○交○通○之○便○利○者○不○可○不○俟○人○工○而○依○人○工○以○為○運○輸○交○通○之○機○關○世○界○現○時○所○恃○以○進○步○者○尤○無○過○於○鐵○路○支○那○於○鐵○道○勃○興○之○時○即○支○那○所○以○完○備○其○運○輸○交○通○之○缺○乏○也○支○那○之○國○勢○必○因○此○開○發○而○為○之○一○變○乎○

茲據最近之調查述支那之鐵道大略如左

時局

論 著 門

京津鐵道(北京天津間)

八〇哩

津榆鐵道(天津山海關間 即關內鐵道)

二一四

津沽鐵道(天津大沽間)

四

牛莊鐵道(山海關牛莊間 即關外鐵道)

一六〇

東清鐵道(哈爾濱大連灣間 即滿洲鐵道)

二、四一四
俄里

淞滬鐵道(吳淞上海間)

一三

以上既成鐵道

蘆漢鐵道(北京蘆溝橋漢口間)

八〇〇

粵漢鐵道又稱漢廣鐵道(漢口廣東間)

七五〇

西山鐵道(北京宮城頤和園間)

一〇

山東鐵道(青島濟南府間)

四五〇

津鎮鐵道(天津鎮江間)

二、二〇〇

津保鐵道(天津保定間)

北京九江鐵道(北京九江間)

正太鐵道(正定太原間)

二

重慶漢口鐵道(重慶漢口間)

澤浦鐵道又稱晉寧鐵道(從山西省澤州府至南京對岸之浦口)

南京上海鐵道(上海南京間)

閩漢鐵道又稱福建鐵道(廈門漢口間)

雲南鐵道(從法領印度支那老開至雲南府)

緬甸鐵道(緬甸雲南間)

成都漢口鐵道(成都漢口間)

以上工事中或計畫中之鐵道

亞細亞橫斷鐵道(從埃及亞山大山港至上海)

中央亞細亞鐵道(俄國之中央亞細亞鐵道延長經青海地方出甘肅蘭州及北京達於漢口)

蒙古鐵道(從賣買城經張家口達於北京)

遼東鐵道(牛莊義州間)

以上希望敷設之鐵道

此等鐵道。使為支那官民所經營。則列國於支那之勢力。無甚關係。然其大多數。皆外國人所經營。茲述如左。

俄國經營之支那鐵道

一東清鐵道(滿洲鐵道)

二蘆漢鐵道(北京漢口鐵道)

時局

三

論 著 門

四

三 正 太 鐵 道 (柳 太 鐵 道)

四 (蒙 古 鐵 道)

五 中 央 亞 細 亞 鐵 道

英 國 經 營 之 支 那 鐵 道

一 關 內 外 鐵 道 (北 京 牛 莊 鐵 道)

二 淞 滬 鐵 道 (上 海 吳 淞 鐵 道)

三 上 海 南 京 鐵 道

四 寧 波 鐵 道 (上 海 寧 波 鐵 道)

五 澤 浦 鐵 道 (晉 甯 鐵 道)

六 河 南 鐵 道

七 津 鎮 鐵 道 (天 津 鎮 江 鐵 道)

八 成 都 漢 口 鐵 道

九 滇 緬 鐵 道 (雲 南 緬 甸 鐵 道)

十 亞 細 亞 橫 斷 鐵 道

十 一 潯 安 襄 陽 鐵 道

十 二 修 武 於 鑛 鐵 道

法 國 經 營 之 支 那 鐵 道

一 北 海 南 寧 鐵 道

二 雲 南 龍 州 鐵 道

三 雲 南 鐵 道

德 國 經 營 之 支 那 鐵 道

一 山 東 鐵 道 (青 島 濟 南 府 間)

美 國 經 營 之 支 那 鐵 道

一 粵 漢 鐵 道 (廣 東 漢 口 鐵 道)

二 北 京 九 江 鐵 道

日本經營之支那鐵道

一 福建鐵道(閩漢鐵道)

二 宣城炭礦鐵道

支那自營之鐵道

一 津保鐵道(天津保定鐵道)

二 萍澄鐵道

三 西山鐵道

四 西陵鐵道

如斯所述之鐵道。皆依諸外國人之經營者爲多。其竣工之期。是之開發支那。然同時列國於支那之勢力。必起變動。其結局則爲爭奪支那之原因也。可不注目以視之乎。

第十一節 航路內地雜居 森茫洋海之間。除國岸砲彈線爲一國之所領有權外。而當陸地影盡。惟天與水一碧無際。此風濤之區域。鱗貝之世界。孰主宰。是孰綱維。是於是乎。有海權之問題。而航路者爲其交通之血管也。英之強也。自英倫三島。越地中海、紅海、印度洋、南洋、東太平洋。舉其大者。若直布羅陀峽、毛爾塌島、亞丁、新加坡、香港、舟山。隨在有其停泊之島嶼。而有添給煤炭糧食之區。故焉。俄之欲由黑海出地中海也。謀畫數十年。爭戰數次。尙不能盡遂其欲。乃築西伯里亞鐵路。經營海參崴旅順大連灣。以出東海。乃若虎之出於柙。鵬之攫於霄。而莫可制也。其爭海權。蓋若是其亟也。

我中國民族之蹤迹。遍東南洋。而無航路以聯絡之。凡出洋者。皆附乘他國之船。他國者以中國之爲弱國。而其人可欺也。羣侮辱之。凌轢之。甚者若吾中國人不得坐頭等艙。而食無與之同席者。近雖有人謀自香港至墨西哥之航路。然無國力以保護之。其不爲他國人之所推倒與否。蓋未可知也。夫海外之航路已矣。沿中國海岸線之航路。及內河之航路。非中國所當自保其權者乎。夫中國兩大河。曰黃河。曰長江。而由人工造成。與長城並著。可稱爲中國之兩大工程者。則運河是也。黃河下駛竹箭。奮騰剽悍。而兩岸多平土。有灌溉之功。而失舟楫之利。昔日之文化。易於發生。而今日之文化。難於輸入者。由此之故。若夫長江。則中國之功德水也。自出三峽以後。逶迤數千里。襟楚帶皖。通蜀扼吳。中幹之陽。南幹之陰。其所出之水。皆匯焉以歸於海。而波平浪靜。一舸下水。兩岸看山。佳麗都邑。數十里。數百里。間星羅棋置。而土地所產。人工所成。去帆迴檣之間。百貨輸通。而上下江交收其利焉。自通商以後。爲南中國內地輸進之孔道。而長江遂爲世重。雖然。中國之河與江。皆順地勢。走東西線。獨運河以人工之力。午貫爲南北線。昔者海道未通以前。南北交通。省車馬之勞。而就舟楫之逸者。實惟此河之

故。然自德州以降。乾涸不時。必至清江浦而流始大。則山東之道。迤邐以達江蘇者。稍阻滯矣。而兩粵之間。長流貫注。揚百粵之文明。而與南海相吞吐。以榮衛嶺表之都居者。則西江是也。是皆中國之至大河流也。其餘導源於一方。流域所經。或數百里。或數千里。或自歸海。或匯於大川以入海。爲吾中國發生財富之源。而傳布文化之導線者。不悉具陳。而試數蒸氣船之航路。自上海出帆。沿中國界海線。而至於北方之東三省。直隸山東。及南方之甌閩粵者。又出海入江。泝流以上。而至於漢口。又自漢口以至於宜昌者。僅招商局之船數艘。而外國公司若怡和太古美最時等。其船數且過之。又小蒸氣船之航路。若滬杭間。滬蘇間。滬湖間。及清江浦之鎮江間。九江之江西間。漢口之湖南間。西江至梧州間等路。雖多自中國人爲之。而外國公司亦參雜其間。而昔年吾國人擬辦天津至德州之航路不成。又去年童學錡擬辦上海至杭至甬之外海航路。而自杭之錢塘江。泝流以達富陽浦陽江之航路。已集本金。不見許於商務大臣而止。而日本則既營大東公司於上海。以達蘇湖杭州間。而又擬開湖南之三航路。其湖南路開辦之始。由國家津貼之。夫外人之開航路於中國也。非獨與我分運送之利已。

也。航路所至之處。其國家之權力及民族遷徙之迹。內產之所運出。外貨之所輸入。皆於是有。力焉。况乎。允內地雜居之約。外人得隨地以自開。厥製物。而內地之收取。釐金。力不及於外人。而但抑勒本國之商。是則外人之於內地。日益利便。而本國人之於內地。勢日微弱。吾恐不數年間。碧眼皙顏。隆準紫髯。與夫。樽桑三島。間之人種者。皆將入吾之堂。履吾之闥。我之智不能與之爭。力不能與之敵。財不能與之抗。勢不能與之角。其爲政府者。開門揖之。求自保其富貴而已。而一國之利害。非其所計焉。其爲人民也。者。蚩蚩然不奴隸。而爲奸利。即野蠻而思暴動。夫揖而進之。帖耳搖尾。而乞憐者。犬狸之行也。奴隸而求生活者。牛馬之質也。不量度而恣殺戮。以爲快者。虎豹之性也。是三者。皆不能競存。立於今日世界人類間。而足以亡國亡種者也。然吾恐吾國人之對外人。蓋不出於此三事也。

第十二節 道路少樹木多墳墓 道路者公共之產也。國家藉是爲灌輸之脈絡。社會藉是爲交通之機關。貨物藉是爲出入之利便。人民藉是爲適宜之衛生。是故王道蕩蕩。王道平平者。太平之現象也。道路不治者。亡國之預兆也。彼歐洲人之得新

地也。未營宮室。先營道路。其縱線橫線之所至。寬逾數丈。其直如矢行者。投足有便利之心。爽塏之觀焉。以道路爲主。室屋爲賓。未聞有以私產而敢犯公產者。異哉。我民族之性質。知有身家而不知有國家。知有個人而不知有社會。遂至知有私產而不知有公產。當其建一國。立一市也。湊集其個人。務各飽其私體。營宮築室。以爲此我一家之所有者。而不得已也。留其餘以爲道路。但求能容足而足。以至吾宅而已。是故甲也者。務占土地以益其家。宅以是爲己利也。乙焉亦然。丙焉亦然。而人人無公用道路之觀念。遂無公治道路之議論。因無公守道路之法律。凡夫名都大邑。殷市巨鎮。非無豪富之家。搢紳之族。輪奐鞞革。壯異其居。而至道路間。所出入無不傾斜險側。狹隘惡陋。污濁窪濕。凹凸黑闇。糞屑泥汁。醞釀粘和。晴則空涌十丈。飛糞揚塵。滲口入鼻。雨則滑澆沾漚。泥淖三尺。粘衣着履。三歲不滌。而尤甚者。乃挖溝渠於衢路之中。以爲傾撥污穢之所。而人於是矢焉。畜於是糞焉。過者刺鼻。蹙額。腦氣爲之不清。而心欲作三日嘔。而環其旁者。萬戶千家。若入鮑魚之肆。久而不聞其臭。而氣質且與之俱化者。此豈有高尙其性格。活潑其身體者之人物出於其間耶。吾聞歐人之游土耳其者。曰其都城之

論著門

十

不潔。不下於支那。嗚呼。我支那人種。何爲以不潔之名。轟轟於全地球。而至援我人種以爲比例。且若居於彼回族人種之下者。我同胞聞者。烏可不求一雪此言也。且也。今日之文明國。其居處所在。必薛種植物。丹楹素壁。與翠幹蒼柯相輝映。而道路間。列樹整齊。綠蔭羃歷。日光澹宕於其間。雲影迷曇於其際。以一方居住之人物。吸養呼炭。而一方之植物。常吸炭吐養。相抵換而足於用。則一方之空氣。常新鮮而不至有惡濁之患。故一望其國焉。葱葱鬱鬱。然若可稱爲世界之公園者。則必興盛之國。而所謂文明之制度者。亦於此標其現象焉。我中國人者。生計之國民。非政治之國民。故以道路爲無益於已事也者。而不治焉。以樹木爲無益於已事也者。而不植焉。當人烟稠密之處。連閭接巷。齷齪湫隘。求其能留三弓之地。墾一尺之土。滋一花一葉。以含潤空氣。而爽亮心目者。不可得焉。而道路之間。行人雜沓。流汗揮熱。駢趾摩肩。求其能蔭闕于林樾。而休憩於繁蔭者。蓋亦不可得焉。夫入山林。則人人有軒爽之心。而居城市。則人人有昏濁之概。必使城市之間。備有山林之樂。而後人治。乃一進步。不然而惟是爵伊。以長子孫局促。以謀衣食。而氣象失其清明。精神失其敏活。志慮失其飛揚。思想失其高。

潔。則。所。謂。人。類。之。貴。果。何。有。焉。且。夫。樹。木。之。益。非。獨。用。於。居。處。之。間。已。焉。以。潤。空。氣。而。生。雲。雨。以。吸。水。土。而。固。堤。岸。以。榮。山。嶺。而。供。材。用。不。然。而。吾。種。植。之。地。行。將。變。易。爲。沙。漠。而。憂。嘆。堤。坊。所。在。或。衝。激。以。波。濤。而。易。潰。而。又。材。料。告。乏。無。以。供。大。工。程。之。用。昔。者。吾。漢。中。蓋。多。材。木。故。秦。時。用。之。而。築。爲。阿。房。宮。至。前。明。時。惟。用。蜀。中。之。材。木。迄。近。日。惟。東。三。省。多。大。樹。林。而。北。方。之。山。童。童。赤。赭。南。方。山。谷。間。亦。無。巨。材。至。大。建。築。乃。用。運。自。美。洲。之。洋。木。而。工。虞。官。廢。無。種。樹。之。令。伐。木。之。禁。其。必。峰。巒。之。間。日。濯。濯。焉。無。疑。也。西。人。謂。吾。中。國。豈。有。樹。木。者。乎。其。言。近。謔。然。而。未。嘗。不。中。吾。國。人。之。病。也。且。吾。中。國。之。元。令。人。憎。者。原。阜。陵。麓。之。間。纍。纍。然。如。瘡。痂。如。麻。癩。者。皆。堆。積。人。肉。餛。飩。頭。之。墳。墓。也。試。游。人。國。其。鐵。道。線。經。於。曠。野。之。間。眼。簾。所。接。惟。峯。巒。林。木。之。相。掩。映。而。已。我。中。國。之。道。路。間。可。植。之。山。可。耕。之。地。若。以。供。死。者。之。用。而。爲。萬。鬼。之。城。市。焉。墟。落。焉。夫。土。地。有。盡。而。生。人。無。窮。以。七。尺。之。軀。而。必。佔。尋。丈。之。土。將。化。全。國。爲。墟。墓。而。尙。不。足。於。用。彼。西。人。之。於。葬。也。擇。一。地。層。累。而。上。以。與。地。平。而。樹。石。焉。日。本。多。火。葬。其。土。葬。者。棺。直。桶。式。而。或。在。於。寺。院。之。內。或。擇。一。處。而。叢。葬。之。是。故。佔。地。無。多。而。全。國。之。內。皆。乾。淨。土。焉。我。中。

國教化蓋重傳體重傳體故重墳墓而風水之說遂萌芽於人心風俗之間而日益繁昌蓋植於相宜之社會間故也夫吾古者本有族葬之法今當師之而不封不土與地線平樹一石碣以誌記念足矣豈有生無益於人而死乃奪生人有用之地而徒留若堂若坊若馬巖封者以爲土地上之障礙物耶且使其人而賢而有功於人羣也者遺蛻所委之處過其下者或憑弔焉或崇拜焉以爲此古某名人之墓也若汶汶無聞徒營高官積臭錢爲子孫作馬牛而子孫乃從而崇奉之雖崔巍祁連高冢若雲而宰木摧薪石馬磨刀數傳而後卒歸平夷耳夫人者血肉之軀而神明寓焉血肉所聚不能不散故號之曰死死者神明之脫離軀殼則殘齧賸骸亦正與土石等耳故謂神明爲可貴而尊之者是也以神明所不寄之體魄而寶視之其見與印度河畔之積石者無以異印度人於人死積石河畔以厭勝之崩則謂有鬼子來取乃再積之崩則又再積之而以爲常此我國所當革除之俗以掃除此地理上之污點者也

(未完)



中國興亡一問題論

(續第三十號)

觀雲

第四章 民習

第十三節總論民習。凡萬物之能存立於世者。非恃其有強武之力。能抗禦他物。嶄立於競爭之世界中。而有特殊之氣概。以自存焉。則必恃其有狡黠之才。依阿澆忍。附屬於他物之下。而不為其所絕滅。以自全焉。此二義者。自人類以至庶物。莫不皆然。是故有貓而鼠之一種類。未嘗不繁殖於倉社間。有鷹而雀之一種類。未嘗不繁殖於林薄間。有鯨而鰭海魚之弱者故曰鰭一名鯨日本以充常食之一種類。未嘗不繁殖於海澨間。若夫人則官骸不具而肢體弱小者。往往多巧猾之夫。蓋彼自視其強力不足。勝人乃不得不別出於一途。為強力之所不能勝。而後有以取便利於其間焉。故夫優勝劣敗云者。非獨強者能制勝。夫他物而後謂之優焉。彼弱者之可以生。亦自有其所謂優者在。雖然。同一人類。

時局

一

中而彼之民族以強武勝處於能制勝夫人之地位此之民族以柔曲勝處於依屬他人而不爲他人所鏟滅之地位換而言之即所謂彼爲貓而我爲鼠彼爲鷹而我爲雀彼爲鯨而我爲鱗且即以利害之間互相牽掣而有彼此足以竝存之理亦如夫鷄犬牛馬之爲人用而人因而豢養之奴隸之爲主人役而主人乃分利以贍之者無以異也夫所貴乎人者謂其有自力者也能獨立者也若偷安而存隸屬而生則不得復謂之人類可也嗚呼我種族之具劣根性而習與性成積漸而至如今日者其故固由於受異種人之管轄而來者也夫民族之義本於共同之血統而又有共同之土地經數千年來沿其利害相同榮辱相同休戚相同之事而其間又有共同習慣之語言文字與夫教化制度風俗以聯絡之故一種族之與一種族亦猶個人之與個人而失其天賦之權以隸屬於他人之下則謂之奴隸之人牛馬之人可也一種族而隸屬於他種族之下亦謂之奴隸種族牛馬種族可也夫一種族之間其可改良進步而不必拘保守之名者惟在文字語言與夫教化制度風俗之間可擇其優於己者而用之而不能不保守者則一種族所固有之權利若天之分定以予我者也夫世間惡孽惟在

弱。肉。強。食。之。間。然。而。此。惡。孽。之。本。原。固。不。當。專。責。強。者。何。則。心。思。才。力。人。人。之。所。同。具。者。也。必。人。人。自。完。其。本。能。而。後。彼。此。交。際。之。間。各。完。界。限。禮。讓。生。而。和。平。之。道。出。焉。若。我。自。謝。其。能。而。使。強。者。生。其。驕。傲。凌。轢。之。心。則。是。此。悲。慘。之。惡。劇。由。我。自。缺。陷。其。本。分。之。所。由。致。也。夫。天。地。間。人。類。物。類。之。相。容。蓋。不。外。二。例。一。不。同。等。之。位。置。甲。爲。能。使。者。則。乙。爲。被。使。者。甲。爲。能。殺。者。則。乙。爲。被。殺。者。一。同。等。之。位。置。互。有。能。則。互。相。用。互。相。用。則。互。相。愛。焉。前。者。強。權。世。界。之。例。後。者。平。等。世。界。之。例。也。強。權。世。界。蓋。不。獨。強。者。之。演。惡。習。焉。弱。者。之。演。惡。習。蓋。尤。甚。焉。則。以。其。對。強。者。有。諂。諛。心。焉。有。卑。鄙。心。焉。有。依。賴。心。焉。有。曲。從。心。焉。且。一。物。也。彼。強。者。奪。於。弱。者。之。手。而。弱。者。不。得。有。其。權。久。之。而。弱。者。之。於。此。物。也。必。淡。漠。視。之。雖。極。之。顛。頓。傾。覆。而。弱。者。毫。不。置。念。慮。於。其。中。此。固。人。情。視。夫。非。已。有。物。之。常。態。焉。且。即。有。重。視。此。物。欲。不。分。彼。此。之。界。限。而。欲。代。爲。之。圖。治。者。而。其。權。已。非。我。有。強。聒。焉。且。將。不。信。於。其。主。人。而。將。操。鞭。撲。以。從。之。焉。一。國。之。內。情。如。此。吾。未。見。其。國。之。猶。可。爲。也。然。則。中。國。之。今。情。可。略。溯。其。原。矣。方。其。始。之。與。外。種。人。相。遇。也。未。嘗。不。欲。竭。其。力。以。抗。之。也。抗。之。不。能。勝。而。遂。爲。其。所。壓。服。焉。當。其。河。山。已。非。宗。社。方。

墟之日。一二乘英雄豪傑之性者。未嘗不并志。豈氣焦慮。困心欲出。萬死不顧。一生之計。終之於他人之手。而光復我祖宗之舊物。而被捕縛。遭殺戮。徒黨屠醢。而家族覆滅。者。踵相接。此皆一一摧傷民族之志氣者也。夫既已帖服低首。下心而事之矣。而學士大夫。偶或文字涉及先朝。亦可羅織字句之間。牽連成獄。其摧鋤夷傷之所及。要使聞者。驚心談者。箝口而後。強者之位。始固。然而鳳凰之雛。鯨鵬之卵。固已不留遺育於民族間矣。方是時。其能俯仰新朝。而災禍不及其身者。必其怵於勢。懼於力。改志易慮。蟻屈無聲氣。以求苟全其性命者也。不然。必其入山之深。入林之密。爲耕傭野老。以藏身。而不願聞利害。治亂當世之事者也。不然。必其悶悶汝汝。塞聽墮明。受時勢之大震動。而曾不激刺於其腦性。但能行尸走肉。飲食男女。以延祀姓者也。不然。必其或有大不得已者。而遂受其衣冠。拜其祿食。行其朝廷。以示無他。而不欲爲之。設一謀畫。一策行。與心違。旅進旅退。以終其身者也。不若是者。則必薰心於富貴利祿。蠅營狗苟。爲虎作倀。挾其小知小能。一技一長。與其媚悅迎合之技。以博取功名勢力。而不復知天地間有廉恥氣節之事者也。夫以一種之人。所謂有豪傑英雄之氣骨者。既已銷亡。不得

延其種類而傳其性質而得意當世子孫蔓延者非黠巧之夫即庸懦之輩則其人種之不能立於世界競爭之場蓋可知也不見夫印度乎挾雪山而貫恒河以地理饒沃物產富備哲學思想最高出之處而屢爲異種人所竄入洎英人之來遂以一公司之力而覆其國吾聞印度諸王每欲假外人之力以自殘其同類何則彼固經異種之蹂躪則其同種之團結力遂散是故地雖大人雖多可取而亡之也若夫中國其於外人則尊之如神明而事之如父母而於同胞則凌之若牛羊而踐之若草木此特性胡爲乎來則亦受異種之蹂躪而同種之團結力已散者是故今地球之民凡曾受異種之管轄者則其人民未有能自立者也且夫合同種人而建立民族的國家其愛國也不待焦唇敝舌設法而勸誘之也何則彼固天然有血族之關係而非同於以人力強合之國家之所爲也若夫合異種而建國者其間必一種人有權一種人無權而後能相容而又以其利害之不同也則彼此往往無密合之點故非民族集合的國家往往當外患之來則內之離心力漸生因其罅隙而將有決裂之勢且夫一國之中既集合素無感情之兩民族而徒恃強者之勢力所鳩聚則夫有他種之人其力更強於此者彼弱

論 著 門

六

民。族。之。不。願。而。之。他。而。另。事。一。異。民。族。視。棄。其。向。事。之。主。人。猶。做。屨。也。且。其。於。同。胞。焉。以。消。散。團。結。力。之。既。久。亦。一。旦。不。能。復。合。或。且。欲。蹴。藉。之。以。爲。事。異。種。人。之。媒。焉。此。皆。必。至。之。勢。焉。以。觀。今。日。之。中。國。人。而。可。驗。矣。當。庚。子。之。役。聯。軍。所。至。之。處。有。高。插。某。國。之。順。民。某。國。之。順。民。旗。者。有。爲。洋。人。作。嚮。導。而。假。洋。人。之。名。以。搜。殺。掠。奪。各。村。莊。者。有。能。洋。語。而。向。洋。人。謀。事。或。爲。之。作。繙。譯。爲。之。作。收。稅。吏。者。有。挽。留。洋。人。假。定。之。民。政。官。而。送。萬。民。傘。德。政。碑。者。有。誦。管。韃。山。之。八。股。以。爲。洋。人。侑。酒。者。有。以。街。上。與。洋。兵。或。印度。人。之。被。雇。爲。兵。與。爲。巡。捕。而。得。其。握。手。以。爲。榮。者。有。以。洋。人。出。入。其。家。爲。顯。赫。甚。者。有。出。其。妻。女。以。獻。媚。者。而。不。獨。此。也。今。通。商。各。埠。其。爲。洋。人。之。細。崽。通。事。捐。客。與。夫。郵。政。電。報。鐵。路。輪。船。諸。關。洋。務。局。所。之。下。等。執。役。人。以。洋。人。爲。後。援。其。待。同。胞。之。中。國。人。也。何。一。非。若。虎。若。狼。若。帝。天。之。面。目。若。上。海。之。某。華。捕。以。一。華。人。偶。游。於。西。人。禁。止。之。界。內。西。捕。欲。釋。之。而。華。捕。必。欲。扭。之。又。某。華。捕。以。見。日。本。下。等。人。之。攢。毆。中。國。人。也。反。扭。中。國。人。之。髮。辮。以。去。而。日。本。人。則。以。服。洋。服。而。不。之。究。也。詰。之。則。中。國。人。與。外。國。人。鬥。無。論。如。何。必。當。辦。中。國。人。而。上。海。虹。口。日。本。郵。局。所。雇。用。收。信。之。某。華。人。其。猙。獰。之。狀。


尤爲人所痛惡。若此者悉數之不能終。偶舉其一二人。而中國人無民族之感情可見矣。且也義和團一大事之發原。何一非此輩人爲之火線也。初時京津各處鐵道間之執役人。多假洋威。欺客無人理。若購車票。其銀錢之伸縮出入。惟其所欲。無敢與較者。當京保鐵道未燬之前。有鄉民數十人。已購車票。適車行而後期。不及乘也。鄉民者以旅費無多。則欲退車票。執役人喻之不以理。鄉民人多而口雜。其中有曰。爾輩之兇惡若是。當屬義和團來。以燒鐵路。執役人遂以是言告洋人。謂頃騷擾之一般人。皆義和團也。洋人者。未解中國語。而不知其情實。執鞭以驅逐之。鄉民既失資。不得乘車。而又受辱。乃憤而羣訴於義和團。求其雪仇恥。義和團者。方躍躍欲燒鐵路。遂以是於一夜間。盡燒京保之鐵道。而禍勢乃不可收拾。星星之火。至于燎原。則皆以無同種之感情而肇之禍也。且夫今日之依附洋人而爲之僕役者。其人大都已富貴矣。或且捐功名而膺顯秩矣。他日者中國之所謂高門右族。則多此輩人之子孫也。是固以事異種爲遺傳性者也。而洋僕其尤次者也。今中國之所謂仕宦之家。閥閱赫濯而簪纓聯翩者。溯其由來。又何一不若爲洋僕者之所爲。而秉洋僕之性質者也。昔者一異種人之來。其

論 著 門

能善事之則得富貴者也。今者一異種人之來其能善事之則又得富貴者也。其仕宦也猶其爲奴隸其爲奴隸也亦猶之其爲仕宦也。吾見今日之逐逐以攢北京之臭肉者轉瞬而瓜分局定則是輩者又將挾其今日逢迎鑽營之伎倆以事天或英人或法人或俄人或德人或美人或日本人或不知何國人焉。而何國之與有而何種之與有。若夫一二賢者逢時之哀痛哭流涕冀圖挽回則固言之矣。曰物非我有而權之不屬於已必不見信於主人而將受其鞭箠者也。故曰一種之人爲異種人所管轄則奴隸之性成而同種之團結遂散未有復能建國者也。雖然吾願吾言之不驗而吾種或有復興之一日。羣詈吾言爲居于偏僻而不當于事理。是則至快心之日而不願以吾言爲的。而他日之事乃不出如是云云也。

(未完)





記載一

英國政黨最近之政況

仲 遙

(1) 守保黨之辭職

(2) 自由黨之入閣

(3) 勞働黨之得勢

(1) 保守黨之辭職

沙侯最後內閣成立之歷史補述。今度辭職之巴爾法內閣。緣沙士勃雷侯最後之內閣而成立者也。當千八百九十五年六月。沙士勃雷侯組織內閣時。則統一黨與保守黨合而統一黨之代表。為樞密院議長德翁夏公。及殖民大臣張伯倫。保守黨之代表。為首相兼外務大臣沙士勃雷侯。及大藏大臣巴爾法。統一黨者。德張二氏。以關於

英國政黨最近之政況

愛爾蘭自治案與格蘭斯敦所見不協。故自自由黨分離而組織之者也。其人之有力於其黨及其黨之有力於其國。固不俟論。沙侯英國政界最負盛名之人。前此曾兩度爲首相。與格蘭斯敦相對峙。而巴爾法者。又保守黨中最重要之人物也。當時此四政治家。攜手相扶。摩肩相並。於萬民謳歌聲裏。不旋踵而如錦如荼之沙勃雷內閣。遂成立。

巴爾法內閣。沙士勃雷內閣成立後八年。(即千九百一二年)首相以年高衰老之故。辭職。於是保守黨內閣中。四政治家。頓失其一。雖然。所幸其他三政治家。猶毫無間隙。共相扶助。保守黨之盛運。固猶未艾也。果也。保守黨內閣復繼續成立。巴爾法爲首相。德張兩氏輔之。

兩首相人物之比較。沙巴兩首相之人物。要皆英國近時有數之政治家也。雖然。政治家中。固又有別。約言之。則沙相之爲人。剛毅卓拔。有創設的才能。於最困難之時勢之下。常能斬荆披棘。自闢生涯。巴相之爲人。則明達寬宏。當國家承平之日。能令政治修明。百廢具舉。然遭逢政海多故之會。則稍不免短於措置之才。且當其時。第一流之

活潑有爲之政治家。每有不屑立於其下之感。蓋巴氏之爲人。雖亦不失爲政治家。然較之沙相之氣魄之雄毅。才能之優敏。則實非其匹敵也。

巴內閣不信任之徵兆。巴內閣既成立後。人民乃對之而漸生厭倦之狀態。此徵兆也。於各地之補缺選舉時。見之。試舉其例。則如荷蘭選舉區。如萊選舉區。如烏威奇選舉區。如諾士法馬那選舉區。當行補缺選舉時。政府黨之候補者。靡不失敗。而在野黨之候補者。靡不制勝。其他各地。殆亦莫不皆然。月暈而風。礎潤而雨。識者觀於此。而有以識微知著矣。

德張兩氏之下野。千九百三年。即巴內閣成立後之第二年。殖民大臣張伯倫。樞密院議長德翁夏公。兩閣員相繼辭職。未幾。亞羅費德利提爾吞氏襲張氏之位。倫脫德里公襲德氏之位。此辭職之原因。則張氏者。以己所唱之關稅問題。爲國中輿論所弗善。翻然而去。而仍寄同情於巴氏者也。德氏者。以首相對於自由貿易保護貿易兩政策。皆執稜稜之態度。致令己之自由貿易政策。不能大得志。憤然而去。而表反對之意。於巴氏者也。要之。張氏也。德氏也。皆巴內閣中至要之人物。而內閣賴以成立維持者。

也。此二子去。而巴內閣之輿望。遂將不支。

內閣之顛覆 自德張兩氏辭職以來。巴首相以獨力經營閣勢。煞費苦心。然人心已去。收拾不來。乃於去年（即千九百五年）十二月四日。提出辭表。表上。英皇許之。於是十一年來。雄據英國政治界之保守黨內閣。至此遂顛覆。

顛覆之原因一 英國自由黨自格蘭斯敦卒後。黨勢頗分裂。不能得勢力。其後乘與保守黨相提攜之統一黨。以關稅問題。不洽輿望之際。乃盛標示其所主張之自由貿易政策。於是自由黨大為人民所歡迎。其四分五裂之黨勢。突焉復合。復成爲一大有力之在野黨。而在野黨之洽輿望。則即在朝黨不洽輿望之反影也。

顛覆之原因二 巴內閣辭職前之所以能制議會之多數者。全食統一黨之賜也。故一旦統一黨與巴內閣絕緣。則巴內閣不崇朝而必瓦解。而張伯倫之所以於己辭職後。而仍肯以己黨扶持巴內閣之故。則張氏之爲人夙懷野心。以爲己所主張之關稅意見。不過暫時不能得輿論之歡迎。而終必有可乘之機。而其行此政策之時。可共相扶持之。他黨則惟保守黨爲善。故張氏之與巴內閣相扶持者。名爲助保守黨。實自謀。

也。而不意巴氏以怯於黨勢分裂之故。當時巴氏若取張伯倫之保護貿易政策則保守黨中之一部分必與本黨分離若取自由貿易政策則張伯倫所率之一黨必立與保守黨絕。始終對於自由貿易保護貿易兩政策持模稜主義。及其既久。張氏以為已之目的殆終無復可望。乃公然宣言。已亦不能滿足於巴氏之政策。於是巴內閣從來制議會多數之勢力。遂以一落千丈。此又一原因也。

(2) 自由黨之入閣

其成立。千九百五年十二月四日保守黨內閣既辭職後。英皇命自由黨領袖班那曼組織內閣。越六日午後六時。班氏入謁英皇於巴清安宮。奏呈閣員名冊。是夜深更。發表之。其職名如左。

- 內閣總理兼國庫大臣 班那曼
- 司法大臣 李德
- 大藏大臣 亞士奇斯
- 內務大臣 格蘭斯敦
- 外務大臣 郭列

記載一

殖民大臣
陸軍大臣
印度大臣
海軍大臣
商務局長
地方局長
蘇格蘭尙書
農務局長
遞信總監
愛爾蘭尙書
樞密院議長
國璽卿
教育大臣

耶魯金侯
哈魯敦
摩利
次威德摩士卿
遮俄爾奇
班士
辛柯列雅
加陵哥敦侯
巴柯斯登
布萊士
柯留侯
李奔侯
俾列爾

六

蘭加斯德爾尙書

法武那

以上列於內閣

愛爾蘭總督

亞巴經侯

愛爾蘭尙書

倭加

工務長官

哈哥德

以上不列於內閣

閣員小傳 此次自由黨內閣各閣員。率多社會中第一流之名士。此實有可研究之價值者也。分而言之。則總理大臣兼國庫大臣班那曼氏。於一八三六年。生於蘇格蘭。本年六十九歲。家巨富。父名堪俾爾。母名班那曼。自一八六八年以來。代表斯他陵。選舉區格蘭斯敦。組織內閣時。曾兩度爲陸軍大臣。一八九九年。承哈魯苛特之後。爲自由黨領袖。以黨畧之巧妙著於世。近年以來。自由黨凡三罹危難。即張伯倫所率之統一派分離之時。羅士伯里卿與哈魯苛特衝突之時。及南非戰爭之時。彼皆能奮其神妙不可思議之手段。以回復黨勢。彼非天然之雄辯家。亦無英人所理想之宰相之風。

來。然現今之以政黨戰術見稱於世者。殆無能出彼之右。司法大臣李德氏。爲屬於急進派之法律家。前此曾爲檢事總長。大藏大臣亞士奇斯氏。當羅士伯里卿組織自由黨內閣時。嘗爲內務大臣。其政治上之論文。膾炙人口。內務大臣格蘭斯敦。爲前領袖格蘭斯敦之子。夙據自由黨中重要之位置。今度入爲內務大臣。固必然之數。然或者亦謂彼不過食其父之遺賜。自身則無大才能。外務大臣郭列氏。當羅士伯里卿組織自由黨內閣時。曾爲外務次官。雖無外交上之深經驗。而品德高尚。性質冷靜。實質有思慮。故頗爲其國人所信賴。惟彼與羅伯士里卿深有關係。此次居於無羅伯士里卿位置之內閣。其地位苦難觀察。殖民大臣耶魯金侯。爲有盛名之印度總督。其父曾任中國公使。彼自一八九三年至一八九八年。皆爲印度總督。此次立於殖民大臣之位。以自由黨之小英國主義。當張伯倫之大英國主義。陸軍大臣哈魯敦氏。法律大家。且有哲學上之著述。又嘗英譯薛次彭荷耶爾之哲學書。其入閣也。全以與羅士伯里卿深有關係故。印度大臣摩利富文名。嘗主筆於「利他拉里加色脫」。「伯爾麥加色脫」。「馬克密蘭」。「隔週評論」數雜誌中。又嘗著有詩人憐喀傳。維魯提傳。盧梭傳。哥

伯哥登傳等。爲人潔直。有政治才。海軍大臣次威德摩士卿。於最後之自由黨內閣改造之時。入爲國璽卿及蘭加斯德爾尙書。厥後爲自由黨幹事長。卓著偉績。商務局長。遮俄爾奇氏。威爾士急進黨之領袖也。地方局長班士氏。爲有名之工人代表者。自一八九二年以來。即爲議員。彼於夜學之外。曾未受他種之教育。然甚喜以演說及論文鼓吹社會主義。此次入閣。當拜命入謁英皇時。仍着平日樸質之衣冠。爲倫敦市民所大悅。彼所居之職之所司。爲衛生事務救貧事務等。皆與下級人民有直接之關係。其得意可知。然以英國之階級制度盛行之社會之事務。而一以委諸如彼之無經驗者之手。識者謂恐非今內閣之利。蘇格蘭尙書辛柯列雅氏。爲亞巴經侯之愛婿。侯任加拿大總督時。彼爲其秘書官。本爲軍人。入議院之日。尙淺。農務局長加陵哥敦侯。爲英國之大地主。嘗爲烏酉路士等地之知事。而其於政治一方面。則取近於民主論之急進主義。遞信總監巴柯斯登氏。前此曾草一關於俸祿問題之論文。見知於世。愛爾蘭尙書布萊士博士。今世界有名之歷史家及法律家。英國有數之學者也。其政治上之經歷。亦非淺少。一八八六年時。任外務次官。其後復兩度入閣。與格蘭斯敦及摩利同。

唱道愛爾蘭自治說。此次彼自擇居此職。必非無所期望。而與彼同掌愛爾蘭事務之亞巴經侯。前此亦與愛爾蘭自治問題。非無關係。故彼二人任此職後。必將有事於其夙所自信之主義。可決言也。樞密院議長柯留侯。爲羅士伯里卿之壻。善詩文。其家有貴重之圖書陳列所。自一八九二年至一八九五年四年間。皆爲愛爾蘭總督。今在樞府殆能操縱貴族院之自由黨員。國璽卿李奔侯。出自名門。至一八五二年始入下院。其後迭次入閣。一八七四年變宗加特力教。爲英國腓里麥孫盟會長。教育大臣俾列爾氏。爲英國之文士及法律家。曾任倫敦大學之法學教授。後爲辯護士。其高尚的小說與其輕快的即席演說。最爲世人所敬佩。彼極取進步的政治主義。故彼任此職後。英國教育制度。必將大加改良。蘭加斯德爾尙書法武那氏。前此曾迭次入閣。有經歷爲自由黨之老將。此次居此閑職。殆所以備首相之顧問也。

其政綱 自由黨內閣成立後十日。開大會於倫敦。首相班氏對於九千餘之聽者。爲新內閣之政綱演說。其言之屬於內政者。謂關於中國工人輸入非洲之事。其未來者。新內閣必禁止之。其已至者。則姑仍之。而其地之鑛山業與中國工人之關係之一問

題究如何。新內閣當先爲精密之調查。次爲確定之處分。關於愛爾蘭自治問題。新內閣固夙認使各地之人民自監督其地方行政爲必要。如英革蘭。即其往例。故對於愛爾蘭。則亦俟機會到來之日。固不可不設同一之制度。關於國稅問題。新內閣必始終採自由貿易政策。關於印度殖民地文武爭權之事。新內閣所取之態度。爲左武右文之態度。其言之屬於外交者。則謂日英同盟及英法協商問題。新內閣必極力贊成之。英德關係問題。新內閣深慶最近之親和運動。且新內閣對於其他各種外交問題。所持之政策。皆以與世界各國同生息於最良之關係之下爲主義。無論何種方面。必不取侵襲政策。其他演說之言。如關於土地運河學校職工同盟營業行政等諸問題之言。及其所謂英國當盡力使世界之文明進步。使仲裁裁判之効用日益發達。以減殺各國之擴張兵備之熱心。云云。要皆非與其內閣之基礎有密切之關係。無取乎一撮錄研究之也。

評論 此次新內閣能網羅多數之知名之士入其彀中。較之巴爾法內閣末年之情勢大相逕異。其必能得民意也。吾蓋可必之。然或者亦謂其各閣員間種種之政治主

義多不相合。殆稍不免有駁雜之感。雖然以班氏之沉鍊。吾知其於諸小問題必有以處之也。顧吾所代彼新內閣憂者。則惟在彼所謂之愛爾蘭自治問題。此問題之所關。不惟彼議院中之八十餘名愛爾蘭議員所視爲向背之點。抑且爲羅士伯里派中之人物。如大藏大臣亞士奇斯。外務大臣郭列陸。軍大臣哈魯敦。樞密院議長柯留諸人。所堅持之政見之所存。不觀夫班氏爲政綱演說時之言乎。其所以含糊其辭者。蓋有苦心所在也。故吾以爲使他日者。新內閣而不許其自治乎。則彼八十餘名之愛爾蘭議員。一去新內閣。即必不能制議院中之絕對的多數。使新內閣而許之乎。則亞士奇斯郭列等諸人。或將相率而辭去其位。其他有無。何種可轉圜之機。吾尙未能得知。要之以吾觀之。則此問題真新內閣他日進退之問題也。或曰。班氏爲英國政治家中之最富有經歷者。此問題殆亦必已有成算。雖然。此則非可以局外測度者耳。


(3) 勞働黨之得勢

其沿革 英國勞働政黨之發生。距今僅三十餘年耳。先是一八七四年時。始有二人之勞働議員。見於下院。越二十六年。當一九〇〇年總選舉時。其數增至十二人。又越

六年。至本年總選舉時。則驟增至五十一人。於是英國下院內於自由黨統一黨愛爾蘭國民黨三大政黨之外復見一大政黨。

內部之分子。勞動黨一謂之勞動代表委員會。(Labour Representation Committee) 其內部所以組成之分子凡為二。一同業組合。(Trade Unions) 一獨立勞動黨(Independent Labour party) 是也。同業組合為勞動者勢力之所存。獨立勞動黨為社會主義之所存。前者以人數及財力奠安黨基。後者以思想主義聯貫黨脈。而兩勢力之比較。則前者強大獨立者也。後者薄弱孤立者也。兩者相合。勞動黨乃成。

注 本年二月十三日倫敦泰晤士報所揭之圖可備參觀今錄之



英國政黨最近之政況

本年總選舉時之得勢。欲明勞働黨得勢之狀況。其下院議員歷年增加及本年驟增大多數之情。既如前述。願尤當注意者。則前此彼黨在下院之位置。非獨立的而附屬的。本年在下院之位置。則非附屬的而獨立的之一事是也。而欲明歷年以來勞働黨與他黨在下院之比例之數。則左表所揭。足以瞭如。

下院議員黨派別表

據本年一月卅一日及二月十五日之泰晤士報

選舉區分類	一九〇〇年總選舉前		一九〇六年解散前		一九〇六年總選舉後	
	議員數	黨派	議員數	黨派	議員數	黨派
英革蘭	四六五	自由黨及勞働黨	四六五	自由黨及勞働黨	四六五	自由黨及勞働黨
內倫敦	六二	八	五四	一〇	五二	三八
市街地	一六四	三九	一二四	四六	一一七	九六
郡部	二三四	七八	一五六	九三	一四一	一五八
大學	五	：	五	一	四	：
威爾士	三〇	：	：	：	：	：
內市街地	一一	八	三	七	四	一〇
郡部	一九	一八	：	：	一	一〇
蘇格蘭	七二	：	一八	：	一六	三

黨綱

內市街地	三一	一五	一六	一八	一三	二三	二	六
郡部	三九	一九	二〇	二三	一七	三五	二	四
大學	二	：	二	：	二	：	：	二
愛爾蘭	一〇三	：	：	：	：	：	：	：
內市街地	一六	：	一〇	六	五	：	：	四
郡部	八五	：	七一	一三	一〇	三	：	二
大學	二	一	二	四	二	：	：	二
總計	六七〇	一八六	八二四	〇二二	二二九	八二	三六九	三七九
						五一	八三一	一五七

(甲)

本年正月總選舉前。勞働議員候補者所宣言者。

(1) 回復同業組合於達夫威爾事件判決前之法律上之地位。

(2) 維持自由貿易制度。

(3) 改正損害賠償法。

(4) 改正教育法。

(5) 制定年高者年金法。

英國政黨最近之政況

記載一

(6) 課稅照土地之實價。

(7) 供給食物於小學兒童中之貧困者。

(8) 供給已不能勞動者。

(9) 擴張實行國有主義之限度。

(10) 施行普通選舉制於成年男女。

(乙)

(1) 本年總選舉後。議會開會前。勞動代表委員會開年會時所議決者。

(2) 為欲鞏固同業組合之地位。使勞動議員以必要之法律改正案提出於下院。

(3) 為求職業而不得之諸勞動者之所以不得之理由。在於土地資本歸諸私有之故。因而產業組織不與社會全體之利害相伴。而現今之失職勞動者法。(Unemployed Workmen's) 實不完全。故不可不關於此問題十分喚起議會及輿論之注意。

(3) 施行普通選舉制於成年男女。

(4) 改正租稅法。凡名爲社會的共同富源。而實則爲私人獨獲利益者。皆不可不執使其歸諸國有之方針。

(5) 關於教育之事。以能令兒童於被開發其能力時得均等之機會爲至要之宗旨。

自由黨對於此黨之態度。自由黨對於此黨之態度。純表同情。自昔以來。其例不可枚舉。其尤著者。如同業組合。當格蘭斯敦執政時。深蒙利益。及今內閣對之之態度。皆是也。前者且勿語。請語今次。今次總選舉時。自由黨不惟於已黨之勢力範圍之選舉區內。容認勞動候補者之出現。且以與統一黨競爭之故。至令巴斯伯爾等勞動出身者。利用已黨之機關。而從來有名之工人代表者班士氏。竟得爲新內閣之閣員。不特此也。今首相班那曼氏之演說中。且屢述歡迎勞動議員多數出現之辭。而豫言社會政策的立法時代之到來。印度大臣摩利。亦言「已於議院內得聞勞動者之思想於勞動者之直接代表者之口。至爲可賀。」此外如本年二月十九日行國會開院式時。英皇所發之勅語。亦頗足以見今內閣之施政方針。今期議會之議題之重要事件中。

如改正產業爭議解決法案。如改正勞働者賠償法案。如改正失職勞働者法案等。皆與勞働黨有至密切之關係。蓋今內閣頗重視勞働黨之所要求。(即其黨綱)而其意在欲以法令之力解決社會問題也。

統一黨保守黨對於此黨之態度。統一黨保守黨之對於勞働黨。其欲得其歡心也。亦與自由黨同。分而舉之。則張伯倫以市町村社會主義 (Municipal Socialism) 實施於

巴密根。巴爾法對於東曼節士達選舉區民發表之政綱中。盛頌述社會的立法之必要。皆其心之可見者。而二氏者。則在野黨之領袖也。此猶僅就最近之現象而言也。若夫保守黨自昔之政治家。為欲吸收勞働者於己黨中而發表之各種改革案。殆尤不可縷述。就吾儕所已確考得者舉之。則如察奇爾昂所唱道之保守的衆民主義 (Holy

Democracy) 稽士列里所主張之新保守主義 (New Toryism or Popular Toryism) 皆足以相證者也。

今後之勢力如何。勞働黨今後之勢力。必日達於強大。此稍明英國政局者所能言也。顧吾窮其所以必日達於強大之理由。則首當注意者。在於盎格魯撒遜民族遺傳。

而○來○之○特○色○之○箇○人○自○由○之○保○護○任○意○活○動○之○信○念○等○今○在○英○國○之○政○治○界○已○漸○歸○於○消○滅○而○共○同○權○力○利○用○之○渴○望○日○益○增○加○對○於○政○府○之○權○力○之○猜○疑○心○日○益○減○少○故○所○謂○市○町○村○社○會○主○義○已○見○諸○實○際○者○不○少○而○國○家○社○會○主○義○亦○非○如○昔○時○之○爲○人○所○嫌○忌○非○無○因○也○不○見○夫○十○九○世○紀○初○勞○働○者○之○組○合○及○十○九○世○紀○中○葉○時○同○業○組○合○之○悲○觀○乎○及○今○思○之○固○已○有○今○盛○昔○衰○之○感○矣○抑○十○九○世○紀○中○之○英○國○輿○論○約○可○分○爲○三○大○潮○流○以○其○時○期○排○列○之○則○初○期○有○力○之○輿○論○爲○布○拉○柯○士○敦○的○樂○天○主○義○及○耶○爾○登○的○保○守○主○義○中○期○有○力○之○輿○論○爲○邊○沁○的○箇○人○主○義○及○自○由○主○義○末○期○有○力○之○輿○論○爲○共○同○主○義○及○國○家○干○涉○主○義○是○等○輿○論○之○效○力○其○所○及○之○範○圍○至○爲○偉○大○而○其○所○及○於○政○治○上○之○效○力○又○已○人○所○共○見○此○英○國○關○於○政○府○之○職○務○之○思○潮○之○變○遷○之○實○亦○不○可○不○深○長○念○也○

(已完)



記載

◎前號更正

最近世界
大勢論

(題)

三三

(頁)

二

(行)

抵禦下
各國上脫「亞洲」

(脫)



朝鮮亡國史略 (外交上之經過)

中國之新民

章臺柳。章臺柳。昔日依依。今在否。縱使長條似舊時。也應攀折他人手。吾以中日戰爭前之朝鮮與中日戰爭後之朝鮮比較。吾更以中日戰爭後之朝鮮與日俄戰爭後之朝鮮比較。而不禁淚潄潄其盈睫也。今者朝鮮已矣。自今以往。世界上不復有朝鮮之歷史。惟有日本藩屬一部分之歷史。記曰：喪禮哀戚之至也。君子念始之者也。今以三千年之古國。一旦溘然長往。與彼有親屬之關係者。於其飾終之故實。可以無記乎。嗚呼。以此思。哀哀可知耳。

第一期 朝鮮爲中日兩國之朝鮮

吾讀李文忠外交函牘。見其二十年前與朝鮮王之交涉。於其詞氣與其稱謂。間穆然

想見上國之位置之威信嗚呼。此如潯陽江頭琵琶婦向人絮絮道其鈿頭銀篋血色羅裙時代之聲價吾今羞言之且不復忍言之吾今惟舉中國始失保護朝鮮之資格託始焉則光緒十一年中日所訂天津條約其濫觴也約文云。

嗣後朝鮮有事中國當發兵前往先咨照日本日本派兵前往亦必咨照中國。

此等語句自國際法理論之朝鮮既成爲中日兩國共同保護之國明甚也甲午之役遂以朝鮮之爲藩屬爲自主一問題至兩國以干戈相見今補述其戰前之交涉如下。

(中國公使汪第一次照會日本外部)我朝素宏字小之仁斷難漠視藩服之難。

(日本外部陸奧第一次照覆)本大臣查貴國雖指朝鮮爲藩服然朝鮮王從未自承爲屬于貴國。

(總理衙門第一次照覆日使小村)查我朝以朝鮮王申請救護業已派兵前赴該國此係按照撫綏藩屬之例不容稍有延緩。

(日使小村第二次照會總署)本國歷來未認朝鮮爲貴國之藩屬此次派兵前往一係按照日朝兩國在物浦所訂之約一係按照中日兩國在天津所訂之約妥慎辦理。

(日本外部第二次照會中使汪)亂事既定所有朝鮮內政亟應代爲修整兩國擬各簡命數大臣前往朝鮮同心稽察各弊其分應整頓俾朝鮮日起有功者如國庫出納款項如遴選大小官吏如募練彈壓內亂。

兵等皆是。

(中國公使汪第二次照覆)但其內治作何整頓之處。應任朝鮮王好自爲之。即我中國亦不願干預至貴國。既認朝鮮爲自主之國。豈能干預其內政。其意不辨自明。

(日本外部第三次照覆中使汪)查朝鮮王常蓄陰謀。致釀禍亂。大爲敵國之害。乃其自主之力。又屬太薄。不足以膺重任。其關係於敵國者。不特通商一端而已。地之相去甚近。又有干涉遠方之處。敵國萬難坐視。中略)且妨敵國之榮名。是以決計代爲設法。以保太平之局。

由此觀之。朝鮮對於中日兩國地位之變更。略可覩耳。中國以不明國際法。上對於國之權利。許朝鮮以與外國締結條約之權。授日本以口實。且使中日一役。日本大得列強之同情。所謂合九州鐵鑄一大錯也。天津條約。純使朝鮮立於中日共同保護地位。開戰前之交涉。全以此問題爲爭點。及兩國公同干涉內政之議。不諧。日本公然露獨占之勢。觀最後兩次之照會。其肺肝如見也。更述當時兩國宣戰之詔勅。

(中國宣戰書)朝鮮爲我大清藩屬。二百餘年。歲修職貢。爲中外所共知。(中畧)乃倭人無故派兵。突入漢城。嗣又增兵萬餘。迫令朝鮮更改國政。種種要挾。難以理喻。我朝撫綏藩服。其國內政事。向令自理。日本與朝鮮立約。係屬與國。更無以重兵欺壓。強令革政之理。(下略)

(日本宣戰書)(前略)緬惟高麗爲獨立之邦而與各國締約通商實由我日本勸導之也。然而清國恒稱高麗爲藩邦干涉其內政(中略)茲按高麗獨立之地位原係日本維持之力各國條約所公認清國非但謀損高麗之地位兼且置條約於不顧(下畧)

此藩屬與獨立之一問題以口舌不能解決而至求解決於干戈自開戰以後而朝鮮與中國恩斷義絕矣。甲午七月二十六日即開戰後未及一月日本駐韓公使與朝鮮外部大臣締結所謂日韓協約者。

(第一款)本約之設專爲維持朝鮮之獨立日朝之利益清兵在朝者宜逐出境外

是朝鮮與中國斷絕關係之始。然其第三款猶云。中日休兵後此約作廢。則其地位猶未確立也。及馬關條約第一款云。

中國確認朝鮮爲完全無缺獨立自主之國。凡前此貢獻等典禮。損害其獨立自主之實者。全廢之。

朝鮮王旋布告誓廟文。其第一條云。

割斷依附清國之思想。確建自主獨立之基礎。

中日和約既定以後。中國遂派徐壽朋爲駐紮朝鮮公使。純立於平等國之地位。而韓王亦進而皇帝矣。自茲以往。遂入於第二期。

第二期 朝鮮爲日俄兩國之朝鮮

中日媾和以後漢城咫尺之地遂爲日俄外交競爭之燒點於是韓廷有俄日兩黨
 黨擁大院君以清君側而戕閔妃光緒廿一年西歷十月八日俄黨旋奪門挾韓皇及世子幽於俄使
 館廿二年西歷二月十一日廿二年西歷五月十四日駐韓日使小村與俄使威拔遂爲日俄協商之
 約

(第二條)日俄兩國代表者當隨時忠告韓皇使以寬大待其臣民。

(第三條)日本以保護電線之故得置二百名以內之憲兵於韓境

(第四條)有事變之時日本得在韓京置兵二中隊在元山置一中隊俄國亦得置衛兵保護外交官惟
 不得過日本之人數。

因此條約日俄兩國在朝鮮之地位恰如天津條約時代光緒十一年中日兩國在朝鮮之地位
 其後日本山縣有朋以賀加冕使俄與俄外部大臣魯巴諾甫更申協約

(第一條)日俄兩國政府以救濟朝鮮困難之目的當勸告朝鮮政府省一切冗費且保其歲
 從事改革而湏募外債則兩國政府合意救助之

(第二條)朝鮮若不爲財政上及經濟上所困得以本國人組織軍隊及警察而維持之使至於不藉外援

能保國內之秩序。則兩國政府皆勿干涉之。

(第三條)日俄兩國皆得設電線於朝鮮。

自茲以往俄人益運陰謀於韓廷。以聘用教習。聘用顧問。兩問題幾舉全韓勢力胥入俄手。此等現象。亘一年有奇。其事實頗繁。今避尤不備。徵。欲知之。可讀本報四十四五號第三十二葉。於是日俄幾決裂。卒以光緒廿四年西

歷四月廿五日。日本外部與俄使羅善為第二次之協商。

(第一條)日俄兩國政府確認韓國之主權及其完全獨立。且相約於其內政不為直接干涉。

(第二條)若韓國將來有向日俄兩國求助之時。凡練兵教官及財務顧問官之任命。苟非經日俄兩政府先行互相商妥。不得以一國擅為處置。

自茲約後。俄國在朝鮮之勢力稍被限制。而日本勢力駸駸益盛。不數年遂入於第三期矣。

第三期 朝鮮為日本之朝鮮

一 預備時代

日本處心積慮以謀朝鮮者。既數十年。其第一著則謀離朝鮮於中國。其策源在天津。

條約其收果在中日戰爭其第二著則謀併朝鮮於日本其策源在日英同盟其收果在日俄戰爭吾觀於此而歎日人外交之略至遠且大至敏且鷲也日英同盟約文第一條云。

兩締約國互相承認中國及朝鮮之獨立當聲明於此兩國全然不爲侵畧的趨向所制然據兩締約國之特別利益（中略）在日本則以於中國既有之利益以外又於朝鮮有政治上及商業工業上之特別利益若此等利益被損害不得不干涉之時兩締約國爲自衛起見得執行必要不可缺之處置

自此同盟成立日本乃益有後援以揮手段於韓半島矣其約文中聲明日本在朝鮮有政治上之特別利益蓋朝鮮爲日本人之朝鮮既已經英國之默許所謂維持其獨立者特表面上一空談耳自去夏以來遂因滿洲問題釀成日俄之役然其爭點不徒在滿洲而更在朝鮮也俄人所最重者在滿洲日人所尤重者在朝鮮當時日本政論家有倡滿韓交換之議者雖其目的不免局縮未見探行然日人之重視朝鮮不惜犧牲他種利益以易之可概見矣今將日俄戰前交涉往復文書摘其關於朝鮮者譯要如下。

（第一號日本外部致其駐俄公使）使俄國駐據韓國之方面則韓國之獨立必爲之頻被侵迫即不然亦必

時局

至使俄國在韓半島占最優之勢矣。夫韓國原為我國防禦線最緊要之前哨。故于其獨立為我國之康甯及安全計實最為必要者。且我國在韓國所有政治上及商工業上之利益與勢力實卓絕於他國。而此利益與勢力我國為自已安固起見斷不肯交付於他國。或分與於他國者也。（下略）

日本對韓政略之方針。略具於是。其舉全韓以置於日本勢力範圍下之野心直揭之。不自諱也。於是日本政府提出協商案。尚以滿韓交換為一手段。今記其原文如下。

（第三號日本政府提出協商案）（第一條）相約尊重清韓兩帝國之獨立及領土保全（第二條）俄國當承認日本在韓國之優勢利益。日本則承認俄國在滿洲經營鐵道之特殊利益（第三條）日本在韓國俄國在滿洲之商業的及工業的活動之發達相約不為阻礙（第四條）日本之於韓國俄之於滿洲。遇為自衛起見必要之時。可以派遣軍隊（第五條）為韓國改革或行善政而與以助言及援助（應於必要且得為軍事上之援助）者屬於日本之專權。俄國當承認之。

由此觀之。日本之視朝鮮更重於其視滿洲也。章章然矣。使其時俄政府能慨諾此協商。則此次戰役。可以潛消於樽俎間也。而乃遷延復遷延。齟齬復齟齬。其後俄國卒欲以滿洲問題置於日俄協商範圍之外。蓋俄人亦深察夫日之視韓尤重於滿也。顧日人所以不得不始終斷斷爭之者。則以滿不保而強俄。鼯睡於韓榻之側。坐是而韓亦

遂○非○日○所○能○有○也○故○其○爭○滿○問○題○凡○以○為○韓○問○題○也○觀○其○宣○戰○書○此○意○甚○明○

(日本宣戰書)(前略)我帝國之以保全韓國為重也非一日之故矣此不徒因兩國累世之關係而已韓國之存亡實帝國安危所攸關也然彼俄國者雖嘗與清國有明約且對於列國為累次之宣言然猶占據滿洲益鞏固其地步終欲併吞之若滿洲歸俄則韓國之保全無由支持極東之平和不可復望(下略)

此○日○俄○開○戰○之○真○原○因○也○其○所○爭○者○在○滿○洲○而○所○以○爭○滿○洲○者○仍○在○朝○鮮○也○自○日○俄○戰○開○而○朝○鮮○為○日○本○保○護○國○之○地○位○遂○定○

日○俄○以○陽○歷○二○月○八○日○始○交○綏○以○十○日○互○宣○戰○十○一○日○俄○國○駐○韓○公○使○巴○布○羅○福○遂○下○旗○出○境○俄○韓○之○國○交○隨○俄○日○之○國○交○同○時○斷○絕○其○與○中○日○戰○役○時○袁○世○凱○之○由○韓○撤○歸○絕○相○類○也○二○十○三○日○日○本○駐○韓○公○使○林○權○助○與○韓○外○部○訂○立○所○謂○日○韓○議○定○書○者○與○中○日○戰○役○時○之○日○韓○協○約○又○絕○相○類○也○今○譯○其○議○定○書○之○要○點○如○下○

(第一條)日韓兩帝國因欲保持恒久不易之親交確立東洋之平和自後韓國政府當確信日本政府凡其關於政治上之改革有所忠告皆聽從之

(第三條)日本政府於韓國之獨立及其領土保全為確實之保障

(第四條)韓國若遇第三國之侵害或遇內亂日本政府可執行臨機必要之措置而韓政府對於日政府之

時局

十

行動許以完全便宜行事之權（日本政府因欲達此項之目的凡軍路上必要之地點皆得臨機收用）

此議定書既發布。英國倫敦泰晤士報從而論之曰。『朝鮮以此條約之故。遂永爲日本之附庸。今後朝鮮之在日本。其猶埃及之在我英也。其權能同其効力。同其性質。亦同質而言之。則朝鮮之獨立形式上之獨立也。日本所謂忠告權。實蒙一薄紙之命令。權也。』可謂知言。光緒十一年以來之朝鮮問題。至是遂揭曉。

開戰之初數月。日本政府全副精力。悉注於軍事上。其於干涉朝鮮內政。蓋未遑也。至近兩月。乃始入於實行時代。

（未完）

（附言）著者之述本論原爲有感於近兩月來日本在朝鮮之舉動。欲詳紀之以爲吾國龜鑑。但非詳敘前此之經歷。則無以見其處心積慮之漸。故不辭陳沓。特補敘之。實則所注重者。全在實行時代。至次號乃入正文。讀者諒焉。 著者識





朝鮮亡國史略 (外交上之經過) (續)

中國之新民

第三期 朝鮮爲日本之朝鮮 (續)

二 實行時代

日俄開戰後數月。日本之在朝鮮。除軍事外。未有特別之舉動。韓人坦然安之。而日本國中輿論。頗有以對韓政略之遲緩。責備政府者。至最近兩月。而霹靂手段。遂迭見。長森案。長森案亦名韓國荒蕪地開墾問題。蓋日人長森藤吉氏。以私人之資格。欲壟斷朝鮮全國荒蕪地。以從事開墾也。其契約之要點如下。

- (一) 韓國內府所屬土地及官業民業土地。未經開墾者。悉歸長森氏集資本從事開墾。
- (二) 長森氏開墾以上之土地而改良之。以後種植牧畜漁獵等有利事業。悉歸長森氏全權辦理。且有...

時局
使用之權

二

(三)開辦五年不納租稅五年以後若所經營事業既有利則與現在已開闢之土地納同率之稅於朝鮮政府(但遇天災地變水旱之類收穫不足則其租稅或減或免)

(四)本約由所經營各部分經已完成之後起算凡五十年為滿期滿期之後商議再續

此等契約吾無以評之。若欲強評者則如漢武之語田蚡曰君何不遂取武庫而已。而日本政府乃為之代表。將全案提出於韓廷。而韓廷怵於其勢亦殆將應之。實陽歷月日也是為日本實行日韓議定書所得權利之第一著。

韓人之激昂及其運動。此案既提出於韓廷。舉國譁然。於是朴箕陽李宗說等首倡異議。聯合縉紳士夫抗疏爭之。以宗潢李乾夏首署。其疏略曰。

(前略)韓國地形。山多野少。環海三千里。山澤居三之二。凡此山澤皆荒蕪地也。今乃一舉而割國土三分之一。予諸外人。天下可駭之事。孰有過此。(中略)且以日本人言之。二十年來號稱扶我國家之獨立。證我領土之保全。今茲憤強俄之侵略。動全國之師團以爭之。其以信義自暴於東洋。非一日也。今以義始而以利終。名實相悖。情偽互眩。臣等以為此殆不過起於一二商民私利之見。在日本政府之老成謀國者。未必弁髦信義。至於如是也。今若束手聽從。則割肉餉虎。肉有盡時。而虎無饜期。臣等誠不忍見祖宗之疆土日蹙。不忍與

賣國之徒。同立於陛下之本朝也。云云。

其言慷慨激昂。聲淚俱下。韓廷亦大有所感悟。而諸人者。又非徒抗疏而已。一面傳檄四方。激動全國公憤。一面倡立所謂農礦會社者。以相抵制。以宮內省大臣朴陽圭尙禮院卿金相煥中樞院副議長李道宰等爲首領。號稱集資本一千萬元。分爲二十萬股。每股五十元。其股東惟朝鮮人。乃得充之。其經營事業之第一著。即從事於荒蕪地之開墾。而全國荒地之先占權。皆歸該會社所獨有。此其手段。與吾湘人創礦務總公司。以圖挽將失之礦權者。何其相類也。韓人以是爲抵禦外力之不二法門也。官紳倡之。政府贊之。雖然。以韓人之能力。與其資力。豈能組織此龐大之會社者。當其會社章程之發布也。日人譁然笑之。曰。是滑稽的政策也。是俳優之舉動也。果也。倡之月餘。所集資本。不能及千分之一。不旋踵而解散。

然自是以往。排日之運動。大起。漢城西門外鐘路天洞一帶。日日集會。處處演說。以培方學堂漢語學校兩處生徒爲中心點。於是有所謂保安會。獨立協會。興國協會。一心會等。所至號召會員。切齒裂眦。喘汗奔走。其他有散在全國之負祿商者。出沒於平安

時局

四

咸鏡兩道。或切電線。或毀鐵道。或以日本軍情諜洩於俄國。而種種舉動。實韓廷有力諸大臣陰主之。在日本各報。則目之曰亂暴之徒也。陰險之輩也。以旁觀公平之眼論之。使韓人並此區區之敵愾心。而無之也。則禽畜之不如也。雖然。此區區之敵愾心。其終必無救於亡韓。又稍達時局者。所能預斷也。

日人專制政治之發端。此長森案之交涉。韓廷一面拒絕。韓之人民復一面運動。反對日本則一面使其公使威逼要求。一面使其駐紮軍隊。實行軍事警察。委其司令官原口氏以全權。使處置韓境內回復秩序之事。其手段如下。

- (一) 捕緝會黨首領。保安會長元世性等三名。又負樞商首領吉泳洙。內官姜錫鎬。先後被逮。
- (二) 禁止集會自由。以妨害治安名義。一切新立之會。皆被解散。不許人在韓京聚集演說。
- (三) 束縛出版自由。韓人所發行之皇城新聞。帝國新聞。皆須呈日本警官檢閱後。乃得發行。

以脆弱柳之韓人。當此嚴霜烈日之處。置不轉瞬間。而其指天畫地。驚跳狂擲之氣。象全歇滅矣。嗚呼。無能力以盾其後。則客氣之不足恃也。如此嗚呼。

此案之結局。自長森案提出以來。韓國朝野上下。皆激烈抵抗。而日本輿論。亦大不

直其政府。不直之者。非謂其對韓手段。失於嚴厲也。一則長森氏之在本國。本非知名士。以此不足輕重之私人。昇以全韓土地之大權。謂其政府之輕重失當也。一則以對韓政策。大綱未立。諸事曾未一著手。而以此區區者。害韓人之感情。謂其政府之先後失宜也。於是政府幾度商議。乃於實際上撤回長森案。於名義上改爲無期限之延期。而別提出所謂韓國內政改革案者。以爲此權利之代償。自茲以往。而朝鮮乃真爲日本人之朝鮮矣。

內政改革案 陽歷八月十二日。日本駐韓公使林權助。謁見韓皇。將改革案提出。幾遂畫諾。今將原案全文譯出。次乃略評之。

(一) 韓國因欲整理財政。特於度支部內設財政監督。聘日本人目賀田種太郎氏充之。

(二) 因整理財政之故。日本許貸與欸項於韓國。其第一期貸款三百萬圓。

(三) 略

(四) 將韓國舊有之典。圖局廢去。別爲白銅貨幣之處置。以確立幣制。

(五) 結日韓幣制同盟。凡日本政府所鑄造之貨幣及鈔幣。在韓國一律通行。

(六)特設中央銀行司理徵收租稅及其他公金各事務。

(七)略

(八)因向來外交事務辦理失宜。故特設外部顧問。永由日本政府推薦。而現薦美國人田尼遜氏充之。

(九)韓廷將所有一切外交事務及保護海韓人之事務。皆託諸日本政府。俟此約實施後。即將前此派出。割各國之公使領事。盡行召還。

(十)韓國召還各國公使之時。各國派來駐韓公使。亦同時撤退。惟留外國領事駐紮境內。

(十一)因欲整理財政之故。將韓國軍備縮小。以節糜費。前此全國二萬之兵額。當減為一千。內外除守備。城之外。各地方兵丁。一切撤退。

(十二)結日韓兵器同盟。整理現在之軍器。

(十三)整肅宮禁。除君側之惡。禁巫女卜祝。凡一切雜輩。不許出入宮廷。

(十四至二十三)略

(二十四)除現定度支外交兩顧問官外。不復置總顧問官。前此所聘外國顧問。皆黜免。

(二十五)略

右二十四條。則日本公使提出於韓廷改革案之內容也。其後經屢次協議。雖稍有修改。然大體皆經許諾。至二十二日。先行發布三條。則其一為原案第一條。設財政顧問。

原提議名爲監督後經磋商改稱顧問云之事。其二爲原案第八條。設外交顧問之事。其三乃另加特詳者。文曰。

●韓●國●政●府●若●欲●與●外●國●人●締●結●條●約●及●其●他●重●要●之●外●交●案●件●如●對●於●外●國●人●許●與●特●權●等●事●一●切●皆●須●先●經●日●本●政●府●協●議●

同日又別訂一約云。

前此各國公使謁見韓皇。例須經外部請於宮內省。待其指定時日。乃許召見。自今以往。因內政改革之故。韓皇之下。問於日本公使者。與日使之忠告於韓皇者。皆當甚多。特廢此例。除捧呈國書仍循故事外。其餘不拘何時。得以任意入謁。

合觀以上諸約。則韓之爲韓。從可知矣。國家行政機關最要者三事。曰財政。曰軍政。曰外交。權三者亡。則國非其國也。今改革案之第一著。即以設財政監督爲綱領。厥後雖改稱顧問。猶朝四暮三之長技也。其充此顧問者。曰目賀田氏。其人曾任大藏省主稅局長者十數年。日本第一流財政家也。今遷此職。日本之輿論皆爲得人慶也。其中央銀行握全國貨幣之權。約中雖未明言辦理細章。然必在日本人支配之下。豈待

時局

論也。今以彼中道路所傳說。或謂將使「日本銀行」開支店以充之。或謂以韓京現有之「第一銀行」支店充之。第一銀行者。日本民立諸大銀行之一也。現有支店在韓京。此次戰事發行軍用鈔幣等。皆經其手。雖或未必。然即以韓國皇室之名義。新創立其支配權。亦豈復韓人所能過問也。至其借款之約。或謂是即英國之所以待埃及。願吾猶以為不類也。何則。埃及以借款而失財政權。朝鮮則既失財政權。而後借款。然則日人今後之借款。與韓其猶前此之借款。與臺灣行政廳也。日人得臺灣後。極力經營。凡十年間。皆由東京政府特別借款與臺灣政廳。蓋臺灣政廳。頗有半獨立的性質。其豫算決算。皆不與中央政府混也。至今年而臺灣不必資助矣。至如貨幣同盟名。則同盟實則主屬不俟論也。朝鮮今後之財政權。有如此者。吾儕驟觀其外交顧問之條約。見所聘者為一美國人。吾滋惑焉。謂日人乃肯割其權利之一部分。讓諸他國。咄咄怪事也。徐乃知田尼遜其人者。在華盛頓之日本公使館。數十年。約如科士達使館。而關係之深切尤過之。美人其名。而日人其實也。願日本本國之外交家。固自不乏。而必假美籍之田尼遜為傀儡者。其深意殆別有所存。非吾人之所能測也。抑此外交顧問者。不過在漢城耳。自今以往。朝鮮外交之主動。不復在漢城。而在東京之霞關也。日本外務省所在地。故區。區顧問。非其所最注意者也。夫寧不見公布協約之第三條。將締結條約之權。盡收攬

於日本政府乎而漢城所餘者更何有也。朝鮮與列國不復互派公使而列國派使朝鮮者惟餘領事也是國際法上保護國之地位則然。吾昔者斷斷自號曰「朝鮮爲大清藩屬二百餘年」而顧聽其自與外國立約今請觀他人之所以待其保護者果何若也。此大之西藏一如前者朝鮮之覆轍矣。噫朝鮮今後之外交權有如此者普之初敗於法也法人限其常備兵額今者日本限制朝鮮之兵由二萬而減至一千使朝鮮永無死灰復燃之望也。雖然即使朝人有兵二萬其亦何能爲日本於此未免過慮也。或曰彼所重者固不在是彼誠見夫糜費之無謂以整理財政之目的故省之非有他念吾蓋亦信之也。朝鮮今後之軍政權有如此者三權既去然則朝鮮政府所餘者能幾乎吾以爲舍伴食外真無有也。甚乃宮禁之事君側之惡而亦干預及之嗚呼三千年來箕子之血食其途已矣夫其途已矣夫吾今乃知夫扶助云保全云者其結果乃如是也。

兩以日本輿論研究對韓政略者更僕難數就中柴四郎氏進步黨一名士著 佳人奇遇者也新著

一論名曰「韓國之將來」登諸本月太陽報中綜羣說而徧評之其所舉者得

甲 韓皇半面論主仍扶持朝鮮之獨立者也

時局

乙 日韓大帝國合併論、略如奧匈之双

丙 顧問政治論、派一總顧問官、其餘各

丁 保護國論

戊 韓國永久中立論、使之如瑞士如

己 總督政治論、謂收之為郡縣如

庚 放棄政治、獲取實業論

辛 韓皇讓位論

壬 亡命客利用論

柴氏原著凡二萬餘言。臚舉此諸說者之論據。而疏通證明之。日本之輿論。略具於是矣。今避繁不復博引。要之日之視韓。從可知也。而現在所實行者。則丁說也。丁說者。亦實日本今後對韓政略之不二法門也。

嗟夫。嗟夫。風景不殊。舉目有山河之異。昔人所歎。今乃見之。吾於三年前。曾著滅國新法論一篇。於近百年來。已墟之社。憑弔陳跡。而追想其馴致之由。未嘗不汗淚背而涕。

+

交。願。也。今。朝。鮮。又。弱。一。個。矣。昔。人。詩。云。日。出。狐。狸。眠。冢。上。夜。歸。兒。女。笑。燈。前。吾。恐。吾。之。
 哀。朝。鮮。者。其。又。將。見。哀。於。朝。鮮。爾。嗟。夫。

(完)



英法兩國與埃及訂派財政監督條約（一千八百七十九年）

（第一條）財政監督官凡一切公債事務歸其經理固無待言乃至政府一切之職務皆有全權調查之內閣諸大臣及一切官吏若遇財政監督官調取公牘舊案等項必須立刻交出大藏大臣必須將其支出收入之統計表呈出於財政監督每禮拜一次其餘各部每月一次

（第二條）財政監督官之任免必經其所派出之本國政府之手埃及政府不能容喙

（第三條）略

（第四條）財政監督官其位置與大臣等於內閣會議時得自發表其意見但無投票權耳

（第五、六條）略

（第七條）財政監督官於其所屬之官吏得以全權任免之（下略）